

**Inyobabarezi yo gukora Imfashanyigisho mu  
bikoresho biboneka aho dutuye n'uko zikoreshwa**

© 2020 Ikigo Gishinzwe Guteza Imbere Uburezi mu Rwanda (REB)

Uburenganzira bw'umwanditsi w'ibikubiye muri iki gitabo bufitwe n'Ikigo Gishinzwe Guteza  
Imbere Uburezi mu Rwanda (REB).

## IJAMBO RY'IBANZE

### Mwarimu, murezi,

Guverinoma y'u Rwanda ishyira imbaraga mu kunoza uburezi bw'abana b'inshuke. Kugira ngo intego yo kongera imibare y'abana bagana amashuri y'inshuke igerweho, abafatanyabikorwa bashyize imbaraga mu gushyigikira Ikigo Gishinzwe Guteza Imbere Uburezi mu Rwanda (REB) muri gahunda yo guteza imbere uburezi bw'abana b'inshuke.

Ni muri urwo rwego, hashingiwe ku nteganyanyigisho ishingiye ku bushobozi (CBC), igenewe uburezi bw'abana b'inshuke, hateguwe Inyobarabarezi yo gukora Imfashanyigisho mubikoresho biboneka aho dutuye igenewe uburezi bw'abana b'inshuke.

Gufasha abana b'inshuke ni uburyo bwiza bwo kubategura kumenya gusoma neza igihe batangiye amashuri abanza. Iyi nyoborabarezi ikubiyemo inama wagenderaho mu gufasha abana kwiga Ikinyarwanda hifashishijwe uburyo bujyanye n'ikigero cyabo. Hakubiyemo kandi inkuru, imivugo, imikino, wakwifashisha wongera ibyo usanzwe ushingiraho wigisha amasomo atandukanye.

Iyi mfashanyigisho, izagufasha mu kazi kawe ka buri munsi. Bimwe mu byo ukwiye kwitaho mu mikoreshereze y'iyi nyoborabarezi ni ibi bikurikira:

- Gutegura isomo n'imfashanyigisho ziboneye kandi ukazirikana ko mu mashuri y'inshuke abana biga binyuze mu mikino;
- Gushyira abanyeshuri mu matsinda kugira ngo bige gukorera hamwe no kuzuzanya banateza imbere imbamutima zabo;
- Guha abanyeshuri uruhare mu myigire yabo, bakorera imyitozo mu matsinda cyangwa buri wese ku giti ke kandi bakora ubushakashatsi buri ku rwego rwabo;
- Gutegurira abana uburyo buzamura ubushobozi bwabo, ukoresha imyitozo ituma batekereza byimbitse, bakemura ibibazo, bakora ubushakashatsi, bahanga udushya kandi babasha gusabana, gukorera hamwe no kubana n'abandi;
- Gukoresha imfashanyigisho mu myigishirize kandi uha agaciro ibikorwa by'abana bakorera mu ishuri; Kwinjiza mu masomo anyuranye ingingo nsanganyamasomo ziteganywa n'integanyanyigisho ishingiye ku bushobozi kugira ngo utoze abana bakiri bato kugira indangagaciro z'umuco nyarwanda, ushingiye ku kigero cyabo.

Izo ngingo nsanganyamasomo ni izi zikurikira: Umuco w'amahoro, kurwanya jenoside, uburinganire n'ubwuzuzanye, uburezi budaheza, ubuzima bw'imyororokere, umuco wo kuzigama, ibidukikije n'umuco w'ubuziranenge

Twizeye ko iyi nyoborabarezi izagufasha gutegura Imfashanyigisho mubikoresho biboneka aho dutuye

**Dr NDAYAMBAJE Irénée**

**Umuyobozi w'Ikigo Gishinzwe Guteza Imbere Uburezi mu Rwanda (REB)**



## **GUSHIMIRA**

Iyi nyoborabarezi igenewe abarimu bigisha mu mashuri y'inshuke. Yateguve n' Ikigo Gishinzwe Guteza Imbere Uburezi mu Rwanda (REB), ku bufatanye n'abaterankunga: UNICEF na VSO ku nkunga ya USAID.

Dushimiye tubikuye ku mutima aba baterankunga kuko iyo hatabaho uruhare rwabo, iki gitabo nticyashoboraga kwandikwa uko bikwiye.

Tuboneyeho gushimira abakozi b'Ikigo Gishinzwe Guteza Imbere Uburezi mu Rwanda (REB) n'abakozi ba Minisiteri y'Uburezi (MINEDUC) bashinzwe uburezi bw'abana b'inshuke, n'abashinzwe isomo ry'Ikinyarwanda, bagize uruhare mu iyandikwa ry'iyi nyoborabarezi. Kwitanga kwabo n'ibitekerezo byabo byagize uruhare rukomeye mu iyandikwa ry'iyi nyoborabarezi.

Dushimiye kandi, abarezi mu mashuri nderabarezi, umukozi wa NECDP ushinzwe uburezi bw'abana, umukozi wa UNICEF Rwanda ushinzwe uburezi bw'abana b'inshuke, abakorerabushake ba VSO bakoze mu mushinga wa ITEGURE GUSOMA bagize uruhare mu itegurwa n'inozwa ry'iyi nyoborabarezi. Ubufatanye bwabo mu kunononsora iyi nyoborabarezi ni ntagereranwa

Tuboneyeho kandi gusaba abazakoresha iyi nyoborabarezi gutanga ibitekerezo byatuma irushaho kunozwa kugira ngo bizifashishwe mu ivugururwa ryayo.

## **MURUNGI Joan**

**Umuyobozi w'Ishami ry'Integanyanyigisho n'Imfashanyigisho (CTLRD)/REB**

## ISHAKIRO

<b>IJAMBO RY'IBANZE.....</b>	III
<b>GUSHIMIRA .....</b>	V
<b>IGICE CYA 1 .....</b>	1
<b>1. INTANGIRIRO .....</b>	1
1.1. Imfashanyigisho ni iki? .....	2
1.2. Kuki imfashanyigisho ari ngombwa?.....	2
1.3. Ingingo zibandwaho mu gukora imfashanyigisho. ....	3
1.4. Niki umurezi abanza kwibaza mbere yo gutegura Imfashanyigisho?.....	4
1.5. Gutegura neza imfashanyigisho.....	8
1.5.1. Kuki ari ngombwa gutegura neza imfashanyigisho?.....	8
1.5.2. Imfashanyigisho zitegurwa ryari? .....	8
1.5.3. Ni nde ugomba gutegura imfashanyigisho? .....	9
1.5.4. Uruhare rw'abatuye aho ishuri riherereyemo mu gutegura imfashanyigisho .....	9
1.5.5. Imfashanyigisho zimanikwa gute? .....	10
<b>IGICE CYA II: IMFASHANYIGISHO ZIYANYE NA BURI KIGWA .....</b>	10
<b>2. UBUMENYI BW'IBIDUKIKIJE.....</b>	11
2.1. Inzu .....	11
2.1.1. Umukino wo guhuza ibice by'ishusho ikase bigakora ishusho yuzuye .....	11
2.2. Gutwara abantu n'ibantu ku butaka no mu kirere .....	14
2.2.1. Gutwara abantu n'ibantu ku butaka.....	14
2.2.2. Gutwara abantu n'ibantu mu kirere ( indege).....	16
2.3. Gukora imfashanyigisho z'ibikoresho byo mu bidukikije .....	18
2.3.1. Isuka .....	18
2.3.2. Inzu.....	20
2.3.3. Terefoni .....	22
2.4. Kwihangira ibikinisho.....	24


2.4.1. Imodoka .....	2 4
2.4.2. Ibipupe.....	2 5
2.5. Ibice bigize umubiri w'umuntu n' akamaro kabyo (Imyaka 1-6 ).....	2 7
2.6. Ibishushanyo by'ihindagurika ry'ikirere-amakarita.....	2 8
2.7. Ibikoresho by'imikino yigana.....	3 0
2.8. Imfashanyigisho z'umwimerere.....	3 2
2.9. Isuku .....	3 4
<b>2.10.Ibimera .....</b>	<b>3 6</b>
2.10.1 Gusiga amabara mu ndabo (Imyaka 0 kugera 3) .....	3 6
2.10.2. Gusiga amabara ikimera (imyaka 4).....	3 7
2.10.3. Umukino wo guhuza bice bikase bigize ikimera (Imyaka 5).....	3 7
2.10.4. Ubutaka,ibimera n'uko bikura ( imyaka 6).....	3 8
<b>2.11.Inyamaswa .....</b>	<b>3 9</b>
2.11.1. Gusiga amabara mu mashusho y'inyamaswa (Imyaka 0 kugera kuri 3) .....	4 0
2.11.2. Gukora ifi, Kuyishushanya no kuyisiga ( imyaka 4 kugera kuri 6).....	4 0
2.11.3. Umukino wo guhuza ibice bikase by' ishusho bigakora ishusho yuzuye (Imyaka 3 kugerakuri 6).....	4 1
<b>2.12.Ibidukikije kamere .....</b>	<b>4 4</b>
2.12.1. Umusizi n'ikibaya bibumbye mu ibumba.....	4 4
<b>3. IMIBARE.....</b>	<b>4 7</b>
3.1. kuzuza uruhererekane ,mu ishusho cyangwa mu mibare .....	4 7
3.1.1. Kuzuza ishusho ukoresheje ibishyimbo. (imyaka 1 kugera 3).....	4 7
3.1.2. Kuzuza uruhererekane rw'amabara .....	4 8
3.1.3. kuzuza uruhererekana rw'ibinyampande ( imyaka 5 ).....	4 9
3.1.4. Kuzuza uruhererekane rw' imibare ( imyaka 5 kugera 6).....	5 0
3.2. Kubara no gutteranya ukoresheje ibikoresho bifatika nk' amabuye (imyaka 1 kugera 6).....	5 2

3.3. Umukino wo guhuza amashusho avangavanzo agakora iforomo y'ikintu .....	5 4
3.3.1. Umugozi ugoronzoye cyangwa umunyorogoto ( imyaka 5 kugera 6).....	5 4
3.4. Ingano ,kugerereranya ,ibipimo no guhuza ( imyaka 4 kugera 6).....	5 5
3.5. Gupima uburebure n' ubugufi .....	5 6
3.5.1. Gupima ukoreshjeje ibiti ( imyaka 1 kugera 4) .....	5 6
3.5.2 Gupima ukoreshjeje ibumba ( imyaka 5 kugera 6) .....	5 7
3.5.3. Gupima ukoreshjeje igereranya ry' ibintu ( imyaka 6) .....	5 8
3.6. Gukora amakarita y'imibare mu bikoresho biboneka aho dutuye .....	5 9
3.6.1. Gutondeka imibare isize amabara (Imyaka 0- 3).....	6 0
3.6.2. Gusiga amabara mu mibare (Imyaka 3 kugera 4) .....	6 0
3.6.3. Gutondeka uruhererekane rw'imibare ( imyaka 5-6).....	6 1
3.6.4. Gutondeka uruhererekane rw'imibare rwisubiramo mu mabara ( imyaka 5-6) .....	6 1
3.6.5. Gukora imibare n' urudodo .....	6 1
3.7. Gutondeka imibare ( imyaka 4 kugera kuri 6) .....	6 3
3.8. Kubara ukoreshjeje impapuro zifite ishusho y'urukiramende (imyaka 3 kugera 5) .....	6 5
3.9. Kuzuza imibare ibura .....	6 6
3.10.Amashushongero: Mpandenye, Mpandeshatu, Uruziga.....	6 9
3.11.Amashushongero: Mpandenye, Mpandeshatu, Uruziga.....	7 3
3.12. Uruhererekane no guhuza ibijyanye .....	7 5
3.12.1. Guhuza imibare hagendewe ku mabara ( imyaka 1 kugera 5).....	7 5
3.12.2. Guhuza imibare yanditse ku gikarito n' iyanditse ku mifuniko y' amacupa ( imyaka 4 kugera 6) .....	7 6
3.12.3. Guhuza imibare n' utudomo byanditse mu mpande zitandukanye (Imyaka 6).....	7 7
3.13.Amafaranga .....	7 8
3.13.1. Gutandukanya inoti n'ibiceri .....	7 8
3.14.Banki : Imikino yo kwigana ( imyaka 4 kugera 5 ) .....	7 9
3.15.Iduka : Imikino yo kwigana ( imyaka 4 kugera kuri 6).....	7 9

3.16.Umukino wo gutombora hakoreshejwe udutafari bita dayisi “dice” (imyaka 4 kugera 6).	8 1
3.16.1. Umukino wo gutombora ukoreshheje udutafari twa dayisi “dice” (imyaka 5 kugera 6) ..	8 2
3.16.2. Umukino wo kumaramo ukoreshheje udutafari twa dayisi “dice”. (Imyaka 4 kugera 6) .	8 3
3.17.Guteranya, kugabanya , gukuramo (imyaka 1 kugera 6)	8 4
3.18. Iminsi y'icyumweru (imyaka 3 kugera kuri 6).....	8 6
3.19.Ingengabihe n'amagambo ajyanye n'ibikorwa by'umunsi .....	8 8
<b>4. INDIMI.....</b>	<b>9 1</b>
4.1. Agatabo k' inyuguti gakoze muri teripuregisi (Triplex) ( abana b' umwaka 1 kugera kuri 6).....	9 1
4.2. Umukino wo guhuza inyuguti zisa ( kuva ku myaka 4 kugera kuri 6).....	9 2
4.3. Amakarita y' inyuguti ( imyaka 1 kugera kuri 6) .....	9 5
4.4. Inyuguti zibura (Imyaka 3 kugera kuri 5 ) .....	9 6
4.5. Umukino wo kuzuza inyuguti zibura mu tuzu.....	9 8
4.6. Kwandukura inyuguti ukoreshheje ibikoresho/kwandika inyuguti uyireba .....	9 9
4.7. Kubumba inyuguti mu ibumba .....	101
4.8. Umukino wo guhuza ukoreshheje urudodo (imyaka 4 kugera 6).....	102
4.9. Umukino w' imbata/ gusimbuka utuzu tugize imbata ( kuva ku mwaka 1kugera kuri 6).....	105
4.9.1. Ikibariko cy' amashusho /Gusimbukira mu tuzu tw' amashusho ( umwaka 1 kugera kuri 3 ).....	105
4.9.2. Ikibariko cy'inyuguti / Gusimbuka mu tuzu tw'inyuguti.....	106
4.10.Gutoranyamo ikidasa n' ibindi .....	107
4.11.Igiti k' inyuguti (umwaka 1 kugera kuri 6) .....	109
4.12.Umukino wo guhuzano no gutondeka inyuguti hagakorwa ijambo (imyaka 5 kugera kuri 6) .....	110
4.12.1. Kwandukura amagambo ukoreshheje imifunko y' amacupa (kwandika amagambo uyareba).....	110

4.13. Gukora amakarita y' amazina y' abana n' ibirango by' amazina y'abana.....	112
4.13.1. Ibirango by'amazina y'abana (Imyaka 0 kugera kuri 6) .....	112
4.13.2. Amakarita y'amazina y'abana ( imyaka 5 kugera kuri 6 ) .....	114
4.14.Umukino wo guteranya ibice by' ishusho hagakorwa ishusho yuzuye. (imyaka 3-6)	115
4.15.Gusanisha inyuguti zitondetse n' izivangavanze ( imyaka 4 kugera kuri 6) .....	117
4.16.Inyuguti ukoraho ukazimenza /inyuguti zifatika.....	119
4.16.1. Inyuguti zimanikanye n' ifoto bijyanye .....	121
4.16.2. Inyuguti zimanitse mu ishuri .....	121
<b>5. UBUGENI N'UMUCO .....</b>	<b>123</b>
5.1. Kubaka imodoka muri tiripuregisi.....	123
5.2. Kubumba ibikoresho bitandukanye ukoreheje ibumba.....	125
5.3. Kubumba uhereye kubinyamubyimba ukoresheje impapuro (imyaka 3 kugera 6) ....	128
5.4. Komeka udupapuro dufatira mu mashusho , mu miterere cyangwa mu iforomo y' ikintu .....	130
5.5. Gutera irangi .....	132
5.5.1. Gutera irangi ukoresheje ikiganza (imyaka 0-3) .....	132
5.5.2. Gutera irangi ukoresheje ikimera ( imyaka 4-6) .....	132
5.5.3. Gutera irangi ukoresheje iforomo cyangwa ibinyampande (Imyaka 5-6) .....	133
5.6. Gutaka .....	135
5.6.1. Gutakisha amezi y'umwaka ( imyaka 1 kugera kuri 6) .....	135
5.6.2. Gutakisha amazina y'abana ( imyaka 1 kugera 6) .....	136
5.6.3. Gutaka inyuguti n'imibare ( imyaka 3 kugera 6) .....	136
5.7. Gusiga amabara no gukata .....	138
5.7.1. Gusiga amabara ( imyaka 1 kugera 5) .....	138
5.7.2. Gukata ishusho y'ikintu no kugisiga ibara risa n'uko gisanzwe gisa. (imyaka 4 kugera kuri 6).....	138

5.8. Ibikoresho biva mu bukorikori.....	140
5.8.1. Umupira ubanze mu birere ( imyaka 0 kugera kuri 6) .....	140
5.8.2. Umugozi wo gusimbuka ( imyaka 1 kugera kuri 6) .....	141
5.8.3. Imisambi .....	142
5.8.4. Ibikinisho.....	144
5.9. Ibikoresho bya muzika:.....	146
5.9.1. Gitari .....	146
5.9.2. Ishabure , umugara n' umwitero.....	147
<b>6. IBONEZABUZIMA.....</b>	<b>151</b>
6.1. Gukina umupira w' amaguru ( Imyaka 0 kugera kuri 6) .....	151
6.2. Gusimbuka umugozi. ( imyaka 1 kugera kuri 6) .....	152
6.3. Gukina Agati ( imyaka 0 kugera kuri 6).....	154
6.4. Imycungo ( imyaka 0 kugera kuri 6) .....	155
6.5. Umucanga ( imyaka 0 kugera kuri 6).....	156
6.6. Umucanga ( imyaka 0 kugera kuri 6).....	157
6.7. Ibikoresho by'isuku (Imyaka 0 kugera kuri 6).....	158
<b>7. ITERAMBERE MU MBAMUTIMA NO MU MIBANIRE N'ABANDI.....</b>	<b>159</b>
7.1. Ibimenyetso by'amarangamutima. ....	160
<b>8. GUTEGURA ISHURI.....</b>	<b>163</b>
8.1. Ahagaragaza abana baje n'abasibye bakoresheje uburyo bw' umukino .....	164
8.2. Gahunda y'ibikorwa by'umunsi .....	165
9. Kubika neza imfashanyigisho.....	166
9.1. Kuki ari ngombwa kubika neza imfashanyigisho? .....	166
8.2 Imfashanyigisho zabikwa hehe? .....	167
8.2.1. Ububiko bw' imfashanyigisho.....	167
10. Ibitabo byifashishijwe:.....	169





### INTANGIRIRO

Ikigo Gishinzwe Guteza Imbere Uburezi mu Rwanda (REB) cyashyize ahagaragara integenyanigisho ishingiye ku bushobozi igomba gukurikizwa mu burezi bw'abana b'inshuke. Ubushobozi bw'ibanzo n'ubushobozi nsanganyamasomo bugomba gitezwa imbere binyujije mu mikino, imyitozo n'ibikorwa binyuranye bikorerwa kenshi mu matsinda, bigamije gutoza abana gusabana n'abandi, gukangura ubwonko n'ibyumviro byabo, kunoza imvugo bavuga, basobanura ibyo babona n'ibyo bakora. Hashingiwe kandi ku ihame ry'uko abana bo mu kiciro k'inshuke biga bigana, imyitwarire n'indangagaciro biboneye bazabitozwa n'urugero rwiza bahabwa n'ababyeyi, abarezi cyangwa abandi babakuriye.

Mu rwego rwo gufasha abarimu bigisha mu mashuri y'inshuke gushyira mu bikorwa integenyanigisho ishingiye ku bushobozi; Ikigo Gishinzwe Uburezi mu Rwanda (REB) ku bufatanye na VSO (voluntary service overseas) na UNICEF Rwanda hateguwe nyoborabarezi ifasha abarezi bo mu mashuri y'inshuke kwigisha uko bikwiye amasomo no gukora imfashanyigisho bifashishije ibikoresho biboneka aho dutuye. Imfashanyigisho zikozwe mu bikoresho biboneka aho dutuye ni ingenzi kuko ziboneka ku buryo bworoshye kandi zikaba zihendutse. Izo mfashanyigisho zifasha abarezi kubaka ubushobozi, ubumenyi, ubumenyi ngiro n'ubukesha mu bana nk'uko biteganyijwe mu nteganyanyigisho y'amashuri y'inshuke.

Kubona imfashanyigisho no kuzikoresha bizamura ireme ry'uburezi mu byiciro by'amashuri y'inshuke uko akurikirana. Kubonera imfashanyigisho abana bato biracyari imbogamizi bitewe n'ubushobozi buke ndetse n'ubumenyi budahagije ku barezi. Ku bw'yo mpamvu iyi nyoborabarezi izafasha abarezi bo mu mashuri y'inshuke, kwiyungura ubumenyi n'ubumenyi ngiro buzabafasha kwikorera imfashanyigisho bakeneye kugira ngo barusheho kunoza imyigire n'imyigire y'abana bo mu mashuri y'inshuke.

Iyi nyoborabarezi kandi ishimangira akamaro ko gukoresha imfashanyigisho zifatika mu gutanga ubumenyi binyuze mu mikino cyane ko uburyo bukoreshwa mu kwigisha amasomo, bushingiye mu mikino, butuma abana bagira uruhare mu myigire yabo.

Iyo umwana yiga hakoreshejwe uburyo bw'imikino inyuranye, bituma atarambirwa ibyo yiga kandi agahora yishimiye gukina bene iyo mikino. Muri iyi mfashanyigisho abarezi bazanungukiramo uko bakoresha imfashanyigisho bizajana n'impinduka mu myitwarire y'umwana n'imicungire y'ishuri muri rusange.

Iyi nyoborabarezi yubakiye ku byigwa bitandatu harimo Indimi, Imbare, Ubumenyi bw'ibidukikije, Ubugen i'umuco, Ibonezabuzima n'Iterambere mu mbamutima no mu mibanire n'abandi. Muri buri kigwa, hagaragazwa imfashanyigisho zitandukanye umurezi ashobora gukora. Buri mfashanyigisho kandi igaragaza ibi bikurikira:

- Ibikoresho bikenewe
- Uko bikorwa
- Uko bikoreshwa
- Uko bifasha mu myigire, mu byigwa, mu ngingo nsanganyamasomo n'ubushobozi bw'ibanzo

Mu byigwa bitandatu biteganyijwe mu mashuri y'inshuke, nk'uko byavuzwe haruguru, bibiri muri byo: "Ibonezabuzima n'iterambere mu mbamutima no mu mibanire n'abandi" bikubiye mu bindi byigwa. Iyi Nyoborabarezi kandi yerekana aho ihuriye n'integanyanyigisho bigafasha abarezi

kubona isano ifitanye n'ibiru mu zindi nyoborabarezi zikoreshwa mu bigo mbonezamikurire no mu mashuri y'inshuke.

Mu gukora iyi nyoborabarezi hagendewe ku mirongo migari y' integanyanyigisho y'lkigo Gishinzwe Guteza Imbere Uburezi mu Rwanda (REB), kandi yoroheye abarezi kuyikurikiza bakora imfashanyigisho zikenewe zabafasha kunoza imyigire n'imyigishirize mu mashuri y'inshuke.

## 1.1. Imfashanyigisho ni iki?

Imfashanyigisho ni ibikoresho byose bishobora kwifashishwa mu myigire n'imyigishirize kugira ngo intego y'ikiga igerweho. Imfashanyigisho zigabanyijemo ibice bitatu. Hari imfashanyigisho z' amajwi, amashusho ndetse n' iza' amajwi n' amashusho zishobora gukorera mu nganda cyangwa mu bikoresho biboneka aho dutuye. Imfashanyigisho zikorwa mu bikoresho biboneka aho dutuye, zishobora gukorwa n'abarezi, ababyeyi, abana cyangwa abatuye aho ishuri riherereye. Ingero z'ibikoresho wakwifashisha mu gukora imfashanyigisho zitandukanye:

- |              |                           |              |
|--------------|---------------------------|--------------|
| - Indodo     | - Ibikarito               | - Ibpupe     |
| - Amasaro    | - Uduce tw'impapuro       | - Ibikinisho |
| - Ibigori    | - Amafoto                 | - Ibitabo    |
| - Ibishyimbo | - Amashusho               | - N'ibindi   |
| - Amacupa    | - Uduce dusigara ku mbaho | - Imipira    |
| - Amabuye    | - Imikino                 | - Ibumba     |
| - Imifuka    |                           |              |

## 1.2. Kuki imfashanyigisho ari ngombwa?

Jean Piaget agaragaza ibice bine by'ingenzi bigize imikurire y'ubwonko. Kimwe muri ibyo bice harimo igice cya mbere cy'uko umwana atangira gukora ibintu bitandukanye akiri muto. Jean Piaget uvuga ko abana bo muri iki kigero batangira gukoresha ibimenyetso no gukorakora ku bantu. Agaragaza kandi ko imyigire y'abana igoranye mu gihe nta mfashanyigisho zifatika zihari. Twifashishije ingero zikurikira, bigaragara ko imyigire y'abana batabona imfashanyigisho zifatika igorana.

Urugero rwo kwiga ibigaragara: kubaza abana umubare w'amaguru inka igira. Hanyuma ukabereka igishushanyo kiriho inka bakabara amaguru yayo bakirebeyeho ndetse bakanayakoraho.

Urugero rwo kwiga ibitagaragara: Kubaza abana umubare w'amaguru inka igira. Hanyuma ugatekereza ko baguha igisubizo nyacyo kandi utaberetse igishushanyo kiriho inka ngo bayibone cyangwa ngo bagikoreho.

Nta gushidikanya ko tushingiye ku ngero tumaze kubona kwiga ibitagaragara bigoye kurusha kwiga ibigaragara. Ni yo mpamvu imfashanyigisho ari ingenzi kuko zifasha abana kwiga bareba banakora kurusha kwiga ibyo batabona. John Dewey avuga ko abana biga neza binyuze mu kuvumbura. Ni byiza rero ko abana bahabwa imfashanyigisho zitandukanye bakazikoresha kugira ngo bibafashe kuvumbura no guhangga udushya.

Izindi mpamvu zerekana akamaro ko gukoresha imfashanyigisho:

- Bituma abana biyumva mu byigwa
- Bifasha umurezi kumenya ibiyumviro by'abana
- Byoroshyia imyigire n'imyigishirize
- Bifasha abana kubika amakuru
- Bifasha umurezi kugera ku ntego y'ibygwa no gukurikirana imyitwarire y'abana mu ishuri.

### 1.3. Ingingo zibandwaho mu gukora imfashanyigisho.

Mu gihe umurezi akora imfashanyigisho agomba kwibanda ku ngingo zikurikira:

- Imfashanyigisho zigomba kuba zifite ingano ihagije ku buryo zigaragarira abana bose mu ishuri kandi ntizibatere urujijo
- Imfashanyigisho zigomba kuba zikoze neza ku buryo abana bashobora kuzigana
- Imfashanyigisho zigomba kuba ziri ku rugero rw'emyumvire y'abana
- Imfashanyigisho zigomba kuba zitanga amakuru y'ingenzi
- Imfashanyigisho zigomba kuba zikurura abana
- Imfashanyigisho zigomba kuba zitekanye mu kuzikoresha
- Imfashanyigisho zigomba kuba ziramba
- Imfashanyigisho zigomba kuba zihendutse
- Imfashanyigisho zigomba kuba zitunganyije neza
- Imfashanyigisho zigomba kuba zihagije kandi zoroheye abana bose kuzikoresha mu ishuri
- Imfashanyigisho zigomba kuba abana bashobora kuzikoresha bisanzuye
- Imfashanyigisho zigomba kuba zижане n'imibereho y'umwana akaba azi ibyo bikoresho
- Imfashanyigisho zigomba kuba zitanyuranya n'umuco

**Ingero mu mashusho za bimwe mu bikoresho byakwifashishwa mu gukora imfashanyigisho**





- Ibikoresho cyangwa imfashanyigisho byakozwe n'umurezi kugira ngo yigishe cyangwa asobanure ikintu runaka, bishobora kuba bidahagije ku ishuri ryose, ariko ibikoresho abana bakoresha mu ishuri bari mu gikorwa runaka, bigomba kuba bihagije ku buryo bashobora kubikoresha ari babiribabiri, mu matsinda mato cyangwa buri mwana ku gitি ke.
- Umurezi agomba kwhiatira gukora imfashanyigisho nyinshi kandi ziri ku kigero kimwe ku buryo buri mwana abasha kugira igikorwa akora.

#### 1.4. Niki umurezi abanza kwibaza mbere yo gutegura Imfashanyigisho?

Mbere yo gutegura imfashanyigisho, umurezi agomba kubanza kwibaza ku byo agamije, kugira ngo imfashanyigisho ategura zimufashe kugera ku ntego yiyemeje mu buryo bworoshye. Urugero rw'ibyo ashobora kwibaza:

- Ni iki nshaka ko abana bamemenya?
- Ni iki nshaka ko abana bakora?
- Ese imfashanyigisho ntegura zirakoreshwa n'umurezi gusa cyangwa n'abana bazazikenera mu myigire yabo?


- Ese imfashanyigisho ngiye gutegura zizafasha abana bari mu kihe kigero?
- Ese imfashanyigisho ngiye gutegura ntiziheza abana bafite ubumuga?
- Ese ntizibangamira umuco.

### ***Intambwe zo gutegura imfashanyigisho igaragaza inyuguti nkuru n'ntoya***






#### ***Intambwe zo kwandika inyuguti ntoya ku mifuka***

- Mu gihe ukora cyangwa utegura imfashanyigisho zijiyanje n'inyuguti, koresha inyandiko yabugenewe mu myandikire y'inyuguti nk'uko bigaragara ku ifoto yatanzwe hasi.
- Ca imirongo iza kubahirizwa mu kwandika inyuguti ukoreshheje irati kugira ngo inyandiko zize kuba zigaragara neza
- Banza wandike inyuguti ukoreshheje ikaramu y'igitu kugira ngo nibiba ngombwa ko usiba bikorohere mu rwego rwo kugira ngo inyuguti zikwire aho zandikwa
- Nyuza marikeri mu nyuguti wanditse n'ikaramu y'igitu kugira ngo zibashe kugaragara neza.

#### **Uko inyuguti nto n' inkuru zandikwa hakurikijwe ikerekezo**



## Uko bikorwa ku mufuka




## **Intambwe yo kwandika inyuguti ntoy a ku mifuka**

Ni byiza gukoresha umufuka w'ibara rimwe kandi utagize ikindi cyanditseko. Koresha uburyo bukurikira mu gukata umufuka.

### **Ibikoresho byifashishijwe:**


- Ca umurongo ugororotse aho ushaka gukatira umufuka wawe.
- Koresha icyuma gishyushye cyangwa umukasi mugihe ukata umufuka wawe.
- Funika impande z' umufuka wawe aho wakase hose ukoresheje sikoci mugihe umaze kuwukata kugira utadodoka.
- Iyo wakoresho icyuma gishyushe singombwa gufunika impera z'umufuka kuko iyo humutse hahita hakomera



1



2



3



4



5



6



### Inama ku bindi bikoresho byandikwaho inyuguti

Imbaho za tiripuregisi, ibikarito cyangwa ibitambaro

### Imfashanyigisho iriho amashusho n'inyandiko

Amafoto n'inyandiko bikenera kuba ahantu hisanzuye kugira bigaragare. Kugira ngo bikorwe neza ushobora gukora ibi bikurikira:

- Ca imirongo maze ushushanye ukoreshsheje ikaramu y'igitu kugira ifoto cyangwa inyandiko zize gukwirwamo neza.
- Iyo umaze gukoresha ikaramu y'igitu ushushanya cyangwa wandika usubiro imirongo ukoreshsheje igikoresho kiramba nka marikeri cyangwa irangi ry' amavuta hakoreshejwe uburoso bw'amarangi.

### 1.5. Gutegura neza imfashanyigisho.

Kora ibikoresho bishobora gukoreshwa ku nt ego nyinshi mu byigwa bitandukanye. Urugero guhuza imifuniko n'amakarita yanditseho byafasha mu mibare, mu gusoma no guteza imbere ubushobozi nk'imiyeo y'ingingo nto n'imiyeo y'ingingo nini no kwikemurira ibibazo.

#### 1.5.1. Kuki ari ngombwa gutegura neza imfashanyigisho?

Gutegura neza imfashanyigisho ni ngombwa cyane kubera ko bifasha umurezi kuzigeraho ku buryo bworoshye igihe azikeneye mu kwigisha ikigwa runaka, bigatuma agendera ku gihe, adahuzagurika

#### 1.5.2. Imfashanyigisho zitegurwa ryari?

Imfashanyigisho zigomba gutegurwa bitewe n'uburyo zikoreshwa kenshi. Ushobora gushyira imfashanyigisho zawe hamwe nyuma y'insanganyamatsiko runaka, abana batashye, cyangwa ku mpera z'ighembwe. Buri munsi mbere yo gutaha, umurezi aba agomba kumenya ko ibikoresho azakenera umunsi ukurikiyeho biteguye neza. Ibyo yitaho ni ibi bikurikira:

- Gusana zimwe mu mfashanyigisho zangiritse no kuzuza izituzuye.
- Guhindura imfashanyigisho ugendeye ku nsanganyamatsiko.
- Kureba niba hari izindi mfashanyigisho wakora cyangwa wategura umunsi ukurikiyeho.

**Urugero:**



Imfashanyigisho zishobora guhindurwa bitewe n'insanganamatsiko igezweho. Ni ngombwa gutunganya no gusukura imfashanyigisho igihembwe kirangiye kandi ukongeramo izindi bitewe n'ikigero abana bagezeho.

### 1.5.3. Ni nde ugomba gutegura imfashanyigisho?

Umurezi n'abana ni bo bategura imfashanyigisho mu ishuri. Mu bikorwa byo ku ishuri, abana bashobora gufasha umurezi gutegura imfashanyigisho bakoresha. Mu ishuri rrimo abana benshi, umurezi ashobora gukora gahunda y'uburyo azajya afatanya n' abana bakazikora bityo abana bakunguka ubumenyi bwo kwiga bakora, bikanabafasha kutazangiza kuko aribo bazikoreye.

### 1.5.4. Uruhare rw'abatuye aho ishuri riherereyemo mu gutegura imfashanyigisho

Abatuye aho ishuri riherereye bagira uruhare mu gukusanya ibikoresho byo gukoramo imfashanyigisho. Bimwe mu bikoresho byo gukoramo imfashanyigisho ntibikwiye kuba imbogamizi ku murezi, ahubwo abatuye aho ishuri riherereye na bo bakwiye kubigiramo uruhare, kugira ngo abana babo babashe kwiga neza.

Abayobozi b'ibigo by'amashuri bashobora gufasha abarezi, bakangurira abatuye aho ishuri riherereye kugira uruhare mu gukusanya bimwe mu bikoresho byakwifashisha mu gukora imfashanyigisho.

### **1.5.5. Imfashanyigisho zimanikwa gute?**

Umurezi ategura imfashanyigisho mu ishuri agendeye ku binogeye abana. Umurezi yirinda kumanika imfashanyigisho ziteza akajagari mu bana cyangwa ziteza urujijo. Agomba kuzimanika kuri gahunda, ku kigero cy' abana aho bashobora kuzikoraho igihe ari ngombwa bakanazireba byoroshye batararamye cyane kandi akagendera ku byigwa by' abana. Umurezi agomba kumanika imfashanyigisho zifasha umwana mu myigire n'imitekerereze ye. Hari zimwe mu mfashanyigisho zishobora kumanika mu myanya ihoraho mu ishuri

#### ***Urugero:***

- Amakarita mato agaragaza inguni
- Ingengabihe y'umunsi
- Inyajwi, ingombajwi, imibare, amabara ndetse n'amashusho agaragaza ibyo umwana akunda kubona mu buzima bwe bwa buri munsi.

#### **Ishuri rishobora:**

- Gukangurira abafite ubucuruzi butandukanye hafi y'ishuri nk'amaduka, utubari cyangwa ibarizo, gukusanya ibikoresho nk'imifuniko y'amacupa, ibice bisigara ku mbaho, ibitambaro bisigazwa n'abadozi, amakarito n'ibindi bitandukanye byakorwamo imfashanyigisho.
- Gukangurira abaturage gukusanya ibikoresho bitandukanye mu gihe cy'umuganda, mu kagoroba k'ababyeyi cyangwa igihe k'inama runaka maze bakazabishyikiriza amashuri aherereye aho batuye.
- Gukangurira abatuye mu gace ishuri riherereyemo babyifuza gukora imfashanyigisho zitandukanye babifashijwemo n'abarezi b'amashuri y'inshuke kugira ngo zifashe abana babo kunoza imyigire.



### **IGICE CYA II: IMFASHANYIGISHO ZIYANYE NA BURI KIGWA**






## 2. UBUMENYI BW'IBIDUKIKIJE

### 2.1. Inzu

#### 2.1.1. Umukino wo guhuza ibice by' ishusho ikase bigakora ishusho yuzuye

*Intambwe zo gutegura uyu mukino ziragaragara ku mashusho akurikira*



## Ibikoresho bikenewe:

Ibikarito cyangwa urupapuro rukomeye, tiripuregisi (Triplex), ikaramu y' igiti, irati, marikeri, umukasi, umusambi, umukeka cyangwa umufuka.

### Uko bikorwa



- Shushanya ishusho y'inzu ku ikarito cyangwa ku rupapuro rukomeye .
- Zengurutsa ishusho imirongo igororotse, ukate muri iyo shusho ibice bigize inzu, ubirambike ku ruhande bivangavanze.

### Uko bikoreshwa




#### Imyaka 1 kugera 4



- Umurezi ategurira abana ishusho y'inzu yuzuye ndetse n'ibice bikase bigize inzu ariko bifite amabara asa nayo kunzu yuzuye.
- Abana bahabwa inzu iteranyije ariko iburamo ibice bikeya byibura bibiri kandi bimeze kimwe ku buryo ntakiri bumugore mu gihe babishyira mu myanya yabyo
- Abana bashyira mu myanya irimo ubusa ibyo bice bahawe , bagakora inzu yuzuye.

#### Imyaka 5 kugera 6



- Abana bahabwa ibice by' ihusho y' inzu bivangavanze bakagerageza bakabihuza bagakora inzu yuzuye kandi bakavuga kuri buri gice bareba.
- Abana bashobora kugendera ku mabara ari ku ishusho cyangwa ku mpera z'ishusho
- Bashobora guhabwa ishusho yuzuye yo kureberaho cyangwa ntibayihabwe bitewe n' urwego bagezeho.
- Umurezi ashobora gukomeza Umukino cyangwa akaworoshyia bitewe n'urugero rw' abana afite.

- Ashobora gukata buri gice ukwacyo cyangwa buri gice akagikatamo kabiri.
- Uyu mukino abana bashobora kuwukina mu gihe cy' inguni y' ururimi cyangwa y' imibare

### **Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.**

- Abana biga gutandukanya ibice bigize inzu bagatera imbere mu kwikemurira ibibazo, kwiga no guhora biyungura ubumenyi ndetse no kwihangana.
- Abana bitoza gukorana ubushishozi mu gihe bahuza ibice
- Abana batera imbere mu miyego cyanecyane imiyego mito.
- Igihe abana bari gukora babiribabiri bivateza imbere mu mibanire, mu mbamutima ndetse no gusabana mu rurimi.
- Biteza imbere abana mu kwisanzuranaho no gufatanya igihe bakorana n'abandi.
- Byongerera abana ubushobozi mu buryo bw'itumanaho no kwiyobora.



#### Izindi nama

- Igikorwa gishobora gukorwa umwaka wose, kubera ko amashusho agenda ahinduka bitewe n'insanganyamatsiko igezweho.
- Mu gukata amashusho , umurezi ashyiramo ikintu gishobora gufasha umwana kuvumbura ibice ahuza ( ibara, imibarecyangwa imirongo itsindagiye)
- Abana bakiri bato ( imyaka 1 kugera kui 4) bahabwa ishusho yuzuye bareberaho bahuza kandi bagahabwa ibice bikase bike ( bibiri cyangwa bitatu)
- Abana bafite imyaka 5 na 6 bahabwa umubare mwinshi w' ibice bikase bakabiterateranya bikabyara ishusho yuzuye

### **Aho biboneka mu nteganyanyigisho y'amashuri y'inshuke:**

Umutwe 4: Iwacu mu rugo hamwe n'indi mitwe

## 2.2. Gutwara abantu n'ibantu ku butaka no mu kirere

Abana bakora ibikinisho byabo nk'imodoka, rukururana, igare, ipikipiki n'ubwato, indege bakoresheje ibikoresho biboneka aho batuye. Abana kandi bigana uko abakuru bakoresha ibyo bikoresho.

### 2.2.1. Gutwara abantu n'ibantu ku butaka

Intambwe zo gukora bisi mu mbaho zoroshye zitwa teripuregisi (Triplex), ziragaragara ku mashusho akurikira.



#### Ibikoresho bikenewe

Imbahos zoroshye: teripuregisi (Triplex), icyuma , ikaramu y' igiti, irati na marikeri.

#### Ibindi bikoresho byakora kimwe na triplex

Ibikarito n'ijerekani zashaje

## Uko bikorwa



- Shushanya bisi ku rubaho rworoshye: teripuregisi ( terprex)
- Genda ukata bya bice bya bisi washushanyije hanyuma ubiterateranye ukoreshheje sikoci bikore bisi y' igikinisho.
- Yisige amabara ajanye n' uko bisi zimenyerewe n' abana zisa.

## Uko bikoreshwa



### Imyaka kuri 0 kugera 3


- Mu gihe k'imikino yo hanze , aba bana bagendesha bisi, bakavuga nkayo, bagasunika, bagatwara, byose bigana uko babibonana abakuru cyangwa uko bayibona igenda
- Mu gihe abana basomerwa inkuru bashobora kwigana inkuru bakanatwara imodoka zabo.

### Imyaka 3 kugera kuri 6:

- Mu gihe k' imikino yo hanze, abana bakina bigana abashoferi , ibyapa byo mu mihanda, bakigana ibyo babona bakaba banakora iyabo bisi.
- Mu gihe k' inguni mu ishuri cyangwa hanze, abana bakina inkuru mu magambo yabo bakoresheje ya bisi cyangwa ikindi gikoresho cyo gutwaraabantu n' ibantu
- Abana biimbira inkuru zabo bwite bakazikinisha ibikoresho bafite
- Abana bakina bamwe ari abashoferi, abakanishi cyangwa abagenzi bagendera ku bintu binyuranye cyangwa bakabyigana bakoresheje bisi.

## 2.2.2. Gutwara abantu n' ibantu mu kirere ( indege)

Intambwe zo gukora indege zirakurikirana ku mashusho akurikira



### Ibikoresho bikenewe:

Urubaho rworoshye: Teripuregisi (Triplex), icyuma, ikaramu y' igiti , marikeri, sikoci y' umweru na sikoci y' ubururu cyangwa agapapuro k'ubururu

### Ibindi bikoresho byakora kimwe na triplex

Ibikarito n'ibice by'ijerekani birambuye

Uko bikorwa



- Shushanya indege kuri teripuregisi ( Terprex), hanyuma ukate ibice biyigize.
- Teranya ibyo bice ukoreshheje sikoci ,ukoremo indege
- Sigaho amabara ameze nk' uko indege iba imeze



### Imyaka 0 kugera 3:

- Mu mikino yo hanze , abana bakinisha indege , bakigana ibyo bayibonaho byos.
- Mu mikino yo mu ishuri, mu gihe k'inguni abana batwara indege ndetse bakigana no kuyikora

### Imyaka 3 kugera 6

- Mu mikino yo mu ishuri, mu nguni, abana bakina inkuru mu magambo yabo.
- Abana bakina bamwe ari abashoferi, abakanishi cyangwa abagenzi bagendera ku bintu binyuranye cyangwa bakabyigana bakoresheje iyo ndege.
- Mu mikino yo hanze barayigendesha, bakigana imikorere yayo.
- Abana kandi bakora izabo ndege mu bikoresho bafite mu ishuri cyangwa hanze

## Uko bifasha mu myigire, mu byigwa, mu ngingo nsanganyamasomo n'ubushoboz bw'ibanze.

- Biteza imbere abana mu gukomera kw'imiye go mito n'imini ni.
- Iyo abana bakinira hamwe bagakina bigana, ibyo bibateza imbere mu gusabana, mu mbamutima, mu mivugire, bibafasha kutibagirwa, kwishakamo ibisubizo ndetse no guhangna udushya.
- Bifasha abana kumenya uburyo bwo gutwara abantu n'ibantu bakamenya n'akamaro kabyo.

## Ibindi bikoresho byakora kimwe na triplex

Ibikarito n'ibice by'ijerekani birambuye



### Izindi nama

- Hanze y'ishuri, abana bashobora gukoresha imodoka mu gutwara amatafari n'umucanga; ku bana bubakisha amatafari.
- Bakora izindi modoka mu bindi bikoresho bitandukanye.
- Umurezi atanga amabwiriza y'uburyo abana bakata ishusho y'imodoka mu bintu bitandukanye nk'umufuka, ibinyamakuru n'ibindi bakabikata mu ngano zitandukanye kandi bakabisiga amabara uko bishakiye. Igihe buri kimwe kirangiye, abana barabivangura cyangwa bakabishyira hamwe bakurikije amabara, uburebure n'ubugari bwabyo.

Aho biboneka mu nteganyanyigisho y'amashuri y'inshuke:

Umutwe wa 8: Uburyo bwo gutwara abantu n'ibantu mu muhanda.

## 2.3. Gukora imfashanyigisho z'ibikoresho byo mu bidukikije

### 2.3.1. Isuka

Intambwe zo gukora isuka mu bikoresho biboneka aho dutuye zirerekana wa ku mashusho akurikiranwa.



#### Ibikoresho bikenewe

Urubaho rworoshye: teripuregisi (Triplex), icyuma , ikaramu y' igiti , irati.

#### Ibindi bikoresho byakora kimwe na triplex

Ibikarito cyangwa ibice by'ijerekani birambuye

Uko bikorwa



- Kuri teripuregisi (Triplex) shushanyaho isuka bahingisha, inyuma ushushanyeho umwobo ku buryo umuhini wayo uri bubashe kwinjiramo.
- Zenguruka ukata igishushanyo k'isuka washushanyije wibuke gukata neza umwobo wanyuzamo umuhini.
- Muri wa mwobo shyiramo igiti cyoroshye cyangwa gikozwe mu bikarito, kize kuba umuhini. Nugicomekamo, urabona imfashanyigisho iteye nk'isuka yo guhingisha
- Siga isuka amabara asa uko isuka isanzwe isa.



### Imyaka 1 kugera 3:

- Abana bakoresha isuka zikoze mu mpapuro nk' ibikinisho byoroshye, bakina bigana uko bahinga

### Imyaka 3 kugera 6

- Abana bari mu ishuri bakina inkuru mu magambo yabo bagakoresha isuka
- Mu mikino yo hanze , umurezi yerekera abana uko bahinga bakoresheje isuka .
- Abana bigana uko bakora isuka bakoresheje impapuro, ibikarito, bakigana kuyishushanya no gukata iyo bashushanyije, ndetse bagateranya ibice bakase bagakora isuka.
- Isuka yakoresha mu mikino iteza imbere indimi n'ubumenyi bw'ibidukikije ku ruziga: kugira ngo abana babashe kwibukiranya amazina y'ibokoresho by'ubuhinzi, akamaro kabyo n'igihe bikoreshwa'

### 2.3.2. Inzu

Amashusho akurikira arerekana intambwe zo gukora inzu.



#### Ibikoresho bikenewe:

- Igikarito, sikoci, marikeri z' amabara atandukanye.

#### Ibindi bikoresho byakora:

Triplex, Imbaho

Uko bikorwa



- Rambura igikarito. Koresha irate mu gushushanya ushushanye ishusho ya mpande enye inshuro enye. Izo mpande enye urazikata, buri ruhande ruge ukwarwo kugira ngo zigaragare nkaho ari inkuta enye z'inzu.
- Kata igikarito ugendeye ku bice bigize inzu

- Teranya bya bice by' igikarito ufatishishe sikoci cyangwa ubujeni, hanyuma ukore inzu.
- Siga ya nzu amabara ajyanye na buri gice kigize inzu
- Kata urugi ku ishusho imwe ya mpande enye maze kuri urwo ruhande ushushanyeho amadirishya unayasige amabara hanyuma uhuze iyo shusho n'izindi mpande enye ukore inkuta enye n'inguni enye zigize inzu.
- Kata igice k'igikarito ushyire hejuru ya ya karito nk'igisenge k'inzu.

### Uko bikoreshwa



#### **Imyaka 0 kugera 3**

- Abana bamenyera ibice bigize inzu uko bahora bayibona imbere yabo cyangwa bayikorakoraho

#### **Imyaka 4 kugera 6**

- Umurezi yereka abana mfashanyigisho mu gihe cy'ubumenyi bw'ibidukikije ku ruziga ,akabasobanurira akamaro ka buri gice, bakaganira no ku bintu biboneka mu nzu cyangwa hanze yayo.
- Umurezi n'abana bashobora gufata urugendo shuri kugira ngo bitegerezee uburyo ibikoresho bikoreshwa.
- Mu nguni y'imikino yigana cyangwa se hanze y'ishuri ,abana bagerageza kwigana gukora inzu bagashyirho ibice byose by' inzu nk'igisenge, inkuta, urugi, amadirishya n'ibindi.
- Abana bakina inkuru zijiyanne n' inzu mu magambo yabo.
- Inzu ishobora gushyirwa mu nguni y'imikino hamwe n'izindi mfashanyigisho nk'ibipupe, ipikipiki n'ibindi kugira ngo abana babashe gukora inkuru kandi babikinishe mu bikorwa byabo bya buri munsi.

#### **Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.**

- Bifasha abana gukura mu gihagararo bakagira imiyego y'ingingo nini n'intoya zikomeye.
- Bibateza imbere mu bushishozi no gushakira ibibazo ibisubizo.
- Biteza imbere ibikorwa byo guhangga udushya.
- Bifasha abana kumenya ibikorwa bya buri munsi, no kumenya uko isi iteye.



## Izindi nama

- Ibikoresho nk'ijerikani, teripuregisi ( terprex) bishobora gukatwamo imfashanyigisho
- Mu nguni y' ubugenzi, umurezi afatanya n' abana gukora izindi mfashanyigisho nka: igare, imodoka, ibikoresho byo mu rugo, ikigo cy' amashuri, urusengero n'ibindi

### Aho biboneka mu nteganyanyigisho y'amashuriy'inshuke:


Umwaka wa 1, uwa 2 n'uwa 3; Umutwe wa 4: Iwacu mu rugo.

Umwaka wa 3 Umutwe wa 7: Imyuga ikorerwa aho dutuye.

Umwaka wa 2 n'uwa 3; Umutwe wa 19: Kwhangira ibikinisho.

Umwaka wa 2 n'uwa 3; Umutwe 4: Ibikoresho by'ubugeni.

### 2.3.3. Terefoni



## Ibikoresho bikenewe:

Ikarito cyangwa teripuregisi (teripuregisi), marikeri, irati , icyuma gikata imbah, marikeri, sikoci, cyangwa kore y'imbaho.

### Uko bikorwa



- Shushanya terefoni ku gikarito cyangwa kuri teripuregisi (terprex)
- Andikaho imibare yo guhamagara ku buryo igaragara neza kuri terefoni
- Koresha ingano ntoya ku buryo abana babasha kuyifata mu ntoki
- Noneho kata neza usigarane ishusho ya terefoni.
- Gerageza gukora nyinshi kugira ngo abana bose babashe gusabana n'abandi

### Uko bikoreshwawa



#### Imyaka 0 kugera 3



- Abana bakinira ahantu hatandukanye mu ishuri no hanze yaryo.
- Abana barahamagarana, bakanagirana ibiganiro na bagenzi babo bigana.
- Abana kandi barasabana mu gihe bahamagarana kuri terefoni nk'uko babibona iwabo cyangwa aho batuye.
- Abana bitegereza ibintu byose byanditse kuri terefoni

#### Imyaka 4 kugera 5



- Abana iyo bakoresha terefoni , haba mu ishuri cyangwa hanze, barasabana mu gihe bahamagarana kuri terefoni nk'uko babibona iwabo cyangwa aho batuye
- Terefoni y'inkorano ishobora gukoreshwa ku ikaze ku ruziga kandi igashyirwa mu nguni.
- Abana bayikoresha bakina inkuru mu magambo yabo.
- Abana bigana uko ikorwa iyo bari mu gihe cy' ubugen
- Terefoni ikoreshwa no mu mikino yigana.

## **Uko bifasha mu myigire, mu byigwa, mu ngingo nsanganyamasomo n'ubushobozzi bw'ibanze.**

- Indimi n'ubumenyi bw'itumanaho.
- Ubumenyi mu mibanire, imbamutima no gusabana.
- Gutandukanya imibare.
- Kwibuka no kumva neza uko ikintu giteye.



**Izindi nama**

- Abana bari mu nguni yo kubaka bashobora kuyikoresha igihe bigana abafundi batondekanya ibikoresho banavuga ibyerekeye akazi.



## **Aho biboneka mu nteganyanyigisho y'amashuriy'inshuke:**

Umutwe wa 9: uburyo bw'itumanaho.

### **2.4. Kwihangira ibikinisho**

#### **2.4.1. Imodoka**

Intambwe zo gukora imodoka mu bikoreho turazisanga mu mashusho akurikira:



## Ibikoresho bikenewe:

Teripuregisi (Triplex), icyuma, ikaramu y' igiti, marikeri na sikoci

### Uko bikorwa



- Shushanya imodoka kuri teripuregisi (Teriprex)
- Ya shusho yikatemo ibice unyuza mu mirongo washushanyije.
- Teranya ibyo bice ukoreshsheje sikocicyangwa ubujeni ubikoremo imodoka
- Shyiraho amapine akoze mu gitu uyasige ibara.

## Ibindi bikoresho wakoramo imodoka utabonye triplex

Ibikarito bikomeye n'ibice by'ijerekani birambuye

### Uko bikoreshwa



#### Imyaka 0 kugera 3:

- Abana bagendesha imodoka, bakigana uko ivuga ndetse bakitegereza n' uburyo ikoze
- Abana bigana uko imodoka ikoze bakayikora uko babyumva singombwa ko iba ariyo byukuri , icyangombwa ni uko yatekereje ku rwego rwe uko yabigenza

#### Imyaka 4 kugera 6:

- Abana bagendesha imodoka mu ishuri cyangwa hanze yaryo
- Abana bigana uko imodoka ikoze bagakora izabo bari mu gihe cy' ubugen cyangwa bari hanze y' ishuri
- Abana bayikoresha bakina,bigana inkuru cyangwa bayisubiramo mu magambo yabo

### 2.4.2. Ibipupe



## Ibikoresho bikenewe:

Igisate k'igitenge, urudodo, urushinge, umukasi

### Uko bikorwa



- Tangira ukata igisate k'igitenge mu ishusho y'inyoni cyangwa y'ikindi kintu wifuza gukora.
- Igihe ari umuntu wifuje gukora, kora imyenda imwe n'imwe nk'ikanzu, ishati n'ikabutura wambike cya gipupe ku buryo kiba cyambaye neza.

### Uko bikoreshwa



#### Imyaka 0 kugera 3

- Abana bashobora kwigana imibereho yo mu muryango.
- Bashobora guheka ibipupe bakoresheje igice gito k'igitenge, bashobora kwigana kubigaburira, bakabiryamisha iyo bikoze mu ishusho y'umuntu cyangwa bakigana buri kimwe mu ishusho yacyo

#### Imyaka 4 kugera 6

- Ibipupe babikoresha mu nguni y'imikino yigana bitewe n'ibirimo cyangwa n'insanganyamatsiko bagezeho.
- Mu gihe k'inkuru barabifata bakabisomera inkuru cyangwa bakabikinisha inkuru
- Abana bakora ibyabo bipupe bigana ibyo beretswe n'umurezi kandi bagashyiraho ibice byose bibura.

## Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.

- Abana batera imbere mu mibanire n'abandi no mu mbamutima zabo.
- Abana batera imbere mu mitekerereze yabo.
- Abana batera imbere mu mivugire.
- Bituma bafata inshingano zo kwita k'umuntu runaka bakaniyumvisha uburyo undi muntu amera cyangwa atekereza.
- Biteza imbere ubusabane mu muryango bikanongera ubucuti.

### Izindi nama

Abana bashobora kuvuga amakuru yabo: amazina y'ababyeyi, imyaka n'ibyo bakunda

## Aho biboneka mu nteganyanyigisho y'amashuri y'inshuke:

Umutwe wa 1n'uwa2: Ngewe ubwange n'umuryango wange.


Umutwe wa 4: Iwacu mu rugo.

## Aho biboneka mu nteganyanyigisho y'amashuriy'insuke:

Umutwe wa 1&2: Ngewe ubwange n'umuryango wange.

Umutwe wa 4: iwacu murugo.

### 2.5. Ibice bigize umubiri w'umuntu n'akamaro kabyo (Imyaka 1-6 )



## Ibikoresho by'ibenze bikenewe:

Teripuregisi (triplex), urupapuro rukomeye rw'ibara, ikarito cyangwa umufuka, ikaramu y' igiti, marikeri

### Uko bikorwa



- Shushanya shushanya ibice bigize umubiri w' umuntu
- Andikaho izina rya buri gice

## Uko bikoreshwa



Ushobora kureka abana bagatandukanya ibice bigize umubiri w'umuntu biri ku gishushanyo bakanavuga amazina y'ibyo bice bitandukanye.

Iyi mfashanyigisho ikoreshwa mu mikino iteza imbere ubumenyi bw'ibidukikije ku ruziga cyane iyo umurezi atangiyie kwigisha nsanganyamatsiko nshya.

### Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.

- Bituma abana babasha kwitegerezza.
- Bituma bunguka amagambo.
- Bituma bishimira umubiri waho bakanawitaho

### Izindi nama

- Ibishushanyo bishobora gukoreshwa ku nsanganyamatsiko iyo ari yo yose. Gendera ku nteganyanyigisho umenye amagambo wigisha noneho ukore igishushanyo cy'ayo magambo.

**Ingero:** insengero, iwacu mu rugo, inyamaswa zo mu rugo, ibitwara abantu n'ibantu n'ibindi.

### Aho biboneka mu nteganyanyigisho y'amashuri y'inshuke:

Umutwe wa 1 n'uwa 2: Umwirondoro wange n'umubiri wange hamwe n'indi mitwe bitewe n'nsanganyamatsiko.

### 2.6. Ibishushanyo by'ihindagurika ry'ikirere-amakarita



### Ibikoresho bikenewe:


Urupapuro rukomeye, ikarito cyangwa umufuka, amakaramu y' amabara, irangi ry' intoki, ikaramu y' igiti.

## Uko bikorwa



Shushanya ibihe by'ikirere bitandukanye nk'izuba, ibicu, imvura n'umuyaga.

## Uko bikoreshwa



### Imyaka 0 kugera 3

- Abana berekwa ibihe binyuranye by' ikirere buri munsi bitewe n'uko ikirere cyaramutse
- Abana basiga amabara mu mashusho ajyanye n' ibihe by' ikirere ndetse bakavuga n' izina rya buri shusho

### Imyaka 4 kugera 6

- Abana bitegerezza amakarita ashushanyijeho ibihe by'ikirere bitandukanye bagahuza ibyo bihe n'amashusho bijyanye nk'igihe k'imvura agahuza n'umutaka, ikote ry'imvura, ifoto y'umuyaga n'ibindi.
- Abana batandukanya bakanashushanya ibihe by' ikirere bakanabisiga amabara ajyanye neza na buri gihe, bakabikorera mu nguni y' ubugenii
- Ibihushanyo bishobora gukoreshwa mu gutangira kwigisha insanganyamatsiko nshya mu gihe cy'ubumenyi bw'ibidukikije ku ruziga.
- Ibihushanyo bimanikwa ku nkuta z'ishuri aho abana bashobora kubyigiraho na buri gihe cyose bashatse kubikoreshwa mu nguni

## **Uko bifasha mu myigire, mu byigwa, mu ngingo nsanganyamasomo n'ubushoboz bw'ibanze.**

- Bituma abana babasha kwitegereza, bikabateza imbere mu gutekereza no kuvuga.
- Bituma bunguka amagambo.
- Bibateza imbere mu gutekereza byimbitse bikanatuma imiyego mito ikomera.
- Bituma bamenya gutandukanya ibantu, kubigereranya no kubitondekanya.
- Bituma abana bishimira akamaro k'ibihe.



### **Izindi nama**

- Abana bashobora gufata amakarita bakavuga ibyo babonaho.
- Igihe hari amakarita menshi, umurezi ashobora kubaza abana kuyavangura cyangwa gushyira hamwe amakarita ahuye.
- Abana bashobora gukoresha ibishushanyo bitandukanye bakora imyitozo yo kuvangura ibantu bakabishyira hamwe bitewe n'itsinda biherereyemo.
- Buri mwana yihitiramo ku bushake bwe ibikoresho yifuza gushushanya, komeka hanyuma agasobanurira abandi ibyo yashushanyije.
- Amakarita ashobora gukoreshwa mu kwigisha insanganyamatsiko zose.

## **Aho biboneka mu nteganyanyigisho y'amashuri y'inshuke:**

Umutwe wa 15: ibihe bitandukanye by'ikirere cyangwa undi mutwe wose ugendanye n'insanganyamatsiko.


### **2.7. Ibikoresho by'imikino yigana.**




Ibikoresho by'itumanaho



ibiribwa n'ibinyobwa



Ibikoresho byo mu rugo



ibikoresho byo mu minsi mikuru idasanzwe

### Ibikoresho by'ibanze bikenewe:

Terefoni y'igikinisho, ibinyobwa bidasindisha, imyambaro y'ubukwe, ibikoresho byo mu rugo nk'isahani, ibasi, isorori, intebé, imbabura, ameza, imbaho, ibijumba, inyanya n'ibindi.

#### Uko bikorwa



Imfashanyigisho zikoreshwa mu mikino yigana ku ishuri zigomba kuba ari gakondo kandi zidahlenze zinaboneka hafi y'ishuri nk'ibikarito, impapuro, imifuka, ibirere, ibiti, amabuye, ubujeni n'ibindi.

Abana bashobora kwikorera izo mfashanyigisho bayobowe n'umurezi

#### Uko bikoreshwa



#### Imyaka 0 kugera 3

Abana bifashisha ibikoresho biboneka mu bidukikije bagakina bigana ibyo babona mu muryango, ku irerero cyangwa ku ishuri ryabo.

#### Imyaka 4 kugera 6

- Umurezi asobanurira abana imfashanyigisho igihe k'ikaze ku ruziga,
- Umurezi yereka abana urugero rw'uburyo abantu bavugira kuri terefone, uko ababyeyi n'abana bakora imrimo yo mu rugo, uko abantu bizihibiza iminsi mikuru.
- Umurezi ahindura ibikorwa bitewe n'insanganyamatsiko y'icyumweru.
- Umurezi n'abana bashobora kuvuga ku itumanaho n'akamaro k'ibikoresho byo mu rugo, isuku, imirire, kwirinda indwara n'ibindi.
- Imfashanyigisho zongerwa mu nguni y'imikino yigana.

## **Uko bifasha mu myigire, mu byigwa, mu ngingo nsanganyamasomo n'ubushoboz bw'ibenze**

- Abana batera imbere mu mibanire n'abandi, mu mbamutima, mu mivugire no mu gusabana mu rurimi rwabo kandi bakiga uko bakuzuza izindi nshingano bakanitoza kubona ibantu mu buryo butandukanye.
- Abana biga, bakanavuga ibantu byerekeranya n'ubuzima ndetse n'imibereho myiza.



### Izindi nama

- Hari ibindi bintu byinshi abana bashobora kwigana.
- Umurezi agerageza gutegura imfashanyigisho zafasha mu kwigisha iduka, banki, isoko, ishuri n'ibindi.
- Umurezi ashakira izo mfashanyigisho aho atuye n'aho ishuri riherereye akanahanga ibitekerezo bishya.
- Bituma abana basimburana , bahana ijambo kandi basabana mu rurimi.

## **Aho biboneka mu nteganyanyigisho y'amashuri y'inshuke:**

Imitwe myinshi itandukanye ivuye mu byigwa byose ifitanye isano n'ibikorwa by'imikino yigana cyanecyane imibanire n'iterambere mu mbamutima

### **2.8. Imfashanyigisho z'umwimerere**



- Imfashanyigisho zifatika zigomba kuba zifatiye ku nsanganyamatsiko.

### **Ingero:**

- **Ibiribwa:** ibigori, amasaka, soya, ibijumba, igikoma, ibishyimbo, imbuto n'imboga.
- **Iwacu mu rugo:** icyungo, isafuriya, ibiyiko, umuceri n'ibishyimbo, imbabura y'amakara n'ibindi.
- **Imyambaro:** imyenda itandukanye y'abakobwa n'abahungu ndetse n'abakuru
- **Ibyo dusanga mu nsengero:** bibiriya, imyambaro ya padiri, igitabo k'indirimbo, korowani n'ibindi.

- Ibimera nk'indabo n'ibindi.

## Ibikoresho by'ibanze bikenewe

*umurezi ashobora kuvana mu rugo cyangwa ku ishuri imfashanyigisho zifatika.*

### Uko bikoreshw



#### **Imyaka 0 kugera 3:**

- Abana bahabwa umwanya wo kwitegereza no gukorakora ku mfashanyigisho zifatika kandi bagasobanurirwa akamaro kazoo
- Abana barisanzura mu kuvuga ibyo bazi kuri izo mfashanyigisho, bakabiganiriza umurezi cyangwa hagati yabo

**Urugero:** kuvuga aho babibona ,icyo bimara, ikivamo,uko bigenda kugira ngo bivemo ikindi kintu,...

#### **Imyaka 4 kugera 6**

- Umurezi ashobora gukoresha imfashanyigisho karemano kugira ngo agaragaze insanganyamatsiko bari kuvugaho.
- Abana bahabwa uburenganzira bwo gukorakora no kumva izo mfashanyigisho.
- Abana bavuga kuri izo mfashanyigisho bakanazigereranya n'ibindi bintu basanzwe bazi.
- Umurezi yerekana uko bakoresha izo mfashanyigisho kandi akabikora neza.

**Urugero:** guteka, kwambara n'ibindi.

- Mu gihe k' inguni,imfashanyigisho zifatika zishobora kuboneka mu nguni zose bitewe n' insanganyamatsiko.

**Urugero:** imyambaro izi nguni ni ingenzi zashyirwa no mu ntangiriro a voir igitabo kirangiye

- Mu nguni y' ibitabo: imyambaro iboneka mu nkuru, abana bagasoma ikiyivugwaho
- Mu nguni y'ururimi: abana bigana bashushanya imyambaro
- Mu nguni yo kwigana: abana bigana ibikorwa bakambara imyambaro ijyanye n' ibikorwa babona aho batuye
- Mu nguni y' ubugen : abana bashobora gushushanya imyambaro, kuyibumba , kuyikata mu mpapuro , kuyisiga amabara, kuyitera irangi,...
- Mu nguni yo kubaka: abana bashobora kwambara imyambaro ijyanye n' ubwubatsi bari gukora:
- Mu nguni y' imibare : abana bashobora kubarura imyambaro babona , bakabara amabara ari kuyo bambaye, bakegeranya imyenda isa , bakamenya ishaje n' imishya,...

## **Uko bifasha mu myigire, mu byigwa, mu ngingo nsanganyamasomo n'ubushoboz bw'ibenze.**

- Abana bakorakora imfashanyigisho zifatika bagahabwa amahirwe yo kugergeza no kumva uko ibantu bikora.
- Abana bakora ibikorwa biftonye isano n'ubuzima bwabo bwa buri munsi.



**Izindi nama**

Umurezi agenda ahindura ibikoresho bitewe n' nsanganyamatsiko agezeho. Ibitabangamiye abana ashobora kubibatuma.

## **Aho biboneka mu nteganyanyigisho y'amashuri y'inshuke:**

Umwaka wa1, uwa 2 n'uwa 3: Imitwe yose y'ubumenyi bw'ibidukikije

### **2.9. Isuku**



#### **Ibikoresho bikenewe:**

Ibikoresho by'isuku, isabune, amazi, ijerekani, ibikombe, ibasi, kandagira ukarabe.

**Uko bikorwa**



umurezi akusanya imfashanyigisho akaziha abana ngo bazikoreshe mu byo bakora ku ishuri.



### Imyaka 0 kugera kuri 3

- Abana basobanurirwa n' umurezi uko bakoresha ibikoresho by'isuku byoroheje kandi akabaha umwanya bakabikoresha .

**Urugero:** Gukaraba intoki, gukaraba isabune ,koza amenyo.

- Umurezi amenyereza abana aho bakarabira, buri gihe bavuye mu bwiherero cyangwa mbere na nyuma yo gufata amafunguro

### Imyaka 4 kugera kuri 5

- Umurezi afatanya n'abana mu gusukura ishuri, gukoropa, ndetse akanayobora abana kuri kandagira ukarabe.
- Umurezi asobanura akamaro ka buri mfashanyigisho n'uburyo ikoreshwa, abana bakagerageza kubisubiramo ubwabo ndetse bakamenyera ku bikoresha buri gihe biri ngombwa.
- Abana bamenyerezwa kandagirukarabe , bagakaraba igihe cyose bibaye ngombwa kandi bibwirije

**Urugero:** Gukaraba bavuye mu bwiherero kandi bagakoresha isabune

## Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.

Abana batera imbere mu gukomera kw'imiye go y' ingingo nto n'inini, imibanire n'iterambere mu mbamutima, imivugire, gusabana mu ndimi no guhora biyungura ubumenyi.



### Izindi nama


Umurezi amenyereza abana kandi akabatoza kugira isuku no kubika neza ibikoresho by' isuku

#### Aho biboneka mu nteganyanyigisho y'amashuri y'inshuke:

Umwaka wa 1, 2 n'uwa 3; umutwe wa 3: Kugira umuco w'isuku.

Umwaka wa 1,2,n' uwa 3;Umutwe wa 4: Akamaro k' amazi mu rugo no ku ishuri

## 2.10. Ibimera



### 2.10.1 Gusiga amabara mu ndabo (Imyaka 0 kugera 3)



#### Uko bikoreshwa



- | Abana bitegereza amashusho y' indabo ndetse bakanatoranyamo ayabashishikaje |
- | Abana berekerewe n' umurezi bafata amakaramu y' amabara bagasiga mu mashusho uko babyumva. |
- | Singombwa ko babikora neza ku buryo bubereye ijisho kuko imiyego y' ingingo iba itarakomera.  
Ibyo yakoze biba ari byiza . |

## 2.10.2. Gusiga amabara ikimera (imyaka 4)



### Uko bikoreshwa



- Abana bamaze kwiga ibice bigize ikimera ndetse bakibonye bakakitegereza babifashijwemo n' umurezi, amashusho y'ikimera kidasize ndetse bakanahabwa amakaramu y' amabara bakagisiga amabara ahuye n' uko buri gice kiba gisa.
- Umwana yihitiramo amabara ajyanye n' ikimera ashaka gusiga , ibyo bikerekana ko yamaze gusobanukirwa neza n' ibice bigize ikimera

## 2.10.3. Umukino wo guhuza bice bikase bigize ikimera (Imyaka 5)



## Uko bikoreshwa



- Abana baba bamaze kumenyera imiterere ya buri gice kigize ikimera, bashobora guhabwa ibice bakase kandi bivangavanze by' ikimera bakagerageza kubihuza bagendeye uko buri gice bahawe kiba giteye
- Abana bakina uyu mukino wo guhuza ibice bagakora ishusho yuzuye
- Abana bamaze kubimenyera bakina bahuza batanguranwa, uwatanze abandi agashyira akaboko hejuru ati: "narangije"
- Abana uko babimenyera ,bagenda bongererwa imibare myinshi y' ibice bikase kandi bivangavanze by' amashusho bagahuza.

### 2.10.4. Ubutaka,ibimera n'uko bikura ( imyaka 6)



#### Ibikoresho bikenewe

Ingemwe, ifuni, igikoresho cyo kuvomerera ( rozwari), utubido , amazi

## Uko bikoreshwa



- Umurezi ajyana abana mu mirima y' ishuri cyangwa ituranye n' ishuri, akabasobanurira amoko y'ibimera , akamaro kabyo, uko bikura, aho bikurira, n' icyo bikenera kugira ngo bikure.
  - Umurezi asobanurira abana amoko y' ubutaka
  - Umurezi yerekera abana uko batera ikimera mu butaka.
  - Umurezi asaba abana bose gukora nk' uko yabikoze bagatera ingemwe bazanye , buri wese , kandi bakavomera kugira ngo ikimera kizakure.

## **Uko bifasha mu myigire, mu byigwa, mu ngingo nsanganyamasomo n'ubushoboz bw'ibenze.**

- Abana baguka mu mitekerereze, bagasobanukirwa n'ibyo babonaga batazi aho biva
- Abana bamenya kwikemurira ibibazo, guhora biyugura ubumenyi no kwishakamo ibisubizo
- Abana bunguka ibantu bishya bituma bazamura imbamutima zabo


### **Aho biboneka mu nteganyanyigisho y'amashuri y'inshuke:**

Umwaka wa 1,2 n' uwa 3:

- Umutwe wa 16: Amoko y' ubutaka
- Umutwe wa 6: Ibiribwa n' ibinyobwa bikomoka ku bimera
- Umutwe wa 14: ibice bigize ikimera n' akamaro kabyo

### **2.11. Inyamaswa**

#### **Ifi**



#### **Ibikoresho bikenewe:**

Teripuregisi (Triplex), icyuma, amashusho y'ifi cyangwa amakarita y' ifi, imifuka n'amakaramu yo gusiga amabara, ibice bikase by' amashusho y' ifi.


Ibikorito bikomeye cyangwa ibice by'ijerekani bishaje.

#### **Uko bikorwa**



- Shushanya ishusho y'inyamaswa (ifi) kuri teripuregisi ( triplex), ku mufuka, ku ikarito cyangwa ku makarita
- Kata iyo nyamaswa (ifi) aho wayishushanyije , hanyuma uysisige amabara ajanye n'uko isanzwe isa
- Izi ntambwe zo gukora imfashanyigisho y'ifi mu mumubyimba ifata, zanakoreshwa umurezi ategura izindi mfashanyigisho z'ubundi bwoko bw'inyamaswa.

### 2.11.1. Gusiga amabara mu mashusho y'inyamaswa (Imyaka 0 kugera kuri 3)



- Abana bitegerezza kandi bagakorakora ku mfashanyigisho z'inyamaswa bakaganira n' umurezi bavuga ibyo bazizaho, aho ziba, ibyo zirya, akamaro, n'ibice bizigize.
- Abana bahabwa umwanya bagasiga amabara mu ishusho y'ifi uko babishaka ariko bamenyera uko iteye.

### 2.11.2. Gukora ifi, Kuyishushanya no kuyisiga ( imyaka 4 kugera kuri 6)




#### Uko bikoreshwa



- Abana bahabwa amashusho y'ifi bakihitiramo amabara bayisiga bahuza n' uko bayizi
- Abana bagaragaza buri gice kigize ifi kandi bagasobanura n' akamaro kabyo
- Abana bakina n' imikino yerekeza ku mafi mu mazi
- Abana bashobora no gushaka hose mu ishuri ahantu haboneka ibishushanyo by'ifi nko mu bitabo n' ahandi.
- Abana bitoza kuyishushanya ku mpapuro uko babyumva bakanashushanya aho ifi iba

### 2.11.3. Umukino wo guhuza ibice bikase by'ishusho bigakora ishusho yuzuye (Imyaka 3 kugerakuri 6)

Intambwe zo gutegura Umukino wo guteranya ibice by'ishusho n'izi zikurikira mu mashusho Inzovu



#### Ibikoresho bikenewe

Teripuregisi ( triplex) , icyuma, ikaramu y'igiti, ikaramu y'ibara, irati

**Uko bikorwa**



Shushanya inzovu ku rubaho rworoshye cyangwa kuri teripuregisi ( triplex), igikarito gikomeye cyangwa ibice by'ijerekani ishaje


Iyo shusho yikatemo ibice ukurikije uko iteye cyangwa ukirikije ibyakorohera abana guhuza.

Iyo ukata ibice by'lmfashanyigisho wita ku kigero cy'imyaka y'abana. Ku bana bafite 2-4 ukatamo ishusho ibice bikeya kandi buri wese ugakatira ahobihurira.

## Uko bikoreshwa




Guhuza ibice byinshi by' ishusho bigakora ishusho yuzuye (imyaka 5 kugera kuri 6)



Abana bahabwa ishusho yuzuye bagahabwa n' ibice byinshi by' iyo shusho, bagatangira kubihuza bagakora ishusho yuzuye.

### Abana b' imyaka 3 kugera kuri 4

Gasumbashyamba



## Uko bikoreshwa



- Umurezi ategurira abana ishusho yuzuye y' inyamaswa runaka , agategura n' ibice bikase kandi bivangavanzze bya ya nyamaswa, agasaba abana kwitegereza ishusho yuzuye hanyuma bagafata bya bice bakabiterateranya bigakora ishusho isa neza niyo bahawe.

Umukino wo guhuza ibice byinshi bikase by' ishusho bigakora ishusho yuzuye (Imyaka 5 kugera kuri 6)

### Igikeri



## Uko bikoreshwa



- Umurezi ategurira abana ishusho yuzuye y'inyamaswa runaka , agategura n'ibice bikase kandi bivangavanze bya ya nyamaswa, agasaba abana kwitegerezza ishusho yuzuye hanyuma bagafata bya bice bakabiterateranya bigakora ishusho isa neza niyo bahawe.
- Umukino wo guhuza ibice byinshi bikase by'ishusho bigakora ishusho yuzuye (Imyaka 5 kugera kuri 6)

### Igikeri



## Uko bikoreshwa



- Abana bamaze kumenyera imiterere ya buri nyamaswa bongererwa umubare w'ibice bikase by'inyamaswa maze bagakora ishusho yuzuye.
- Abana iyo bahuza bashobora kugendera ku ibara , ku murongo uheruka , cyangwa ku gice kigize inyamaswa amenyereye
- Abana bahuza ibyo bice kandi bakabikora batanguranwa
- Iyo Umukino ukomereye abana , umurezi ashobora kubaha urugero agahuza nk'ibice bibiri hanyuma abana bagakomerezaho.
- Umurezi kandi ashobora kuborohereza akabaha ishusho yuzuye bakajya bahuza ibice bayireberaho



### Izindi nama

- Umurezi ashobora gukoresha amakarita y'inyamaswa zitandukanye , izo mu mazi, izo mu gasozi, izo mu rugo n'ibndi
- Abana bato batoranya izisa bakazishyira
- Abana bashobora guhuza inyamaswa n'aho ziba
- Abana bakina mukino w'amajwi y'inyamaswa: umurezi ashobora kuba yagabanya abana mu matsinda mato cyangwa abana bagatora ikarita y'inyamaswa noneho abafite izisa bagahagarara hamwe hanyuma bakigana ijwi ry'inyamaswa bafite.
- Umurezi agenda ahindura imikino uko abana bagenda babira ubumenyi buhagije

## **Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze**

- Abana batera imbere mu mitekerereze yimbitse mu gihe bari guhuza ibice by' amashusho cyangwa basiga amabara ajyanye na buri shusho
- Abana bagira iterambere mu mbamutima no mu mibanire n'abandi ndetse bagasabana
- Abana bamenyera kwikemurira ibibazo
- Ibi bikorwa bituma imiyego minini y'abana ikomera.
- Abana batera imbere mu kumva no kuvuga.
- Abana bunguka amagambo mashya.

## **Aho biboneka mu nteganyanyigisho y'amashuri y'inshuke**

Umwaka wa1 umutwe wa 11

Umwaka wa 2 umutwe wa 13, n'uwa 14

Umwaka wa 3 umutwe 13, 14 n' uwa 15

### **2.12. Ibidukikije kamere**

#### **2.12.1. Umusozi n'ikibaya bibumbye mu ibumba**

##### **Ibikoresho bikenewe**

Ibumba, imbaho zo kubumbiraho, ameza, amashusho y' imisozi n' ibibaya.

##### **Uko bikorwa**



- Umurezi ategurira abana ibumba ritunganyije , agategura n' ameza cyangwa imbaho zo kubumbiraho.
- Umurezi ashushanya amashusho aboneye y' imisozi n' ibibaya akayashyira aho abana bari bubumbire.
- Umurezi atanga amabwiriza ngenderwaho kugir ngo igikorwa cyumvikane



### Imyaka 0 kugera 3



- Umurezi ategurira abana ibumba akarishyira ku meza cyangwa ku mbaho bari bukorereho
- Abana babumba bakoresheje intoki zabo
- Abana bakiri bato bafata ibumba bakarikandakanda bagerageza kubumba icyo babwiwe cyangwa se ikindi bishakiye
- Buri mwana asobanurira umurezi icyo yabumbye hanyuma umurezi akamushimira
- Singombwa ko icyo abana babumbye kiba kiboneye ijisho kuko ubwabo bazi icyo aricyo kandi barabona ari byiza

### Imyaka 4 kugera 6



Nyuma umurezi ashobora gukoresha ibumba ashobora no gukoresha igitaka cy'imonyi, igitaka cy'inombe.

- Abana bahabwa ibumba n'imbaho zo gukoreraho cyangwa ameza
- Abana bahabwa amashusho y'imisozi n'ibibaya
- Abana batangira gukata ibumba bakoresheje intoki zabo.
- Abana batangirakubumba imisozi barebera ku rugero rwatanzwe n'umurezi, bakagerageza kumwigana cyangwa kumurusha kubumba umusozi ugaragara.

## **Imyaka 5 kugera 6**



- Abana bahabwa ibumba ndetse n' imbaho cyangwa ameza yo kubumbiraho
  - Umurezi ashushanyiriza abana amashusho yoroheje y' imisozi n' ibibaya bitewe n' urugero bagezeho.
  - Abana bahabwa amashusho y' imisozi n' ibibaya bakayitegereza ngo bayabumbe
  - Abana batangira gukata ibumba bakoresheje intoki zabo
  - Abana babumba imisozi n' ibibaya nk'uko bigaragara ku mashusho bahawe n' umurezi
  - Abana kandi bamaze gutera imbere bashobora no kubumba umusozi batarebeye ku ishusho
  - Buri mwana yerekana umusozi n' ikibaya yabumbye ndetse akabiganiriza bagenzi be asobanura ibyo abiziho byose.  
Izindi nama
- Abana bashobora kugenda babumba n'ibindi bintu biboneka mu bidukikije kandi bikagenda  
bihinduka bitewe n'insanganyamatsiko bagezeho

### **Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze**

- Abana batera imbere mu mitekerereze yimbitse mu gihe gutekereza uko babumba umusozi
- Abana bagira iterambere mu mbamutima no mu mibanire n'abandi ndetse bagasabana
- Abana bamenyera gushakira ibibazo ibisubizo
- Abana batera imbere mu gukorana ubushishozi.
- Ibi bikorwa bituma imiyego y' ingingo nto y'abana ikomera.

### **Aho biboneka mu nteganyanyigisho y'amashuri y'inshuke**

Umwaka wa1, 2, 3: umutwe wa 18



### 3. IMIBARE

#### 3.1. kuzuza uruhererekane ,mu ishusho cyangwa mu mibare

##### 3.1.1. Kuzuza ishusho ukoresheje ibishyimbo. (imyaka 1 kugera 3)



##### Ibikoresho by'ibanze bikenewe:

Impapuro, ibishyimbo cyangwa ibindi binyamisogwe.

##### Uko bikorwa



Shushanya ishusho ku ikarita; uruziga, umwashi, kare, mpande eshatu, urukiramende cyangwa imibare ariko ubishushanye igice ishusho yose utayigaragaje uko yakabaye. ibyo washushanyije bigire binini bihagije kugira ngo abana babibone mu buryo butabagoye kandi biborohere kubikoresha.

- Koresha utudomo mu kuzuza ishusho.
- Ugomba kuba ufile agakarito karimo ibishyimbo, ibigori cyangwa izindi mpeke.

##### Uko bikoresha




Abana bashishikarizwa kwigana uko ishusho ishushanyije bakoresheje urutoki bakurikiza uko ishusho imeze, hanyuma bagakoresha ibishyimbo cyangwa ibigori bakuzuza ishusho uko iri ku murongo

**Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.**

- Kumenya uruhererekane rw'amashusho cyangwa rw'imibare .
- Gukora amashusho n'imibare
- Ubushobozi bwo kubona no kuzuza uruhererekane rw'amashusho
- Gukuza imiyego y'ingingo nto no gukorana ubushishozi

### **3.1.2. Kuzuza uruhererekane rw'amabara**

Gutegura uyu mukino w' uruhererekane tugendera ku ntambwe zigaragarira mu mashusho akurikira:



**Gutondeka amabara (Imyaka 0 kugera kuri 3)**



Abana bakiri bato bakururwa n' amabara hanyuma bakayajyamo bayatanguranwa , buri wese akarundarunda amabara abona amushimishije.

Abana bayatondeka uko babyumva , akensi bakuna guhitamo amabara asa

## Gukora uruhererekane rw' amabara (Imyaka 4 kugera kuri 5)



### Ibikoresho bikenewe :

Impapuro z'amabara cyangwa izindi ziboneka, ikaramu y' igiti, umukasi, amakaramu y'amabara.

Aho impapuro z'amabara bigoranye kuzibona umurezi yakwegera abadozi bakamuha udutambaro tw'amabara tuba twarasagutse ku myenda tuba twarasagutse ku myenda badoda akaba ari two ashushanyaho agakata.

#### Uko bikorwa



- Ushushanya ikibabi ku rupapuro hanyuma ukagikata , ukagenda usiga amabara anyuranye mu bibabi byose wakase , bitewe n' umubare w' uruhererekane ushaka gukora.
- Iyo ufile impapuro z' amabara atandukanye , uzishushanyaho ishusho y' ikibabi hanyuma ukayikataho.

#### Uko bikoreshwa



Abana bitegerezza kandi bakabara amabara bahawe hanyuma bagatondeka amashusho y'ibibabi bubahiriza uruhererekane rw'amabara bahawe.

### 3.1.3. kuzuza uruhererekana rw' ibinyampande ( imyaka 5 )



## Ibikoresho bikenewe :

Impapuro zisanzwe cyangwa iz' amabara iyo zihari cyangwa ikarito, umukasi, ikaramu y' igiti.

### Uko bikorwa



Shushanya ishusho (uruziga, umwashi, kare, mpande eshatu n'urukiramende) ku makarita, udukarito cyangwa ku mufuka. Ibyo washushanyije bigire binini bihagije kugira ngo abana babibone mu buryo butabagoye kandi biborohere kubikoresha.

### Uko bikoreshwa



Abana batondeka amakarita bagendeye ku binyampande, ku maforomo cyangwa ku mabara bitewe n'ibyo wabateguriye .Bashobora kubikora mu gihe k' inguni y' imibare cyangwa igihe bari hanze bateza imbere ubumenyi bw' imibare.

#### 3.1.4. Kuzuza uruhererekane rw' imibare ( imyaka 5 kugera 6)



## Ibikoresho bikenewe

Amakarita y' imibare asize amabara anyuranye.

### Uko bikorwa



Umurezi ategura amakarita y' imibare , akayasige amabara anyuranye ajyanye n'uruhererekane yifuzako abana bakora cyangwa akajya yandika umubare umwe inshuro ebyiri cyangwa eshatu.

## Uko bikoreshwa




- Abana batondeka uruhererekane rw'imibare bagendeye ku mabwiriza bahawe n' umurezi
- Bashobora kugendera ku mibare yisubiramo cyangwa ku mibare isize amabara
- Abana kandi bashobora gutondeka imibare inyuranamo
- Iki gikorwa gishobora gukorerwa mu gihe k' inguni y' imibare cyangwa igihe k' imibare aho abana bashobora gukina batanguranwa gutondeka kandi babyishimiye

## Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.

- Kumenya uruhererekane rw'amashusho, uruhererekane rw'amabara cyangwa rw'imibare .
- Gukora amashusho n'imibare
- Ubushobozi bwo kubona no kuzuza uruhererekane rw'amabara n'amashusho
- Gukuza imiyego y'ingingo nto n' ingingo nini no gukorana ubushishozi.



## Izindi nama



Koresha ibishyimbo ,imifuniko y'amacupa, ibipesu cyangwa amasaro ubishyire hasi mu gihe k'imibare abana babyifashishe mu gukora imibare cyangwa inyuguti

## Aho biboneka mu nteganyanyigisho y'amashuri y'inshuke

Umwaka wa 2 n'uwa 3 : umutwe wa 1: Imibare kuva kuri 1 kugeza kuri 5.

Umwaka wa 3: Umutwe wa 9: Uruhererekane rwisubiramo, umutwe wa 7: Amashusho ngero.

Umwaka wa 2 : umutwe wa 8: uruhererekane rwisubiramo, Umutwe wa 6: Amashusho ngero.

### 3.2. Kubara no guteranya ukoresheje ibikoresho bifatika nk' amabuye ( imyaka 1 kugera 6)



**Ibikoresho bikenewe:** Amabuye, aho kurambika (umukeka, shitingi), amazi n'isabune byo gukaraba nyuma

#### Uko bikorwa



- Kata amakarita mu gikarito cyangwa mu mpapuro z' amabara anyuraye
- Andika inyuguti kuri ayo makarita

#### Uko bikoreshwa



- Jyana abana bose hanze bafite amabuye yabo.
- Bashyre ku murongo babiribabiri barebana, umurongo umwe uwite 'A'undi uwite 'B'.
- Bashyre yamabuye imbere yabo.
- Umurezi asaba abana bo ku murongo wa 'A'gufata amabuye ane.
- Abana bo ku murongo A bafata amabuye ane bakayabarira mu biganza by'abana bo ku murongo B noneho bagasubira ku murongo wabo.
- Umurezi abwira abana bo ku murongo B gufata amabuye arindwi bakayabarira mu ibiganza by'abana bo ku murongo A
- Gukomeza kubara imibare itandukanye.



## Igihe bikoreshwa

Umurezi ashobora gukoresha ubu buryo mu ishuri cyangwa hanze y'ishuri mu igihe k'imibare.

### **Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.**

- Ibikorwa bishingiye ku bushobozi bw'umwana, abana bose bagomba gukora kandi mu gihe kimwe
- Abana biga gukorera hamwe.
- Abana bigira kuri bagenzi babo.
- Abana barabara, bamenya imibare, bamenya gutteranya no gukuramo.
- Abana babona amahirwe yo guhaguruka, kugenda no kunama mu gihe bari gukora imyitozo inyuranye.
- Ibonezabuzima.



## Izindi nama

### **Imyaka 0 kugera 3:**

- Abana batanguranwa gutoragura amabuye mato yateguve n' umurezi bakayashyira mu dukoresho nk' udukombe , udukarito n' ibindi. Bakongera bagatanguranwa kuyatondeka hasi bakuramo rimwerimwe.
- Umurezi yirinda kubaha amabuye matoya cyane bashobora gutamira bakamira

### **Imyaka 4 kugera 5**

- Abarezi bo mu mwaka wa kabiri w'amashuri y'inshuke bakoresha amakarita ariho imibare kuva kuri 1 kugera kuri 5 bagahamagara umubare umwana akagenda akawufata

### **Imyaka 5 kugera 6**

- Abana bo mu mwaka wa gatatu w'amashuri y'inshuke bakoresha amabuye bari mu matsinda umurezi agasaba buri tsinda gutoranya umubare bakayateranya n'ay'itsinda bateganye. Urugero:itsinda "A" bagafata amabuye atatu naho itsinda "B" bagafata amabuye atanu bakayashyira hamwe bose bakabara bagasanga bafite amabuye umunani.
- Bakoresha amakarita manini yanditseho imibare kuva kuri 1 kugera ku 10

### **Imyaka 6**

- Buri mwana wo mu ishuri ry'inshuke mu mwaka wa gatatu yicaye ku ntebe cyangwa hasi, agomba kuba afite amabuye n'agakarito dusanga mu rupapuro rw'isuku. Umurezi asaba buri mwana gutteranya no gukuramo bashyira muri ka gakarito dusanga mu rupapuro rw'isuku hanyuma bakabara amabuye bafite mu gakarito kugira ngo bamenya igisubizo.

## Aho biboneka mu nteganyanyigisho y'amashuri y'inshuke

- Umwaka wa 1 ,uwa 2 n'uwa 3 w'amashuri y'inshuke: Umutwe wa 1:kubara.
- Umwaka wa 3 w'amashuri y'inshuke: Umutwe wa 3: Guteranya no gukuramo

### 3.3. Umukino wo guhuza amashusho avangavanzze agakora iforomo y'ikintu

#### 3.3.1. Umugozi ugoronzoye cyangwa umunyorogoto ( imyaka 5 kugera 6)



#### Ibikoresho bikenewe :

Igikarito cyangwa urupapuro rukomeye .

#### Uko bikorwa



- Shushanya ikintu runaka. Urugero: umunyorogoto cyangwa umugozi ugoronzoye.
- Kata amabara kuri cya gishushanyo ukoresheje marikeri .
- Shushanya ishusho muri burigace ka wa munyorogoto cyangwa wa mugizi
- Wa munyorogoto cyangwa wa mugizi wukatemo uduce byibuze kuva kuri 6 kugera ku10. ukatire aho wakatishije marikeri
- Abana buzuza urwo rukurikirane buri wese ku gitit ke, babiribabiri cyangwa mu matsinda mu gihe k' inguni y' ururimi cyangwa mu mikino y' imibare hanze y' ishuri

#### Uko bikoreshwa



Vangavanga ibice by'umunyorogoto wakase, hanyuma usabe abana kuzuza umunyorogoto bashyira hamwe twa duce .

## **Uko bifasha mu myigire, mu byigwa, mu ngingo nsanganyamasomo n'ubushoboz bw'ibenze.**

- Abana bongera ubumenyi bwo gushyira ibantu kuri gahunda.
- Abana bongera ubumenyi bwo gutekereza no kwikemurira ibibazo.



### **Izindi nama**

Koresha amashusho atandukanye ,amafi maremare moto cyangwa ibindi abana bishimira.

## **Aho biboneka mu nteganyanyigisho y'amashuri y'inshuke**

Umwaka wa 1, uwa 2 n'uwa 3 w'amashuri y'inshuke: Umutwe wa 1:kubara.

### **3.4. Ingano ,kugerereranya ,ibipimo no guhuza ( imyaka 4 kugera 6)**



#### **Ibikoresho bikenewe :**

Impapuro,amabuye, ububiko ,marikeri cyangwa amakaramu y' igiti.

### **Uko bikorwa**



- Shyira hamwe amabuye makumyabiri afite amashusho n'ingano zitandukanye .
- Yabike atandukanye mu gikombe,agakarito cyangwa mu gikapu.
- Fata ibuye urirambike ku rupapuro ubundi ufate marikeri cyangwa ikaramu y' igiti uzenguruke kuri rya buye ugenda ushushanya mu iforomo y'uko ibuye riteye.
- Shushanya ku rupapuro rukomeye amaforomo atandukanye bitewe nuko ibuye riteye wifashishije ya mabuye ufite.

## Uko bikoreshwa



- Shyira amabuye n'amashusho washushanyije mu nguni y'imibare maze ureke abana babikoreshe mu igihe k'imikino yo mu nguni.
- Abana bareba bitonze ibuye bakarihuza n'ishusho ryaryo rishushanyije ku rupapuro rukomeye.

## Uko bifasha mu myigire, mu byigwa, mu ngingo nsanganyamasomo n'ubushoboz bw'ibanze.

- Abana baragereranya bakanapima ingano z'amashusho.
- Abana babasha gufata amabuye.
- Abana bafata ibyemezo bagendeye ku mahitamo ahari, kuko amabuye amwe ahita ahura n'amashusho byoroshye .



## Izindi nama

- Mu mashuri y'imbonezamikurire hakoreshwa ibikoresho bigaragara neza mu guhuza ikintu runaka n'ishusho yacyo.Urugero: bashobora gukoresha ishusho ya mpande enye, mpande eshatu...
- Ku yandi mashuri bakoresha ibindi bikoresho biboneka nk'ibikombe, ibiyiko, amakaramu n'ibindi

## Aho biboneka mu nteganyanyigisho y'amashuri y'inshuke

Umwaka wa 1 n'uwa 2 w'amashuri y'inshuke: Umutwe wa 2:Gushyira ibisa hamwe.

Umwaka wa 2 w'amashuri y'inshuke; Umutwe wa 3: igereranya ry'ibantu byibura bitatu.

### 3.5. Gupima uburebure n' ubugufi

#### 3.5.1. Gupima ukoreshheje ibiti ( imyaka 1 kugera 4)



## Ibikoresho bikenewe :

Uduti dufite uburebure butandukanye

### Uko bikorwa



Shyira hamwe uduti dufite ikigero cy'uburebure butandukanye.

### Uko bikoreshwa



- Abana bapima uburebure bw'uduti bahawe no kudutondeka ku murongo bava ku duti babonye ko ari tureture kurusha utundi bajya ku duti basanze ari tugufi cyangwa badutondeke bava ku duti basanze ari tunini bajya ku duti babanye ko ari duto.
- Abana babikora mu gihe cy' ubumenyi bw' imibare cyangwa mu gihe k' inguni.

### 3.5.2 Gupima ukoresheje ibumba ( imyaka 5 kugera 6)



## Ibikoresho bikenewe

Ibumba, ahantu ho kubumbira: ameza, igikarito, hasi, amazi meza yo gukaraba nyuma.

## Ibumba ritabonetse

Igitaka cy'imonyi cyangwa inombe byakoreshwa.

### Uko bikorwa



- Abana batunganya ibumba ( gukata ibumba bakoresheje ibiganza)
- Abana babumba bagendeye ku bipimo, ikigufi, ikisumbuyeho n' ikirekire
- Iyo barangije kubumba batondeka ibyo babumbye bagendeye ku burebure no ku bugufi bwabyo.
- Abana babikora mu gihe k' imikino yo mu nguni cyangwa igihe bari kwiga gupima mu mibare.

### 3.5.3. Gupima ukoreshheje igereranya ry' ibantu ( imyaka 6)



#### Ibikoresho bikenewe

Umufuka , marikeri, utubabi dufite uburebure butandukaye, irati.

##### Uko bikorwa



- Shushanya ku mufuka imirongo isumbana ( imigufi, imiremire, iringaniye) kandi mu byerekezo binyuranye.
- Tegura amababi y' ikimera harimo ayareshya na ya mirongo washushanyije maze uyarambiye iruhande rw' umufuka avangavanzé.

##### Uko bikoreshwa



- Abana bitegerezza imirongo iri ku mufuka hanyuma bagahitamo akababi mu turambitse aho iruhande bakagahuza n' umurongo bireshya muri yayindi ishushanyije ku mufuka.

#### Uko bifasha mu myigire,mu byigwa, mu ngingo nsanganyamasomo n'ubushobozi bw'ibanzé.

- Gupima uburebure n' ubugufi, unagereranya ukoreshheje ibikoresho bitandukanye kandi biboneka m uburyo bworoshye bifasha abana gutekereza byimbitse, gukorana ubushishozi no kwishakamo ibisubizo
- Abana batera imbere mu kugereranya ingano y'ibantu bitandukanye.
- Abana bamenyera gushyira ku murongo ibantu bitandukanye ukurikije uko birutana mu ngano yabyo.



## Izindi nama





- Koresha ibindi bikoresho karemano biri aho hafi : amababi cyangwa amabuye
- Abana bakiri bato cyane bashobora gupima bakoresheje ibintu bike nk' uduti dutatu, amababi atatu n' ibindi

## Aho biboneka mu nteganyanyigisho y'amashuri y'inshuke

- Umwaka wa 1 n'uwa 2 :Umutwe wa 2: Gushyira hamwe ibisa , umutwe wa 3: Igereranya
- Umwaka wa 2 :Umutwe wa 3: igereranya

## 3.6. Gukora amakarita y'imibare mu bikoresho biboneka aho dutuye

Intambwe zigaragara mu mashusho akurikira zirerekana uko umurezi ashobora gukora amakarita y' imibare



## Ibikoresho bikenewe:

Teripuregisi (Triplex), ikaramu y' igiti, irati, icyuma marikeri, amakaramu y' amabara.

### Uko bikorwa




- Andika imibare kuri teripuregisi ( Triplex)
- Fata icyuma ukatemo amakarita ariho ya mibare,. Siga amabara muri ya mibare cyangwa uharire abana bayasige mu gihe bari mubikorwa byo munguni.

### 3.6.1. Gutondeka imibare isize amabara (Imyaka 0- 3)




- Abana batondeka imibare uko babyumva bashimishijwe n' amabara babonamo. Bashobora kwegeranya imibare ifite ibara rimwe n' iyindi yirindi bara ukwayo.
- Umurezi yibanda guha abana ibintu binini bashobora kumira.

### 3.6.2. Gusiga amabara mu mibare (Imyaka 3 kugera 4)



- Abana bahabwa amabara n' amakarita ariho imibare bakayisiga amabara ari nako bamenyera uko yandikwa. Iyo bamaze kuyisiga barayitondeka uko ikurikirana.

### **3.6.3. Gutondeka uruhererekane rw' imibare ( imyaka 5-6)**



Abana batondeka imibare uko igenda ikurikirana , bakamenya ujya hejuru cyangwa uwo bamanura mu gice cyo hasi.

### **3.6.4. Gutondeka uruhererekane rw'imibare rwisubiramo mu mabara ( imyaka 5-6)**



Abana batondeka imibare uko ikurikirana hanyuma bagatahura uko amabara yagiye yisubiramo.

### **3.6.5. Gukora imibare n' urudodo**



## Ibikoresho bikenewe :

Ubudodo, umushipiri, ikarito, marikeri, ikaramu, ikaramu y'igit, umusumari, buji n'ikibiriti.

### Uko bikorwa



- Ku gice k'ikarito shushanyaho imibare minini ukoresheje marikeri. .
- Tobora muri iyo mibare utwobo ukoresheje ikaramu, ikaramu y'igit cyangwa umusimari; bikore witonze ku buryo utwo twobo na two tuba dukora ishusho y'uwo mubare.
- Inyuma ku ikarito shushanyaho umurongo uhuza utwo tudomo ukoresheje marikeri ku buryo inzira z'umubare zigara inyuma ku ikarito ukurikije uko wanditse imbere.
- Gereranya uburebure bw'urudodo cyangwa umushipiri wakoreshwa mu guhuza twa twobo twose twanyujjwe mu umubare.
- Shyira ipfundu rikomeye ku mutwe umwe w'urudodo cyangwa umushipiri ubundi utangire uhuze twa twobo usa n'uri kudoda umwenda, uhoreye aho umubare utangirira kandi wubahiriza amerekezo y'imyandikire y'imibare.
- Twika urundi ruhande rw'urudodo cyangwa umushipiri, ukore irindi pfundo aho umubare urangiriye, wifashishije buji n'ikibiriti, kugira ngo urudodo cyangwa umushipiri bidasosoka.

### Uko bikoreshwa



- Umwana ashishikarizwa kwigana umubare runaka akoresheje intoki ze, akanabara utwobo dukoze uwo mubare.
- Umwana akoresha urudodo cyangwa umushipiri mu guhuza twa twobo twanyujjwe muri wa mubare, yarangiza umurezi akamubwira gukuramo rwa rudodo cyangwa wa mushipiri agahereza mugenzi we na we agakora uwo mwitoto.

## Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.

- Bifasha abana kumenya imibare
- Bifasha abana gukora imibare
- Bifasha abana kongera ubumenyi bwo gukora unitegerezza
- Bifasha abana kwirinda, ubushishozi no kwikosora



### Izindi nama

Kora amakarita afite amashusho atandukanye nk'uruziga, urukiramende, mpande enye, mpande eshatu upfumuremo utwobo ubundi usabe abana bo mu mwaka wa kabiri banyuzemo urudodo cyangwa umushipiri bahuza umuzenguruko.

Kora amakarita arimo imirongo yinyuranamo ushyiremo imyobo minini maze usabe abana bo mu ishuri mbonezamikurire n'abo mu mwaka wa mbere w'amashuri y'inshuke na bo bahuze ya myobo bakoresheje urudodo cyangwa umushipiri. Fasha umwana ku buryo nta mwobo n'umwe asimbuka atanyujjemo urudodo cyangwa umushipiri.

## Aho biboneka mu nteganyanyigisho y'amashuri y'inshuke

- Umwaka wa 1 uwa 2 n'uwa 3 w'amashuri y'inshuke: Umutwe wa 1: Imibare, kubara.
- Umwaka wa 3 w' amashuri y'inshuke: Umutwe wa 7: Amashusho ngero

### 3.7. Gutondeka imibare ( imyaka 4 kugera kuri 6)

#### Gutondeka imibare ku biti



Buri mwana afata igiti kimwe kiriho umubare akawumenya ku buryo nibawuhamagara yitaba

#### Gushinga ibiti biriho imibare mu gasanduku k' imibare



Abana bashinga mu gasanduku ibiti biriho imibare bari bafite igihe bakinaga umukino, buri mwana, agatunganya umubare we neza ku buryo ugaragara

#### Ibikoresho bikenewe :

Ibikarito, umukasi, ,impapuro z'amabara, inkoni cyangwa ibiti bito , marikeri, ubujeni cyangwa amata y'imiyenzi...

## Uko bikorwa



- Andika imibare ku makarita byibuze buri mubare wisubiremo inshuro zirenga eshatu.
- Shyira amakarita ku uduti ukoreshheje ubujeni noneho udutondeke.

## Uko bikoreshwa



- Umwana ava mu mwanya we akaza agafata agati kariho agapapuro kanditseho umubare runaka maze agasubira mu mwanya we.
- Umurezi asaba abana kureba imibare yanditse ku dupapuro, akabbwira ko navuga umubare runaka umwana uwufite, yitaba avuga ati: "Ndi hano" hanyuma agahaguruka akabwira bagenzi be umubare afite. Urugero: Gatanu uri he? Maze umwana ufite uwo mubare agahaguruka akavuga ati: "Ndi hano." Akazamura agati afite akabwira abandi umubare afite.
- Umurezi akomeza guhamagara n'indi mibare abana bakitaba nk'uko uwa mbere yabikoze.
- Uyu mukino abana bawukina mu igihe cy' ubumenyi bw'imibare cyangwa mu gihe k'imikino yo mu nguni.
- Umwana umaze kuvuga umubare we akanawerekana , aragenda akawushinga mu gasanduku k' imibare

## Izindi nama

Umurezi asaba buri mwana gufata imibare ibiri itandukanye, akabwira abana bafite imibare isa bakegerana, cyangwa abana bagakoresha imibare yanditse ku mabuye.

### Imibare yanditse ku mabuye (imyaka 4 kugera 6)



**Uko bifasha mu myigire, mu byigwa, mu ngingo nsanganyamasomo n'ubushoboz  
bw'ibenze.**

- Gutondeka imibare
- Gufata mu mutwe imibare

### **3.8. Kubara ukoresheje impapuro zifite ishusho y'urukiramende (imyaka 3 kugera 5)**



**Ibikoresho bikenewe :**

Impapuro, marikeri, ikaramu y'igitu, umusimari.

#### **Uko bikorwa**



Kata impapuro nyinshi mu ishusho y'igi maze wandikeho imibare itandukanye.

#### **Uko bikoreshwra**



- Umwana afata urupapuro maze akareba umubare uriho agapfumura kuri urwo rupapuro imyobo ingana n'umubare uri ku rupapuro yafashe, yifashishije ikaramu y'igitu.
- Abana bikora mu gihe k'imibare cyangwa mu gihe k'imikino yo mu nguni cyangwa umubyeyi akabikorana n'umwana we bari mu rugo.

**Uko bifasha mu myigire, mu byigwa, mu ngingo nsanganyamasomo n'ubushoboz  
bw'ibenze.**


- Byongera ubumenyi bwo kubara no kwibuka imibare.
- Uyu mwitozo kandi ufasha abana gukuza imiyego y'ingingo nto .

## Aho biboneka mu nteganyanyigisho y'amashuri y'inshuke

- Umwaka wa 1, 2 n'uwa 3: Umutwe wa 1: Imibare.

### 3.9. Kuzuza imibare ibura

#### Abana b' Imyaka 3 kugera 4



Abana batekereza umubare uri kuburamo bakawuvuga. Bashobora kwifashisha kubarisha intoki cyangwa ikindi bamenyereye mu gutondeka imibare.

#### Abana b' imyaka 5



- Abana barabara bagatekereza imibare iri kuburamo. Iyo mibare iba yubitse imbere yabo.
- Iyo bashoboye kumenya umubare ubura, bubura ikarita imwe yasanga ihuye n' uwo mubare akayitondeka mu mwanya wayo.
- Iyo umwana asanze iyo yubuye atari yo arongera akayubika aho yariri akubura indi

## Abana b' imyaka 6



### Imfashanyigisho y'imibare kuva ku myaka 0-3

Iyi mfashanyigisho y' imibare y' abana bato itegurwa mububyo igaragara nk'ikinyamubyimba . igomba kuba ikurura amatsiko y' umwana . ibi kugirango biggerweho wubaka umubare kuburyo bw' ikinyamubyimba imbere ugafungiranamo ibintu bishobora gutanga amajwi igihe umwana akoze kumfashanyigisho cyangwa igihe ayijunguje. Ibi bikurura amatsiko y' umwana cyaneko abageze mugihе abashaka kuvumbura amajwi akinisha ibintu bitandukanye



### Ibikoresho bikenewe

Ibikoresho by'ibanze ,amakarita akoze mu bikarito cyangwa muri teripuregisi ( triplex),imifuniko y'amacupa cyangwa amakarita mato akoze mu bikarito cyangwa mu mpapuro zikomeye.

## Uko bikorwa



- Shushanya utuzu turi ku murongo umwe cyangwa imirongo ibiri iteganye kugikarito, ukoreshheje irati na marikeri. Shaka imifuniko y'amacupa. Ushobora no gukata udukarita duto ugereranyije n'utuzu washushanyije mu ikarito.
- Andika imibare neza uko ikurikirana muri twa tuzu wubahiriza uko ikurikirana. .
- Andika imibare itandukanye, kandi ntugire umubare n'umwe utaruka ukurikije uko ikurikirana, ku mifuniko y'amacupa cyangwa ku dukarita duto wakoze mu rupapuro rukomeye cyangwa mu ikarito.
- Shyira imifuniko y'amacupa yanditseho imibare cyangwa udukarita duto, muri twa tuzu twanditsemo imibare. Bikore ubihuza kandi wubahiriza uko imibare ikurikirana ariko ugende usimbukamo imibare imwe n'imwe iza kuzuzwa hakoreshejwe imifuniko n'udukarita tutashiyizwe mu tuzubihuza imibare.

## Uko bikoreshwa



- Umwana asoma imibare yanditse mu tuzu, ku ikarito ayikoraho, iyo ageze ahantu hari umubare ubura awuzuzamo akoresheje ya mifuniko y'amacupa cyangwa twa dukarita duto twasimbutswa tuba twanditseho imibare yo kwifashisha yuzuzamu tuzu tutarimo umufuniko cyangwa agakarito kanditseho umubare bijyanye.
- Umurezi n'abandi bana bashimira umwana wujuje neza utuzu akoresheje imifuniko cyangwa agakarita kariho umubare bijyanye.

## Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.

- Kumenya imibare no kuyitondeka ku murongo yubahiriza uko ikurikirana.



## Izindi nama

- Guhuza imibare n'utudomo turi ku mifuniko y'amacupa cyangwa ku dukarita duto.
- Abana b' ibyiciri byose bakina uyu mukino mu gihe wagiye ukoresha imibare mike mike.

## Aho biboneka mu nteganyanyigisho y'amashuri y'inshuke

- Umwaka wa 1, uwa 2 n'uwa 3 :Umutwe wa 1: kubara
- Umwaka wa 3 : Umutwe wa 4: Gutondeka

### 3.10. Amashushongero: Mpandenye, Mpandeshatu, Uruziga


Intambwe zo gukora imfashanyigisho z' amashusho ngero zira mu mashusho akurikira:



1



2



3



4

#### Ibikoresho bikenewe:

Amakarito, Teripuregisi ( triplex), makasi, marikeri, ikaramu y' igiti, irati, icyuma , kompa  
Teripuregisi itabonetse wakoresha Igikarito gikomeye, ibice by'ijerekani.

#### Uko bikorwa



- Ku gikarito shushanyaho mpaneshatu, mpandenye(urukiramende na kare), uruziga.
- Fata icyuma ukate ya mashushongero ,unyuze mu mirongo washushanyije hanyuma uyatandukanye naho yari ashushanyije.
- Yavangavange uyarambike iruhande rw'aho wayakase



#### Imyaka 1 kugera 4




- Umurezi asiga ibinyampande amabara atandukanye ariko agashyiramo ibinyampande bisa bifite n' amabara asa kandi biteye kimwe.
- Abana bato bagendera ku mabara bakegeranya ibinyampande bisa kandi bimeze kimwe

#### Imyaka 3 kugera kuri 4




#### Imyaka 4 kugera kuri 5



- Umurezi ategura aya makarita akoresheje amabara ariyo yorohereza abana kumenya no kwitegereza aho ari bushyire ishushongero afite
- Umurezi asiga ikarita ibara risa n'iriri ku gikarito kandi byombi bikaba bifite iforomo imwe. Ashobora no gusiga gusa ku mpande
- Abana bahuza ayo mashushongero babanje kwitegereza neza ikimenyetso bagenderaho

### **Imyaka 5 kugera 6**



- Abana bitegereza neza amashushongero bafite, bakanitegereza aho basabwe kuyashyira , hanyuma bakagenda bapima bareba ishushongero ikwiriyemo bakaba ariyo bashyiramo
- Umurezi asaba abana kudahatiriza mu gihe babona idakwirwamo. Ahubwo bagomba gukomeza bagashakisha aho ikwirwa.

### **Imyaka 5 kugera 6**



- Umurezi asiga amabara yitonze ukanataka utwo duce tw'udukarito dushushanyijeho ibinyampande.
- Ibyo bikore neza wubahiriza ibipimo wahisemo kugira ngo byorohereze abana guhuza uduce tw'ibinyampande byakaswe n'amashusho yashushanyijwe hubahirizwa ubunini cyangwa ubuto bwayo mashusho.
- Abana kugira ngo bahuze , bagomba kwitegereza iforomo y' ikinyampande afite.Kuba amabara atandukanye ni ukugira ngo atekereze cyane uko kiremye , uko gikase,uko giteye n' uko kimeze.

## **Imyaka 6**

### **Kubumba mpandenye , mpandeshatu n' uruziga**



- Abana batangira batunganya ibumba bagiye kubumbisha ( gukata ibumba bakoresheje ibiganza) bagakorera ku meza, ku rubaho cyangwa hasi.
- Abana babumba amashushongero : mpandenye , mpandeshatu n' uruziga batabireba kuko baba bamaze kumenyera uko biteye.

### **Uko bifasha mu myigire, mu byigwa, mu ngingo nsanganyamasomo n'ubushobozi bw'ibanke.**

- Abana bagira ubushobozi bwo kwikemurira ibibazo, bakamenya ibisa n'ibidasa .
- Bifasha abana gutekereza byagutse bikanafasha imiyego y'ingingo nto gukura.
- Abana biga kwifatira ibyemezo ku gitit cyabo.
- Biga guhitamo icyo bashaka bagendeye ku myanzuro yabo.
- Abana bamenyera gukorana ubushishozi



**Izindi nama**

- Abana mu myaka yose bashobora kubumba amashushongero bakabikora ku rugero rwabo.

### **Aho biboneka mu nteganyanyigisho y'amashuri y'inshuke**

- Umwaka wa 1 n'uwa 2: Umutwe wa 2: Gushyira hamwe ibisa, umutwe wa 3: Igereranya
- Umwaka wa 2: Umutwe wa 2: Gushyira hamwe ibisa; umutwe wa 3: Igereranya.
- Umwaka wa 3: Umutwe wa 2: Gushyira hamwe ibisa

### 3.11. Amashushongero: Mpandenye, Mpandeshatu, Uruziga

#### Imyaka 3 kugera 4



#### Ibikoresho bikenewe

Igikarito, irati, marikeri

#### Uko bikorwa



- Shushanya utuzu 8 tungana ku gikarito.
- Mu tuzu turi ku murongo ubanza wandikemo imibare 1,2,3,4
- Munsi ya buri mubare uri mu tuzu turi ku murongo ukurikiraho ugende ushyiramo utudomo tungana na buri mubare.
- Kata twa tuzu turimo utudomo uduandukanye hanyuma utuvangavange

#### Uko bikoreshwa



Abana bahuza ikanita iriho umubare runaka n' ikanita iriho utudomo tungana n' uwo mubare.

#### Imyaka 5-6



- Kuri iyi mfashanyigisho y'abana b' imyaka 5 kugera 6,bizaborohera guhuza aya makarita neza bagendeye ku miterere y' uko ikanita ikase

## Imyaka 6



Kuri iyi mfashanyigisho y'abana b' imyaka 6, kugira ngo bahuze aya makarita neza birabasaba kubara neza amashusho ari ku ikarita bagashaka umubare bingana.

### Ibikoresho by'ibenze bikenewe

Amakarita akoze mu ibikarito, imakasi na marikeri

#### Uko bikorwa



- Fata ibikarito bikomeye ukatemo urukiramende, kata byinshi cyane bitewe n'ibyo ukeneye.
- Hejuru ku urukiramende andikaho umubare rimwe, hasi ushushanyeho ishusho imwe cyangwa ifoto imwe.
- Ku rundi rukiramende na rwo rungana nk'urwa mbere hejuru andikaho kabiri hasi ushushanyeho amashusho abiri cyangwa ushyireho amafoto abiri.
- Komeza kugera igihe urangirije imibare yose ushaka ariko uko ushoboye imibare n'amashusho bibe ari binini cyane ku buryo byorohera umwana kubibona no kubikoresha.
- Fata buri rukiramende urukate utandukanye imibare n'amashusho ubikate mu ishusho ushaka ariko yorohera umwana mu gihe cyo guhuza imibare n'amashusho.

#### Uko bikoreshwa



- Mu gihe k'imibare umurezi aha abana amabwiriza, akabereka uduce twanditseho imibare n'uduce dushushanyijeho amashusho, agasaba abana gufata uduce twanditseho imibare buri wese ku giti ke akajya ahuza agace kariho amashusho n'agace akariho umubare ungana n'ayo mashusho..
- Ereka abana ko umubare umwe ujyana n'agace kariho amashusho kamwe nibabihuza ntibihure neza ubwo baraba bashyize umubare aho udakwiye kujya kuko buri mubare wuzuzanya n'agace kariho amashusho angana n'uwo mubare gusa.
- Bika neze ayo makarita yanditseho imibare n'ashushanyijeho, ahantu atari bwangirike.

## **Uko bifasha mu myigire, mu byigwa, mu ngingo nsanganyamasomo n'ubushobozi bw'ibenze.**

- Iyi ni inkomoko y'ubwigenge mu kwitoza guhuza imibare n'icyo bijyanye.
- Bituma umwana afata mu mutwe imibare, maze yazagera mu mwaka wa 3 w'amashuri y'inshuke akazamenya gukuramo no guteranya byihuse.
- Abana bakoresha imiyego y'ingingo nto mu gihe bahuza ibice by'ifoto y'urungabangabo



### **Izindi nama**


- Ku bigo mbonezamikure no mu mwaka wa mbere w'amashuri y'inshuke, bakoresha guhuza amafoto gusa. (nta mibare iriho).
- Mu bumenyi bw'ibidukikije ukoresha amashusho ku ruhande rwo hejuru ajyanye n'ishusho iri ku ruhande rwo hasi. Urugero ugashushanya inka hejuru hasi ukahashyira igikombe cy'amata.
- Ku ruhererekane, ushushanya uruhererekane ruhura hejuru no hasi kuri buri karita .

## **Aho biboneka mu nteganyanyigisho y'amashuri y'inshuke**

- Umwaka wa 1, uwa 2 n'uwa 3 : Umutwe wa 1: Kubara
- Umwaka wa 2 n'uwa 3 : Umutwe wa 9: Uruhererekane rwisubiramo .
- Umwaka wa 3 : Guteranya, gukuramo no kugabanya.

### **3.12. Uruhererekane no guhuza ibijyanye**

#### **3.12.1. Guhuza imibare hagendewe ku mabara (imyaka 1 kugera 5)**



## Ibikoresho bikenewe

Igikarito, irati, amakureri cyangwa irangi ry' amabara atandukanye, uduti dufite ingano imwe, imishito cyangwa ibikenyeri.

### Uko bikorwa



- Shushanya imirongo mu byerekezo bitandukanye nk'uko bigaragara ku ishusho.
- Ku mpera ya buri murongo uhasige ibara rimwe no kuyindi mpera uhasige irindi bara
- Fata twa duti , ku mpera ya buri gati ukasige amabara asa na buri murongo washushanyije ku buryo umwana ari bubonemo agati gafite amabara asa n' ay' umurongo ushushanyije

### Uko bikoreshwa



- Abana bitegerezanya ubushishozi amabara ari ku mpera z' uduti n' ayari ku mpera z' imirongo, ubundi agahuza agati n' umurongo bisa.

### 3.12.2. Guhuza imibare yanditse ku gikarito n' iyanditse ku mifuniko y' amacupa ( imyaka 4 kugera 6)



## Ibikoresho bikenewe

Igikarito kinini, marikeri, irati, imifuniko y' amacupa

### Uko bikorwa




- Shushanya utuzu tungana ku gikarito.
- Muri buri kazu andikamo umubare
- Andika indi mibare ku mifuniko y'amacupa isa n'iri ku gikarito, hanyuma uyivangavange uyirambike ku ruhande

## Uko bikoreshwa



- Abana bitegereza umubare uri ku gikarito bakawushakira uwo bisa muri yayindi yanditse ku mufuniko y' amacupa hanyuma bakayihuza

### 3.12.3. Guhuza imibare n' utudomo byanditse mu mpande zitandukanye (Imyaka 6)



#### Ibikoresho bikenewe

Igikarito kinini, amakaramu y' amabara cyangwa irangi, urudodo rurerure.

## Uko bikorwa



- Andika imibare ku ruhand erw' ibumoso ( 1,2,3,4,5,..), andika utudomo tungana na buri mubare umwe muyo wanditse ariko uvangavange ntuyikurikiranye.

## Uko bikoreshwa



- Abana bifashisha urudodo bagahuza umubare n' utudomo tungana n' uwo mubare.Bikorwa mu gihe k' imikino yo mu nguni.

#### Icyo bifasha mu bushobozi ,mu ibyigwa no mu ingingo nsanganyamasomo

- Kumenyera gukorana ubushishozi no kwitegereza mu gihe bahuza amashusho asize amabara n'ibyerekezo byayo.
- Bikomeza imiyego y'ingingo nto .
- Kumenya imbyerekezo
- Kwihangana no kwitegereza no gutekereza byimbitse.
- Kumenya kwikemurira ibibazo

## Aho biboneka mu nteganyanyigisho y'amashuri y'inshuke

- Umwaka wa 2: umutwe wa 8: uruhererekane rwisubiramo.
- Umwaka wa 3:Umutwe wa 9: uruhererekane rwisubiramo.

### 3.13. Amafaranga

#### 3.13.1. Gutandukanya inoti n'ibiceri



#### Kubumba ibiceri ukoreshheje ibumba ( imyaka 3 kugera 6)

Intambwe zo kubumba ibiceri mu ibumba ziragaragara mu mashusho akurikira



### Ibikoresho bikenewe :

Ibumba, icyuma n' urubaho rwo kubumbiraho igikarito cyangwa urupapuro rukomeye  
Igitaka cy'imonyi cyangwa inombe cyakwifashisha ibumba ribuze

#### Uko bikorwa



Tangira ukata ibumba ukoresheje intoki , hanyuma ufate igiceri ugitsindagire muri rya bumba hagati, kirishushanyamo, hanyuma ucyomoremo, harasigara ishusho yacyo.

Fara icyuma ukate ibumba riri ku mpande y' igiceri kugira ngo igiceri gisigare kimeze neza.

### 3.14. Banki : Imikino yo kwigana ( imyaka 4 kugera 5 )

- Kora inoti ukata impapuro zingana n'amafaranga wandikeho imibare: 500, 1000, 2000, 5000. Hanyuma ufate ibiceri bibumbye mu ibumba cyangwa imifuniko y'amacupa maze ikoreshwe nk'ibiceri bya 5, 10, 20, 50, 100.
- Shaka ububiko bwo kubikamo ibiceri (icupa rya parasitike, igikombe, agakarito n'ibindi.)



### Uko umukino ukinwa:

- Mu mikino yo mu nguni umurezi afasha abana kwitoranyamo ababa abakozi ba banki n'ababa baje babagana , baje kubitsa cyangwa kubikuza
- Abana baje kubitsa babwira umukozi wa banki kubabikira cyangwa kubabikuriza amafaranga.
- Umukozi wa banki abakorera urupapuro rugararaza ko babijke cyangwa babikuje amafaranga. akaruba bakarusinyaho hanyuma bakarumusubiza, nabo bagatwara urundi bisa.
- Umukozi wa banki abaha amafaranga bakayabara barangiza bagataha.
- Abaje kubitsa na bo baha umukozi wa banki amafaranga akayabara akayababikira.

### 3.15. Iduka : Imikino yo kwigana ( imyaka 4 kugera kuri 6)

- Fata udukarito turimo ubusa n'ibindi bintu bitandukanye twasanga mu iduka.

**Urugero:** amakaye, amakaramu, amazi n'ibindi, maze ushyire igiciro kuri buri kintu.



### Uko Umukino ukinwa:



- Mu gihe k'imibare cyangwa mu itangira ry'imikino yo mu nguni umurezi afasha abana kwitoranyamo abacuruzi n'abaguzi
- Abana bahitamo icyo bashaka kugura bakabaza igiciro cyacyo.
- Iyo bagiye kwishyura icyo basabye umucuruzi, babara inoti cyangwa ibiceri bakishyura.
- Umucuruzi yakira amafaranga akayagumana agahereza umuguzi icyo yamusabye maze na we agatwara ibyo yaguze.

## **Uko bifasha mu myigire, mu byigwa, mu ngingo nsanganyamasomo n'ubushobozi bw'ibenze.**

- Abana bigana ibantu babona mu rugo n'amazina yabyo bikongera ubumenyi bwabo n'uburyo amagambo akoreshwa.
- Abana babona amahirwe yo kwitegereza, gukinira hanze no kumva ibiyumviro bitandukanye n'amarangamutima mu buzima bwabo bwa buri munsi.
- Abana biga gutandukanya inoti n'ibiceri.
- Abana bamenya amazina y'imibare minini (500,1000, 2000 na 5000)
- Abana bagira amahirwe yo guhuza amafaranga no kugura no kugurisha.
- Abana bagira amahirwe yo gutekereza ko bafite amafaranga ahagije cyangwa nta yo bafite bakunguka n'ubumenyi bwo guciririkanya.
- Iyo uri kwandika inyemezabwishyu harimo uburyo bwo kwitoza kwandika imibare n'inyuguti.



### **Izindi nama**

- Kora ivuriro ukoreshhe udukarito twavuyemo imiti, ikaramu y'umutuku nk'igipimo cy'umuriro umurwayi ashobora kugira, umugozi wo gupimisha uburebure umurwayi ufite ikarita y'ubwishingizi mu kwivuza, iyo muganga amaze kumufata ibizamini amwandikira ku rupapuro imiti ajya kugura maze agatanga inoti cyangwa ibiceri kugira ngo ahabwe imiti.

## **Aho biboneka mu nteganyanyigisho y'amashuri y'inshuke**


- Umwaka wa 1 n'uwa 2 : Umutwe wa 5: Gutandukanya ibiceri n'inoti.
- Umwaka wa 3 : Umutwe wa 6: Gukoresha neza amafaranga.

### **3.16. Umukino wo gutombora hakoreshejwe udutafari bita dayisi "dice" ( imyaka 4 kugera 6)**



## **Ibikoresho bikenewe**

Ibikoresho by'ibenze, ikarito cyangwa imbahzo zoroshye za teripuregisi (triplex)

**Intambwe zo gukora udutafari two gutombora twa dayisi “dice”**

- Umukino wo gutombora ukorerwa ku dutafari twa dayisi “dice” ushobora kugira utudomo, imibare, amabara cyangwa amashusho,
- Kata urubaho mu shusho ya mpanenye zingana ukatemo ibice 6 ukoreshjeje urukero maze uhitemo icyo ufatishisha ku mpande zayo.
- Fata ikanito upime mpandenye mu bice 6 bingana zikoze ishusho y'umusaraba, hanyuma ukata neza udukarita tungana twa mpandenye muri ya shusho y'umusaraba ubundi ushushanyeho utudomo (tugaragaza imibare itandukanye) kuri za mpandenye zigize uwo musaraba maze uhuze ayo mashusho ya mpandenye ukoreshjeje sikoci; numara kuzihuza neza uzengurutseho sikoci cyangwa ubujeni kugira ngo ibyo bice bifatane, bikomere kandi ntibyangirike.



( Hari uburyo butandukanye bwo gukoresha uyu mukino wo gutombora ari bwo bukurikira : )

**3.16.1. Umukino wo gutombora ukoreshjeje udutafari twa dayisi “dice”  
( imyaka 5 kugera 6)****Uko umukino ukinwa :**

- Uyu mukino usaba abana barenze babiri byibuze kandi bazi imibare mu mutwe bagaterera agatafari ka dayisi “dice” hejuru kugira ngo before imibare bahisemo.
- Buri mwana ahitamo umubare ashaka gutombora kuva kuri 0 kugera ku10 biterwa n'ikigero cy'umwana. Buri ruhande rw' agatafari ka diyisi “dice” ruba ruriho imibare itandukanye cyangwa itangana n'iri ku rundi ruhande.
- Abana barenze umwe bashobora guhitamo umubare umwe. Umwe arabanza agatombora yarangiza agahereza agatafari ka dayisi “dice” mugenzi we na we agatombora .
- Iyo umwana atomboye umubare yari yahisemo ubwo aba atsinze arakomeza agatombora n'indi mibare.
- Barakomeza bagakina abatsinze bakajya hamwe bagakomeza bagatombora kugeza hasigaye umwana umwe akaba ari we uba utsinze umukino wose.

### 3.16.2. Umukino wo kumaramo ukoresheje udutafari twa dayisi “dice”. (Imyaka 4 kugera 6)



#### Ibikoresho bikenewe:

Udutafari twa dayisi “dice” turiho imibare itandukanye, ibishyimbo, utubuye, imifuniko y’amacupa cyangwa ibigori, igikombe cyangwa ikarito yo kubikamo ibyo bikoresho.

#### Uko bikorwa



- Umurezi abwira abana uko umukino ukorwa mu gihe k’imibare cyangwa mu gihe k’imikino yo mu nguni.
- Abana babiri bakina bashyira udutafari twa dayisi “dice” ku meza cyangwa hasi.
- Umwana aterera agatafari hejuru maze uko kaguye akareba umubare uri ku gice cyo hejuru ,akabara ibishyimbo, ibigori cyangwa utubuye bingana n’umubare yatomboye (umubare wagaragaye kuri cya gice cyo hejuru)
- Abana barakomeza bagakina kugeza ubwo ibishyimbo, ibigori cyangwa utubuye byari byateganyijwe bishizemo.
- Umwana utsinda umukino ni ufite ibishyimbo, ibigori cyangwa amabuye byinshi.



### **Imyaka 4 kugera 6**

- Ushobora gukora amakarita yanditseho imibare itandukanye maze umwana akanaga agatafari ka dayisi "dice" hejuru hanyuma umubare uje hejuru umwana akajya gutoranya ikarita iriho umubare uhwanye n'umubare uri ku gatafari ka dayisi "dice". Iyo karita kandi ishobora kuba iriho amashusho angana n'umubare uri kuri twa dutafari twa dayisi "dice"
- Uyu mukino ukinirwa mu gihe k' imibare ku ruziga , mu gihe k' imikino yo mu nguni, haba mu ishuri cyangwa hanze y' ishuri ndetse no mu rugo.
- Abana bakina ari babiribabiri cyangwa mu matsinda mato

**Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.**

- Gufata imibare mu mutwe, kumenya gutteranya no gukuramo.
- Uyu mukino wigisha abana imibanire n'abandi ituma bamenya gutandukanya gutsinda no gutsindwa.
- Uyu mukino utuma abana bishima ndetse n'imiyego y'ingingo ntoyia igakura.
- Umukino wo gutombora wigisha abana imibare, kubara, gutteranya no gukuramo mu buryo bwihouse

**Aho biboneka mu nteganyanyigisho y'amashuri y'inshuke**

Umwaka wa 2; Umutwe wa 1: Imibare .

Umwaka wa 3: Umutwe wa 1: Imibare no gutteranya

### **3.17. Guteranya, kugabanya , gukuramo ( imyaka 1 kugera 6)**



## Ibikoresho bikenewe

Udukombe, umucanga.

### Uko bikorwa



Tegura umucanga uhagije, utegure n' udukombe tutagikoreshwa ariko turi mu rugero rumwe wongereho n' agakombe kanini karuta udukombe wateguye.

- Abana bayorera umucanga mu dukombe bakuzuza .
- Abana bashobora gutteranyiriza umucanga mu gakombe kamwe cyangwa bakawugabanyiriza mu tundi dukombe.

### Uko bikoreshwa



#### Guteranya ( imyaka 1 kugera 6)



- Umurezi asaba abana kuyorera umucanga mu dukombe bakuzuza.
- Umurezi asaba abana babiri baterura udukombe tubiri twuzuye umucanga bakawuteranyiriza mu gakombe kamwe kanini karuta twa tundi tubiri.

#### Kugabanya ( imyaka 3 kugera 6)



- Abana bazua umucanga mudukombe dutatu cyangwa twinshi ariko bagasiga utundi dukombe turimo ubusa.
- Umurezi asaba abana kugabanyiriza wa mucanga mu tundi dukombe turimo ubusa
- Abana bagenda basuka umucanga muri twa dukombe turimo ubusa , bakagabanya umucanga wariru mu dukombe bawugabanyiriza mu tundi bingana bakaringaniza cyangwa bagasumbanya bitewe n' ibyo umurezi yababwiye.

### Gukuramo (Imyaka 1 kugera 6)



Umurezi ategura udukcombe twuzuye umucanga agasaba abana gukuramo agakombe kamwe, cyangwa se tubiri bitewe n' urugero rw'abana afite.

### Gukuramo (Imyaka 1 kugera 6)



- Umurezi asaba abana kuzuza umucanga mu dukombe yateganyije, hanyuma agahamagara abandi bana bakaza bagakuramo umucanga mu gakombe kamwe, tubiri cyangwa dutatu .
- Umurezi ashobora no gusaba abana bagakuramo umucanga mu dukombe twose.

### 3.18. Iminsi y'icyumweru ( imyaka 3 kugera kuri 6)



#### Ibikoresho bikenewe :

Imifuka, impapuro z'amabara, amakarita akoze mu rupapuro rukomeye, marikeri, ubujeni, imiyenzi.

## Uko bikorwa



- Tegura amakarita ku rupapuro rukomeye kandi ukoreshhe amabara atandukanye.
- Kata amashusho arindwi mu ishusho nziza ishimisha abana, yakate mu mabara atandukanye.
- Andika iminsi y'icyumweru kuri ayo mashusho cyangwa ku makarita maze uyatake ku rukuta, ukoreshheje ubujeni cyangwa amata y'imiyenzi.

## Uko bikoreshwa



- Umurezi yigisha abana amazina y'iminsi y'icyumweru yifashishije indirimbo cyangwa imivugo
- Umurezi abaza abana ngo "uyu munsi ni ku wa kangahe?" .
- Umurezi ashyira ku rukuta amakarita yanditseho iminsi y'icyumwerun hanyuma agasaba abana kujya gushaka umunsi bariho ku rukuta .
- Umurezi amenyereza abana umunsi bagezeho ,akabereka aho wanditse.
- Umurezi n'abana bafashanya kwibukiranya uko iminsi y'icyumweru ikurikirana.
- Abana bashobora kumenya umunsi bagezeho bagendeye ku mabara yanditswemo
- Umurezi yigisha iminsi igize icyumweru, mu gitondo abana bari ku ruziga cyangwa mu igihe k'imibare bakamenyera kuvuga umunsi bagezeho buri munsi.


### **Uko bifasha mu myigire, mu byigwa, mu ngingo nsanganyamasomo n'ubushobozibw'ibanze.**

- Abana bibuka bakanasoma iminsi y'icyumweru bakanatondeka amakarita yanditseho iminsi y'icyumweru ku murongo.
- Abana batangira kumenya no kubahiriza igihe.


### **Aho biboneka mu nteganyanyigisho y'amashuri y'inshuke**

- Umwaka wa 1:Umutwe wa 4 : ibikorwa by'umwana bya buri munsi.
- Umwaka wa 3: Umutwe wa 5: Ibikorwa bya buri munsi n'ibya buri cyumweru.

### 3.19. Ingengabihe n'amagambo ajanye n'ibikorwa by'umunsi .



#### Ingengabihe y'umunsi ( imyaka 3 kugera kuri 6)



#### Ibikoresho bikenewe :

Imifuka cyangwa amakarita yo mu rupapuro rukomeye.

#### Uko bikorwa



- Shyira ku murongo imirimo y'umunsi n'amazina yayo n'igihe ikorerwa.
- Kata mu rupapuro rukomeye uduce twinshi cyangwa ufate umufuka uwukatemo uduce twinshi.
- Shushanya amashusho asobanura ibikorwa, urugero : ikaze ku ruziga, ubumenyi bwo guteza imbera ururimi ku ruziga, ubumenyi bw'ibidukikije, imikino yo mu nguni, igihe cyo kunywa igikoma, imikino yo hanze , igihe cyo kubara inkuru, igihe k'imibare, igihe cyo gusezeranaho.



- Umurezi agaragaza ibikorwa bigiye gukorwa
- Umurezi abaza ibibazo nka: "Ni saa ngahe?" cyangwa akababaza ngo: "Ni iki kigiye gukurikiraho? Ibi bifasha abana kumenya igihe bakoresheje ingengabihe iri mu ishuri.
- Umurezi n' abana , uko bagiye gukora igikorwa, babanza kucyerekana ku ngengabihe y' umunsi bityo abana bakamenyera kubikurikiranya.
- Umurezi n'abana baririmba indirimbo cyangwa bakavuga imivugo ijyanye n'ibihe by'umunsi.
- Umurezi ashyira ingengabihe ku rukuta aho abana babasha kubona no gushykira
- Umurezi agendera buri munsi ku amagambo ajyanye n'ibikorwa by'umunsi kugira ngo afashe abana kwisanga muri ibyo bikorwa .

**Uko bifasha mu myigire, mu byigwa, mu ngingo nsanganyamasomo n'ubushoboz  
bw'ibanze.**

- Abana basobanura gahunda zabo z'umunsi
- Abana bategura ibantu mu gihe cyabyo.
- Abana batangira kumva no kumenya agaciro k'igihe.
- Abana batangira kujya batekereza ku kiri bukurikireho.

**Aho biboneka mu nteganyanyigisho y'amashuri y'inshuke**







- Umwaka wa 1 n'uwa 2: Umutwe wa 5: Ibikorwa by'umunsi n'iby'icyumweru.
- Umwaka wa 3: Umutwe wa 5: Ibikorwa bya buri munsi n'ibya buri cyumweru.



Aa Bb  
Cc Dd

## 4. INDIMI

4.1. Agatabo k'inyuguti gakoze muri teripuregisi (Triplex) ( abana b'  
umwaka 1 kugera kuri 6)



## 4.2. Umukino wo guhuza inyuguti zisa ( kuva ku myaka 4 kugera kuri 6)



### Ibikoresho bikenewe:

Ibikarito, umufuka cyangwa impapuro nini zo kwandikaho, udukarita duto cyangwa imifuniko y' amacupa, irati, marikeri, imakasi, amakarita y'inyuguti.

#### Uko bikorwa




- Fata igikarito, igipapuro kinini cyangwa umufuka, upime utuzu 24 tungana ku buryo buri kazu gakwirwamo umufuniko w'icupa cyangwa ikarita y' inyuguti ( koresha imirongo 4 itambitse n'imirongo 6 ihagaze cyangwa 3 itambitse n'imirongo 8 ihagaze)
- Andika inyuguti imwe muri buri kazu
- Izo nyuguti kandi zandike ku mifuniko y'amacupa cyangwa ku makarita wakase mu gikarito.

#### Uko bikoreshwa



- Muri uyu mukino abana bitegereza buri nyuguti yanditse mu kazu kari ku gikarito , bagashaka iyo bisa iri ku ikarita cyangwa ku mufundikizo w' icupa,hanyuma agafata iyo karita akagereka ku nyuguti imeze kimwe n' iyanditse ku gikarito
- Hashobora gukoreshwa inyuguti nto cyangwa inyuguti nkuru.
- Abana bashobora no gukina uyu mukino bahuza inyuguti nto n'inkuru zazo mu gihe bamaze kuziga.
- Buri mwana ashobora gukora wenyine cyangwa bagakorera mu matsinda ya babiribabiri (Inyuguti nkuru ni mu mwaka wa 2 naho inyuguti nto ndetse n'izivanze ni mu mwaka wa 3 w'amashuri y'inshuke )
- Uyu mukino wongerwa mu nguni y' ururimi.

## Gukusanya inyuguti (Abana b' imyaka 1 kugera kuri 4)




### Imfashanyigisho y'inyuguti (0-3)

Iyi mfashanyigisho y' inyuguti y' abana bato itegurwa mububyo igaragara nk'ikinyamubyimba . igomba kuba ikurura amatsiko y' umwana . ibi kugirango biggerweho wubaka inyuguti kuburyo bw' ikinyamubyimba imbere ugafungiranamo ibantu bishobora gutanga amajwi igihe umwana akoze kumfashanyigisho cyangwa igihe ayijunguje. Ibi bikurura amatsiko y' umwana cyaneko abageze mugihé abashaka kuvumbura amajwi akinisha ibantu bitandukanye



## Guhuza inyuguti nto n' inkuru zazo (Abana b' imyaka 5 kugera kuri 6)



- Umurezi yandika ku mufuka inyuguti nkuru , agategura n' amakarita y' inyuguti nkuru cyangwa nto bitewe n' ikigero cy' abana , akayavangavanga.
- Abana bitegereza inyuguti ziri ku mufuka , bagashaka izo bisa bakazihuza Abana bamaze kwiga inguguti ushobora kuzivangavangaT ukazibaha bakavanguramo izisa cyangwa bagashakamo inyuguti nkuru n' intoya zazo bakazihuza

## Guhuza inyuguti nto (Abana b' imyaka 6)



Abana bitegereza inyuguti nto yanditse mu kazu ku ikanito akayishakira indi nto bimeze kimwe ariko yo yanditse ku ikanita cyangwa ku mufuniko, hanyuma akazihuza

## **Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.**

- Abana bamenyera inyuguti z'ikinyarwanda
- Abana bakuza ubushobozi bwo gukorana ubushishozi, bagateza imbere imiyego y'ingingo nto bigashyigikira imikorere y'ubwonko bw'ibumoso n' ubw'iburyo
- Iyo abana bakoranye ari babiribabiri bazamura ubushobozi mu mbamutima, mu bufatanye, mu rurimi no mu busabane.
- Abana bazamura ubushobozi bwo guhangana n' imbogamizi mu gihe k' ibikorwa by'imyigire no kwirinda ibybarangaza.



## Izindi nama

Ushobora gukoresha amakarita y' inyuguti nto cyangwa inkuru bitewe n' ikigero cy' abana.


Abana kandi bashobora no guhuza amashusho.

Aho biboneka mu nteganyanyigisho y' amashuri y' inshuke

Umwaka wa 2 n' uwa 3; Umutwe wa 4 n' uwa 5: Itonde ry' inyuguti z'Ikinyarwanda.

### 4.3. Amakarita y' inyuguti ( imyaka 1 kugera kuri 6)

#### Amakarita y' amashusho ( abana b' imyaka 1 kugera kuri 4)



#### Ibikoresho bikenewe


Ibikoresho by' ibanze, igikarito, imifuka cyangwa amakarito y' amata y' inyange

#### Uko bikorwa



- Andika inyuguti zose into cyangwa inkuru ariko ntuzivange.
- Koresha amabara abiri adasa kugira ngo utandukanye itsinda ry' inyuguti nto n' iry'inyuguti nkuru.

#### 4.4. Inyuguti zibura (Imyaka 3 kugera kuri 5 )



- Umurezi atondeka amakarita y'inyuguti agakuramo atatu akayubika ,cyangwa abiri, imwe se, cyangwa ukazitondeka agapfukamo zimwe na zimwe
- Abana bitegerezza uko amakarita atondetse hanyuma umurezi agakuramo ikarita imwe batareba akababaza inyuguti iri kubura.
- Umurezi arongera akavanga amakarita akayakura mu mwanya yararimo, hanyuma agahisha udukarita tubiri batamureba akabaza abana inyuguti ziri kubura
- Abana batekereza inyuguti iri kubura bakayivuga kandi bakubura agakarita yanditseho bakayishyira mu mwanya wayo.

## Gutondeka amakarita y' inyuti (imyaka 4 kugera 6)



- Buri mwana afata ikarita y'inyuguti (iyo hari abana barenga 24, wongeraho irindi tsinda ry' inyuguti).
- Abana baririmba itonde ry'inyuguti bagendagenda cyangwa biyereka mu ishuri.
- Umwana wumvise bageze ku izina ry'inyuguti afite, azamura ikiganza kirimo iyo nyuguti.
- Umurezi ahamagara izina ry'inyuguti hanyuma umwana uyifite akayizamura hejuru. Ashobora no gukubita ikirenge hasi cyangwa agasimbuka.
- Abana bashobora no gutoranyamo inyuguti bazi. Bashobora no gutondeka amakarita y' inyuguti nkuko zisanzwe zikurikirana.
- Abana bashobora no gutoranyamo inyuguti zisa mu gihe hari hakozwe inyuguti nyinshi.
- Uyu mukino ukinwa mu gihe cy' ubumenyi bw' ururimi ku ruziga no mu gihe k' inguni.

### **Uko bifasha mu myigire, mu byigwa, mu ngingo nsanganyamasomo n'ubushobozi bw'ibenze.**

- Abana bamenyera inyuguti
- Abana batera imbere mu mbamutima
- Abana bazamura ubumenyi mu kumva



Izindi nama

Iyo hari inyuguti abana batangiyе kumenya, nizo bahabwa.


### **Aho biboneka mu nteganyanyigisho y' amashuri y' inshuke**

Umwaka wa 2, umutwe wa 5: Imyigishirize y' inyuguti

Umwaka wa 3, umutwe wa 4 n'uwa 5: itonde ry'inyuguti z'likinyarwanda

## 4.5. Umukino wo kuzuza inyuguti zibura mu tuzu

### Abana b' imyaka 4 kugera kuri 5



- Abana bitegereza inyuguti ziri kubura , bakareba inyuguti zirambitse hafi yabo bakazishyira mu mwanya wazo.
- Umurezi ashobora no kubika amakarita y' inyuguti abana bakajya bubura ikarita bakayishyira mu mwanya wayo.

### Abana b' imyaka 5 kugera kuri 6



### Ibikoresho bikenewe

- Igikarito, amakarita y'inyuguti, imakasi, amakaramu y' amabara

**Uko bikorwa**



- Kata ibikarito bibiri bingana
- Shushanya inziga zingana ku bikarito byombi
- Andika inyuguti imwimwe muri buri ruziga ruri ku gikarito kimwe kandi wandike izo nyuguti ku mifuniko y'amacupa cyangwa ku duce duto tw'udukarito.

## Uko bikoreshwa



- Abana barebeye ku nyuguti ziri ku gikarito cya mbere, batondeka iziri ku mifuniko y'amacupa mu tuziga turimo ubusa ku ikarito ya kabiri ku buryo zisa n'iziri ku ikarito ya mbere zikurikiranye mu buryo bumwe.
- Uyu mukino wongerwa mu nguni y'ururimi

## Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.

- Abana bamenyera inyuguti z'lkinyarwanda
- Abana bazamura ubushobozi bwo gukorana ubushishozi, bakanateza imbere imiyego y'ingingo nto.
- Iyo abana bakoze iki gikorwa ari babiribabiri mu matsinda batera imbere mu mbamutima, mu bufatanye, mu rurimi no mu busabane.



## Izindi nama

- Abana bashobora kuvangura amabara, amashusho , ibinyampande cyangwa imibare
- Mu gihe ushaka korosha umukino, wandika inyuguti mu mabara atandukanye, abana bakagendera ku mabara.

## Aho biboneka mu nteganyanyigisho y' amashuri y' inshuke

Umwaka wa 2 n'uwa 3, umutwe wa 4 n'uwa 5: Itonde ry'inyuguti z'lkinyarwanda

### 4.6. Kwandukura inyuguti ukoreshje ibikoresho/kwandika inyuguti uyireba

#### Kwandikisha ibishyimbo (imyaka 4 kugera kuri 6)



Abana bigana uko inyuguti nkuru zanditse bakoreshje ibishyimbo cyangwa utubuye duto

## Ibikoresho bikenewe


- Igikarito cyangwa igipapuro kinini k'ibara, umukasi, marikeri, ibishyimbo.

### Uko bikorwa



- Kata amakarita mu gikarito cyangwa mu mpapuro z'amabara anyuranye.
- Andika inyuguti kuri ayo makarita.
- Tegurira abana ibishyimbo cyangwa ubasabe batoragure utubuye duto bari bwifashishe

### Uko bikoreshwa



- Abana bandukura inyuguti zanditse ku makarita bifashishiye ibishyimbo.
- Abana bashobora gukina uyu mukino buri umwe ku gitu ke cyangwa babiribabiri mu itsinda.
- Abana bashobora no gukoresha utubuye duto mu gihe nta bishyimbo byabonetse.

## Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.

- Abana bamenyera uko inyuguti yanditse.
- Abana bateza imbere imiyego y' ingingo nto.
- Abana batera imbere mu mbamutima , mu busabane n' ubufatanye igihe bahane utubuye two gukoresha.



### Izindi nama

- Hashobora kwifashishwa imifuniko y'amacupa, ibigori, utubuye, uduti,...
- Ushobora gukata inyuguti mu birere hanyuma ukaziha abana bakigana uko zanditse bakoresheje ibikoresho biboneka aho ishuri rihererereye.

## Aho biboneka mu nteganyanyigisho y' amashuri y' inshuke

Umwaka wa 2 n'uwa 3, umutwe wa 4 n' uwa 5: Itonde ry'inyuguti z'lkinyarwanda


#### 4.7. Kubumba inyuguti mu ibumba

Abana b'emyaka 1 kugera kuri 4



Abana batangira babumba imirongo ariyo baheraho bahuza bagakora inyuguti

Abana b'emyaka 5 kugera kuri 6



Abana babumba inyuguti bamaze kwiga

Uko bikorwa



Abana bahabwa ibumba bagahabwa n' amakarita ariho imirongo cyangwa inyuguti zimaze kwigwa , bakazibumba bigana uko zanditse.

## Uko bikoreshwa



- Mu gihe k' inguni y' ubugenzi, umurezi ayobora abana agendeye ku nsanganyamatsiko, bakaba babumba n; inyuguti.
- Abana barebera ku makarita y' inyuguti cyangwa aho zanditse ku kibaho bakazigana bazibuma

### Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze


- Abana bakura mu mitekerereze, bamenya gukorana ubushishozi, kwigana uko ikintu giteye kandi bagateza imbere imiyego y' ingingo nto

### Aho biboneka mu nteganyanyigisho y' amashuri y' inshuke

- Umwaka wa 2 n'uwa 3, umutwe wa 4 n' uwa 5: Itonde ry'inyuguti z'lkinyarwanda
- Umwaka wa 1, umutwe wa 4: itonde ry'inyuguti z' ikinyarwanda – Guca imirongo itandukanye

### 4.8. Umukino wo guhuza ukoresheje urudodo (imyaka 4 kugera 6)

Intambwe zigaragara ku mashusho zirerekana uko kubitegura bikurikirana



### Ibikoresho bikenewe

- Ibikarito, urudodo, marikeri n'imakasi.

## Uko bikorwa




- Kata igikarito kiringaniye umwana ashobora gukoreraho, gishobora kujyaho inyuguti 5 cyangwa 6, imibare se cyangwa amashusho.(byibura kibe kireshya na cm 20)
- Andika inyuguti nkuru ku ruhande rumwe rw'igikarito, wandike into zazo ku rundi ruhande ariko uzitoneke unyuranyije urukurikirane rw'uko inkuru zitondetse. Wirinde kuzandika ku mpera cyane.
- Iruhande rwa buri nyuguti, caho akanya gato kaza kunyuzwamo urudodo.
- Seseza urudodo ku gikarito hejuru hagati na hagati.
- Mbere yo guca urudodo, banza ukine uwo mukino uwurangize maze ubone uko urudodo ukeneye ruza kuba rureshy, hanyuma ubone guaho ururenga.
- Twika ku mpera z'urudodo cyangwa uhapfundike kugira ngo ururinde kudodoka.


## Uko bikoreshwa



### Abana b' imyaka 4 kugera kuri 5



## Abana b' imyaka 6



- Abana batangirira hejuru ku ruhande rw'ibumoso bagasoma inyuguti ya mbere. Bagashaka inyuguti bisa ku ruhande rw'isburyo hanyuma bakayerekezaho urudodo, bakarunyuza muri ka kanya gakase kari imbere y'inyuguti.
- Abana bashobora gukina uyu mukino buri wese ku gitit ke cyangwa bari mu matsinda ya babiribabiri mu gihe k' imikino yo mu nguni

### Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.

- Abana bamenyera uko inyuguti zanditse n'uko zisomwa.
- Abana bazamura ubushobozi mu gukorana ubushishozi ndetse bagateza imbere imiyego y'ingingo nto
- Iyo abana bakoze iki gikorwa ari babiribabiri batera imbere mu mbamutima, mu rurimi no mu busabane.
- Abana bazamura ubushobozi mu gutekereza no kwikemurira ibibazo.



#### Izindi nama


- Ku bana bakiri bato cyane bashobora gukoresha amashusho mu mwanya w'inyuguti.
- Muri uyu mukino hashobora guhuzwa inyuguti nto n'inyuguti nkuru.
- Inyuguti nkuru ni kubana biga mu mwaka wa kabiri naho inyuguti nto cyangwa into n' inkuru ni mu mwaka wa gatatu

## Aho biboneka mu nteganyanyigisho y'amashuri y' inshuke


Umwaka wa 2 n' uwa 3, umutwe wa 4 n' uwa 5: Itonde ry' inyuguti z' ikinyarwanda

### 4.9. Umukino w' imbata/ gusimbuka utuzu tugize imbata ( kuva ku mwaka 1 kugera kuri 6)

#### 4.9.1. Ikibariko cy' amashusho /Gusimbukira mu tuzu tw' amashusho ( umwaka 1 kugera kuri 3 )



#### Abana b' imyaka 4 kugera kuri 6



## 4.9.2. Ikibariko cy' inyuguti / Gusimbuka mu tuzu tw' inyuguti

Imfashanyigisho zikenewe mu mukino: Inkoni, amakara, imbuga cyangwa hasi

### Uko umukino utegurwa

- Shaka imbuga isukuye
- Shushanya urukiramende maze urucemo nibura utuzu 8
- Muri buri kazu andikamo inyuguti imwe cyangwa ishusho imwe.

### Uko umukino ukinwa

- Banza ubwire umwana ko mugije gukina "umukino w' imbata" ( umukino wo gusimbuka mu tuzu)
- Ku imbuga y'igitaka cyangwa iriho sima, andikaho zimwe mu nyuguti, inyajwi cyangwa ushushanyeho.
- Bwira umwana age asimbukara ku nyuguti cyangwa igishushanyo uvuze.
- Hindura umukino, ubwire umwana asimbukire ku nyuguti iyo ari yo yose cyangwa igishushanyo icyo ari cyo cyose hanyuma avuge izina ry'icyo asimbukiye.
- Mu mikino yo mu ishuri cyangwa iyo hanze y'ishuri mu gihe cy'ubumenyi bw'ururimi.

### Ikitonderwa

Niba umwana afite ubumuga atabasha gusimbuka, mureke ashyire ibuye, inkoni cyangwa umupira ku nyuguti cyangwa igishushanyo umurezi avuze.

### Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.

- Abana bamenyera gutandukanya inyuguti, uko zandikwa n'uko zisomwa.
- Abana bazamura ubushobozi mu gutekereza byimbitse no gukemura ibibazo.



Izindi nama


Ku bana bakiri bato, wakoresha amashusho y'ibintu bamenyereye cyangwa imirongo bize.

### Aho biboneka mu nteganyanyigisho y'amashuri y'inshuke

Umwaka wa 2 n' uwa 3, umutwe wa 4 n' uwa 5: Itonde ry'inyuguti z'lkinyarwanda.


#### 4.10. Gutoranyamo ikidasa n' ibindi

umwaka 1 kugera kuri 4



Abana bitegerezza ku mashusho , bagahitamo ishusho imwe babona idasa n' izindi biri kumwe bakayerekana bakozaho urutoki cyangwa barambikaho agakarita

**Abana b'imyaka 5 kugera kuri 6)**



Abana basoma cyangwa bakitegerezanya ubushishozi ibyanditse ku murongo umwe utambitse bakerekana ikidasa n' ibindi bisigaye

**Ibikoresho bikenewe**

- Igikarito, urudodo, irati, marikeri

## Uko bikorwa



- Kata igikarito kiringaniye kubera ko gikoreshwa n'umwana w'inshuke, ku buryo kijyaho imirongo 4 cyangwa 5 itambitse, kuri buri murongo hakajyaho inyuguti 4 cyangwa 5 cyangwa se ibishushanyo.
- Andika inyuguti 4 zisa, wandike n'indi ya 5 idasa n'izindi ku murongo utambitse.
- Ku ruhande rumwe rw'igikarito genda ukataho akanya agato ko gucishamo urudodo
- Pfumura umwenge munsi ya buri nyuguti ukoreshheje umusumari.
- Cengeza urudodo mu mwenge uri ku gikarito hejuru, kandi urebe neza niba urwo rudodo ruza kwinjira muri buri mwenge ku buryo bworoshye.
- Mbere yo guca urudodo, banza ukine uwo mukino uwurangize maze ubone uko urudodo ukeneye ruza kuba rureshya,hanyuma ubone gucaho ururenga.
- Twika ku mpera z' urudodo cyangwa uhapfundike kugira ngo ururinde kudodoka.

## Uko bikoreshwa



- Abana batangirira hejuru ku ruhande rw'ibumoso bagasoma umurongo wa mbere w' inyuguti hanyuma bagashakamo inyuguti idasa n'izindi.
- Abana bacengeza urudodo mu mwenge uri munsi y'yo nyuguti, mu kurwinjiza, baturuka imbere berekeza inyuma, rwagera inyuma bakongera bakarwerekeza ibumoso, bakarushyira mu kanya gateganye n'umurongo wa kabiri, bagakomeza Umukino gutyogutyo.
- Abana bashobora guhitamo gukina umwumwe ku giti ke cyangwa bari mu matsinda ya babiribabiri mu gihe bari mu nguni y' ururimi.

## Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.

- Abana bamenyera gutandukanya inyuguti zidasa cyangwa amashusho adasa.
- Abana bakura mu mitekerereze yimbitse, mu gukemura ibibazo, mu gukorana ubushishozi, bakanateza imbere imyego y'ingingo nto.
- Iyo abana bakoze iki gikorwa bari mu matsinda ya bibiribabiri batera imbere mu mbamutima, mu rurimi no mu busabane.



## Izindi nama

- Ku bana bakiri bato, gukoresha amashusho. Ni byo byiza kurusha gukoresha inyuguti.
- Hashobora no gukoreshwa ibikoresho bitandukanye.


## Urugero:

Ibikombe 3 bisa ukavangamo isahane 1.

### Aho biboneka mu nteganyanyigisho y'amashuri y'inshuke

Umwaka wa 2 n'uwa 3, umutwe wa 4 n' uwa 5: Itonde ry'Inyuguti z'Ikinyarwanda.

#### 4.11. Igit i nyuguti (umwaka 1 kugera kuri 6)



#### Ibikoresho bikenewe

- Impapuro z'amabara, ishami ry'igit i rifite udushami duto.

#### Uko bikorwa



- Kata impapuro z'amabara mu ngano imwe.
- Andikaho inyuguti , amashusho cyangwa amazina y'abana.
- Manika izo mpapuro kuri cya giti, ugende usigamo akanya hagati y'inyuguti n'indi kugira ngo hatagira inyuguti ikingiriza indi.

#### Uko bikoreshw



- Ha abana inyuguti hanyuma ugende uvuga inyuguti imwe maze umwana uyifite ayizane ayimanike kuri cya giti.
- Ushobora no guhindura ukajya uvuga inyuguti imanitse ku giti hanyuma umwana akajya kuyimanura akayizana.
- Abana bakiri bato batariga inyuguti barazifata bakazimanika ku giti gusa cyangwa umurezi akabategurira amashusho bakaba ariyo bamanika.
- Igit i gishobora gukoreshw mu gihe cy'ubumenyi bw'ururimi mu ishuri cyangwa hanze cyangwa ku ruziga. Cyakoreshw no mu bidukikije

**Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.**

- Bizamura ubumenyi bw'abana, bakamenya kandi bagatandukanya inyuguti cyangwa imibare.



### Izindi nama

- Ushobora no gukoresha ibibabi cyangwa se ibirere mu gihe utabonye impapuro z'amabara. Ushobora kandi kumanikaho amashusho y'ibantu bijyanye n' insanganyamatsiko iri kwigwa.

## Aho biboneka mu nteganyanyigisho y'amashuri y'inshuke

Umwaka wa 2 n'uwa 3, umutwe wa 4 n'uwa 5: Itonde ry'inyuguti z'lkinyarwanda

### 4.12. Umukino wo guhuzano no gutondeka inyuguti hagakorwa ijambo (imyaka 5 kugera kuri 6)

#### 4.12.1. Kwandukura amagambo ukoresheje imifuniko y' amacupa (kwandika amagambo uyareba)

##### Imyaka 5 kugera kuri 6



Abana bahabwa igishushanyo k'ikintu runaka ndetse n'izina ryacyo ryanditse mu nyuguti zigaragara. Abana bitegerezza uko inyuguti zikoze ijambo, bagatondeka izindi zanditse ku mifunidkizo zigakora ijambo nk' iryo bahawe.

## Gutondeka inyuguti ziri ku makarita zigakora ijambo (Imyaka 5 kugera 6)



### Ibikoresho bikenewe

- Igikarito, imifuniko y'amacupa y'ibara rimwe, amakarira mato y'inyuguti, irati, marikeri cyangwa amakaramu y'amabara

#### Uko bikorwa



- Fata igice k'igikarito kinini cyangwa umufuka mugari wandikeho amagambo 4 cyangwa 5, imbere ya buri jambo uhashyire igishushanyo hanyuma uce imbere y'ayo magambo umurongo uhagaze.
- Igikarito cyangwa umufuka biceho imirongo itambitse ingana.
- Shushanya ku gikarito cyangwa ku mufuka, imirongo itambitse ingana kandi ifite umwanya uhagije wo gutondekamo imifuniko y'amacupa.
- Buri nyuguti yigenere umwanya ku buryo abana bamenya aho batondeka imifuniko y'amacupa.
- Andika inyuguti kuri iyo mifuniko y'amacupa cyangwa ku dukarita duto dukoze mu gikarito. Inyajwi uzandike mu ibara ritandukanye n'iry'ingombajwi.

#### Uko bikoreshwawa



Abana bitegerezza ijambo rya mbere uko ryanditse ku gikarito cyangwa ku mufuka, bagatondeka ya mifuniko iriho inyuguti igakora rya jambo. Iyo barangije ijambo rya mbere bakomereza no ku yandi magambo.

**Uko bifasha mu myigire, mu byigwa, mu ngingo nsanganyamasomo n'ubushobozzi bw'ibanze.**

- Kumenya gukurikiranya ibintu kuri gahunda.
- Kumenya guhuza amashusho n'amagambo yayo.
- Gukorana ubushishozi no guteza imbere imiyego y'ingingo nto
- Iterambere mu mbamutima, mu rurimi no mu busabane.
- Kuzamura ubumenyi bwo gukurikira.



### Izindi nama

- Ushobora kwandika ijambo rimwe ku gakarito gato.
- Ushobora guhindura amagambo ugendeye ku nsanganyamatsiko.
- Ushobora gukoresha amazina y'abana kugira ngo bitoze kwandika amazina yabo.

## Aho biboneka mu nteganyanyigisho y'amashuri y'inshuke

Umwaka wa 3, umutwe wa 4 n' uwa 5: Itonde ry'inyuguti z'Ikinyarwanda.

### 4.13. Gukora amakarita y'amazina y'abana n'ibirango by'amazina y'abana

#### 4.13.1. Ibirango by'amazina y'abana (Imyaka 0 kugera kuri 6)

	KANYANA
	NSHUTI
	KARIZA
	RUKUNDO
	GATESI
	RWEMA

## Ibikoresho bikenewe

- Igikarito kinini cyangwa urupapuro runini rukomeye, marikeri cyangwa amakaramu y'amabara.

### Uko bikorwa



- Fata umufuka umwe cyangwa ibiri bitewe n'uko ishuri ringana cyangwa ufade urupapuro.
- Gabanyaho imyanya ingana ukoresheje irati.
- Shushanya ishusho y'ikintu runaka, imbere yacyo uhandike izina ry'umwana akunda gukoresha.
- Abana bamenya amazina yabo bagendeye kuri ya shusho bahora bitegereza iri kuri buri zina.

### Uko bikoreshwa



- Umurezi yereka buri mwana ikiranga izina rye kandi akamumenyereza kuryitegereza buri munsi
- Buri mwana asabwa kumenya ishusho ijyanye n'izina rye. Uko ahora yitegereza iyo shusho bimufasha kumenya uko izina rye ryandikwa.
- Mu ntangiriro y'umwaka , manika amazina y'abana ariho ibirango byayo mu nguni y'ururimi cyangwa ahegereye umuryango w'ishuri.
- Mu gihe cy'ubumenyi bw'ururimi ku ruziga, erekana amashusho ajyana n'amazina y'abana.
- Erika buri mwana ikirango k'izina rye, cyangwa buri mwana abyerekane.
- Mu nguni y'ururimi buri mwana ashobora kwigana ashushanya ikiranga izina rye uko abyumva.

## Uko bifasha mu myigire, mu byigwa, mu ngingo nsanganyamasomo n'ubushobozi bw'ibenze.

- Kumenya kurondora amazina yabo naya bagenzi babo
- Kugira ubumenyi bwo kwibuka ibyo wabonye.
- Kumenyera inyuguti zikoze amazina yabo




### Izindi nama

Umwana umaze kumenya gufata mu mutwe ashobora kuvuga ibiranga amazina ya bagenzi be ndetse akanafasha n' abatarabimenya

## Aho biboneka mu nteganyanyigisho y'amashuri y'inshuke

Umwaka wa 2 n' uwa 3; umutwe wa 4 n' uwa 5: Itonde ry'inyuguti z'lkinyarwanda

#### 4.13.2. Amakarita y' amazina y' abana ( imyaka 5 kugera kuri 6 )



##### Ibikoresho bikenewe

- Ibikarito, imifuniko y'amacupa cyangwa udukarita duto tw' inyuguti, marikeri cyangwa amakaramu y'ambara.

##### Uko bikorwa



- Amakarita y'amazina
- Kora amakarita y'amazina angana.
- Andika izina umwana akunda gukoresha kuri buri karita.
- Fata umufuka umwe cyangwa ibiri bitewe nuko ishuri ringana cyangwa ufate urupapuro. Gabanyaho imyanya ingana ukoresheje irati, hanyuma ukatemo amakarita yakwirwaho izina ry' umwana
- Andika izina rya buri mwana ku ikanira mu nyandiko iboneye
- Andika inyuguti ku mifuniko y' amacupa cyangwa ku dukarita duto

##### Uko bikoreshwa



- Abana bandukura amazina yabo (kwandika amazina uyareba) bakoresheje Imifuniko y'amacupa iriho inyuguti, udukarita tw'inyuguti duto cyangwa ikaramu y'igitu.
- Ereka buri mwana inyuguti itangira izina rye, cyangwa buri mwana ayerekane.
- Mu gihe cy'ubumenyi bw'ururimi ku ruziga, Saba abana bose bumva izina ryabo ritangirwa n'inyuguti ya "a" cyangwa indi nyuguti uhisemo bahaguruke, bakome mu mashyi, gutyogutyo
- Mu nguni y'ururimi: Abana bandukura amazi yabo bakoresheje ibikoresho binyuranye.

**Uko bifasha mu myigire, mu byigwa, mu ngingo nsanganyamasomo n'ubushobozi bw'ibenze.**

- Kumenya kurondora amazina yabo.
- Kumenya kwandika mu cyapa.
- Kugira ubumenyi bwo kwibuka ibyo wabonye.



### Izindi nama

Abana bashobora gutanga amakarita muri bagenzi babo bagendeye ku mazina yabo, bakamenya buri muntu izina rye.

### Aho biboneka mu nteganyanyigisho y'amashuri y'inshuke

Umwaka wa 2 n' uwa 3; umutwe wa 4 n' uwa 5: Itonde ry'inyuguti z'lkinyarwanda

### 4.14. Umukino wo guteranya ibice by' ishusho hagakorwa ishusho yuzuye. (imyaka 3-6)

#### Guhuza ibice bibiri by' ishusho ( imyaka 2 kugera kuri 3 )



Abana bahabwa byibura ibice bibiri bakabiteranya bagendeye ku cyerekezo kiri cyo

Guhuza ibice by' ishusho iriho n' izina ry' iyo shusho (imyaka 4 kugera kuri 5 )



Abana bahabwa ibice bivanze ariko buri shusho ikaba ifite bike bike bagateranya ibigize buri shusho, bagakora amashusho atandukaanye

### Guhuza amashusho n' amazina yayo ( imyaka 6)



- Buri shusho isize ibara risa n' uko isanzwe isa na buri karita yanditseho izina ry' iyo shusho isize ibara risa nayo.
- Abana buhuza ayo mashusho n' amakarita y' amazina yayo bagendeye ku ibara cyangwa ku kumenya amagambo magufi

### Ibikoresho bikenewe

- Igikarito, urubaho rworoshye cyangwa teripuregisi ( triplex), amakaramu y' amabara, marikeri, irati, amashusho n'amakarita y' amazina ya buri shusho

#### Uko bikorwa



- Shushanya ishusho runaka ku gikarito. Urugero: inyamaswa, ibitwara abantu n'ibantu cyangwa imbuto.
- Igikarito gikatemo ibice bibiri bingana.
- Shyira ibara ku mpande ziheruka uritsindagire ribe ikimenyetso gifasha abana kumenya ibice bagomba guhuza mu gihe hari n'ibindi bice byinshi by'andi mashusho.
- Ku mashusho yandikanye n' amazina yayo, shushanya ishusho ku ikarito, nyuma wandike inyuguti nto ku ruhande rw'ibumoso hejuru, wandike n'inyuguti nkuru yayo ku ruhande rw'iburyo hasi. Andika kandi izina ry'yo shusho munsi yayo.
- Ku mashusho assize amabara bijyanye , ndetse hari n' amakarita y' amazina y' ayo mashusho, siga ibara risa n' ishusho ku ikarita y' izina ryayo.

## Uko bikoreshwa



- Iyo abana bahuza ibice by'amashusho, bahera ku nguni, ku mpera bagasoreza hagati bahuza ibice byose.
- Mu gihe cy'ubumenyi bw'ururimi, abana bahuza ibice by'amashusho bagakora ishusho yuzuye, umwumwe ku gitit ke cyangwa bari mu matsinda ya babiribabiri.

## Uko bifasha mu myigire, mu byigwa, mu ngingo nsanganyamasomo n'ubushobozzi bw'ibanze.

- Kwikemurira ibibazo, gutekereza byimbitse no kunguka ubumenyi.
- -bana biga kumenya ibice bigize ikintu runaka kandi bakamenya no kubihuza.
- Gukorana ubushishozi no guteza imbere imiyego y'ingingo nto.
- Iterambere mu mbamutima, mu rurimi no mu busabane.



## Izindi nama

- Hindura umukino wo guhuza ibice by'amashusho ugendeye ku nsanganyamatsiko igezwaho.
- Ku bana bakiri bato cyane, koresha ibice 2, 3 cyangwa 4 by' amashusho kandi bitarimo inyuguti cyangwa amagambo.
- Ku bana bakuze bamaze kumenyera ibyo guhuza ibice by'amashusho, ubongerera umubare w'ibice bagomba guhuza bikaba byinshi.

## Aho biboneka mu nteganyanyigisho y'amashuri y'inshuke

Umwaka wa 1, 2 n' uwa 3; Umutwe wa 1: Gutega amatwi no kuvuga

Umwaka wa kabiri w' amashuri y' inshuke, umutwe wa gatatu: guteranya ibice bigize ishusho

Umwaka wa gatatu w' amashuri y' inshuke , umutwe wa gatatu: guteranya ibice bigize ishusho

Umwaka wa mbere w' amashuri y' ishuri yinshuke : ubumenyi bwubidukikije

### 4.15. Gusanisha inyuguti zitondetse n' izivangavanzze ( imyaka 4 kugera kuri 6)



## Ibikoresho by'ibenze bikenewe

- Ibikarito, amakureri, marikeri cyangwa amakaramu y'ibara, umukasi, irati

### Uko bikorwa



- Tunganya igikarito kiringaniye umwana ashobora gukoreraho, ugishushanyeho utuzu.
- Andika inyuguti (inkuru cyangwa into) zitandukanye muri buri kazu kari ku murongo wa mbere, hanyuma wandike n'izindi nyuguti nto zazo mu tuzu turi ku murongo wa kabiri.
- Kata inyuguti ziri mu tuzu two ku murongo wa kabiri uzitandukanye, imwimwe ukwayo maze uzivangavange.

### Uko bikoreshwa



- Abana bashakisha inyuguti mu zikase bakazihuza n'izo bisa zidakase (inyuguti nto zishobora gihuzwa n'inkuru cyangwa inkuru zigahuzwa n'into).
- Mu nguni y'ururimi abana bashobora gukina uyu mukino umwumwe ku gitit ke cyangwa abana bari mu matsinda ya babiribabiri.

## Uko bifasha mu myigire, mu byigwa, mu ngingo nsanganyamasomo n'ubushobozi bw'ibenze.

- Kugira ubumenyi bwo kwikemurira ibibazo, imitekerereze yimbitse no kunguka ubumenyi ku kintu runaka.
- Abana biga kumenya ibice bigize ikintu runaka kandi bakamenya no kubihuza.
- Gukorana ubushishozi no guteza imbere imiyego y'ingingo nto.
- Iterambere mu mbamutima, mu rurimi no mu busabane.



### Izindi nama

- Ku bana bato wakoresha amashusho mu mwanya w'injuguti

## Aho biboneka mu nteganyanyigisho y'amashuri y'inshuke

Umwaka wa 1, 2 n'uwa 3, umutwe wa 1: Gutega amatwi no kuvuga

Umwaka wa 2 n'uwa 3, umutwe wa 4 n'uwa 5: Itonde ry'inyuguti z'lkinyarwanda

#### 4.16. Inyuguti ukoraho ukazimenya /inyuguti zifatika

Inyuguti zibumbye mu mpapuro ( imyaka 5 kugera 6)



Inyuguti zikase mu birere ( imyaka 5 kugera kuri 6)



Inyuguti zikoze mu bikarito ( imyaka 5 kugera kuri 6)



## Ibikoresho bikenewe

- Igikarito, ibirere, ibumba

### Uko bikorwa



- Andika itonde ry'inyuguti inkuru cyangwa into ukoresheje ibirere, ibikarito cyangwa ibumba.
- Kata buri nyuguti uyomore aho wari wayanditse , haba ku birere cyangwa ku gikarito cyangwa iyo wabumbye

### Uko bikoreshwa



- Abana bashobora gukora ku nyuguti bakamenya iyo ari yo
- Abana bashobora gutondeka nyuguti bazikoraho
- Abana bashobora gutandukanya inyajwi n'ingombajwi
- Abana bashobora gukora amagambo mato bakoresheje izo nyuguti.
- Iki gikorwa cyongerwa mu nguni y'ururimi, abana bagakorera mu matsinda ya babiribabiri cyangwa buri mwana ku giti ke.

## Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.

- Kumenya gukemura ibibazo, gutekereza byimbitse no gukurikira.
- Kumenya gukorana ubushishozi no guteza imbere imiyego y'ingingo nto.
- Kugira iterambere mu mbamutima, mu rurimi no mu busabane.



### Izindi nama

- Ku bana bato hakoreshwa amashusho aho gukoresha inyuguti.
- Hashobora no gukoreshwa amabuye ariho inyuguti.

## Aho biboneka mu nteganyanyigisho y'amashuri y'inshuke

Umwaka wa 2 n' uwa 3, umutwe wa 4 n' uwa 5: Itonde ry'inyuguti z'lkinyarwanda 3.15. Uko wategura mu ishuri imfashanyigisho z'ururimi, gusoma no kwandika


Hariho ibipapuro cyangwa ibirango bijyanye n'ururimi ndetse n'izindi mfashanyigisho byo kumanika mu ishuri. Ibyo bimanikwa ahegereye inguni y'ururimi n'inguni y'ibitabo, lyo ahongaho ntamwanya uhari uhagije , bishobora kumanikwa ahandi ariko ukareba niba biri kuri gahunda kandi bimanitse aho abana babona neza kandi bashyikira.

Urugero rw' amashusho ajyanye n' ururimi:

#### 4.16.1. Inyuguti zimanikanye n' ifoto bijyanye



#### 4.16.2. Inyuguti zimanitse mu ishuri








## 5. UBUGENI N'UMUCO

### 5.1. Kubaka imodoka muri tiripuregisi

Intambwe zo gukora imodoka muri tiripuregisi ziragaragara mu mashusho akurikira:



#### Ibikoresho bikenewe:

Teripuregisi (Triplex), icyuma, ikaramu y' igiti, marikeri na sikoci

**Uko bikorwa**



- Shushanya imodoka kuri teripuregisi (Teriprex)
- Ya shusho yikatemo ibice unyuza mu mirongo washushanyije.
- Teranya ibyo bice ukoresheje sikocicyangwa ubujeni ubikoremo imodoka
- Shyiraho amapine akoze mu gitu uyasige ibara.

Ibikoresho byakora kimwe na triplex



### Imyaka 0 kugera 3:

- Abana bagendesha imodoka, bakigana uko ivuga ndetse bakitegereza n' uburyo ikoze
- Abana bigana uko imodoka ikoze bakayikora uko babyumva singombwa ko iba ariyo byukuri , icyangombwa ni uko yatekereje ku rwego rwe uko yabigenza

### Imyaka 4 kugera 6:

- Abana bagendesha imodoka mu ishuri cyangwa hanze yaryo
- Abana bigana uko imodoka ikoze bagakora izabo bari mu gihe cy' ubugen'i cyangwa bari hanze y' ishuri
- Abana bayikoresha bakina, bigana inkuru cyangwa bayisubiramo mu magambo yabo
- Abana babikoreha mu mikino yo mu nguni mu nguni yo kubaka , y' ubugen'i cyangwa yo kwigana no mu gihe k'imikino yo hanze

## Uko bifasha mu myigire, mu byigwa, mu ngingo nsanganyamasomo n'ubushobobozi bw'ibanze.

- Bifasha abana kuzamura ubushobobozi bwo guhimba no guhang'a udushya.
- Bifasha abana guteza imbere imiyego y'ingingo nto.
- Bifasha abana kuzamura ubushobobozi mu gusabana mu ndimi.
- Abana biga guhuza ibinyampande bimwe, bingana no kuzamura ubumenyi ngiro bo ubwabo.
- Bifasha abana kuzamura imbamutima.

### Izindi nama:

Gukoresha amatafari, ibiti, udukarito.

### Aho biboneka mu nteganyanyigisho y'amashuri y'inshuke:

Umwaka wa 1,2, n'uwa 3; umutwe wa kabiri: kubaka ibintu bitandukanye

## 5.2. Kubumba ibikoresho bitandukanye ukoreheje ibumba



### Ibikoresho by'ibanze bikenewe:

- Ibumba, amazi, ibikoresho byo kubumba , ibikoresho byo kubikamo ibumba



- Baza ababumbyi b'imitako cyangwa ababumbyi b'amatafari aho wakura ibumba ryiza mu gace utuyemo
- Kusanya ibumba ushoboye
- Ribike mu gikoresho kirimo amazi cyangwa mu ishashi kugeza igihe muri burikoresho
- Mu gihe rikiri muri icyo gikoresho, jombamo igitu kugira ngo ukore umwobo
- Uzuza amazi muri uwo mwobo (ibi bituma iryo bumba riguma koroha)
- Mu gihe mugije kurikoresha murarikata mukoresheje intoki mugakuramo ikintu mushaka.

**Abana b' imyaka guhera kuri 0 kugera kuri 3**



**Abana b' imyaka 3 kugera kuri 4**



**Abana b' imyaka 4 kugera kuri 5**



### Kubumba ishusho y' umuntu (Imyaka 5 kugera kuri 6)



### Kubumba ishusho ijyanye n' insanganyamatsiko igezweho ( imyaka 5 kugera kuri 6)



### Kubumba inkono, icyungo, imbehe n' umwana ( imyaka 5 kugera kuri 6)



#### Uko bikoreswa



- Umurezi ashobora gutandukanya amazina y'ibantu babumbye akanasobanurira abana uburyo bwo kubikora.
- Mu kubumba ikintu runaka bikorwa mu buryo bworoshye nk'umuntu, itungo, ibibindi, amasahane n'ibindi bikoresho byo mu gikoni
- Umureziashoboragutangaurgerorw'ikintuabanababumbaagendeyekunsanganyamatsiko.
- -Mu gihe cyo guteza imbere ururimi: wakoresha ibumba ukora inyuguti
- Mu gihe k'imibare: wakoresha ibumba mu gukora umubare cyangwa ikinyampande
- Abana babumba mu gihe cy' ubogeni cyangwa mu nguni zakorewe hanze bakabumba ikijyanye n' insanganyamatsiko bagezeho bayobowe n' umurezi.

## **Uko bifasha mu myigire, mu byigwa, mu ngingo nsanganyamasomo n'ubushobozi bw'ibenze.**

- Bifasha abana kuzamura ubushobozi bwo guhimba no guhangga udushya.
- Bifasha abana kuzamura ubushobozi bw'imiyege mito n'imiyege minini.
- Bifasha abana kwiga imiterere, ingano no kuzamura ubumenyi ngiro bo ubwabo.



### Izindi nama

- Vanga ibumba n'amazi agereranyije kugeza kibaye ikibumbano.

Bwira abana bashushanye ku kibumbano cyabo cyangwa bacyandikeho n'intoki cyangwa bakoresheje agate bashyireho icyo bashaka.

## **Aho biboneka mu nteganyanyigisho y'amashuri y'inshuke**

- Umwaka wa 1, 2, n' uwa 3: Umutwe wa gatatu: Kubumba amashusho

### **5.3. Kubumba uhereye kubinyamubyimba ukoresheje impapuro (imyaka 3 kugera 6)**



### **Intambwe:**

- Guhitamo ikinyamubyimba wigana
- Komeka impapuro ku kinyamubyimba wifashishije ubujeni
- Kwanika ikinyamubyimba
- Gukata ikinyamubyimba ugamiye gukuramo icy'umwimerere
- Gufunga ikinyamubyimba cya kabiri ukanacyanika
- Gusiga amabara

### **Ibikoresho bikenewe :**

- Ibinyamubyimba,nk' ibijumba imbuto zitandukanye, ibinyamakuru bishaje cyangwa impapuro, amazi, ubugari bw'imyumbati , amarangi y' intoki.

### **Uko bikorwa**



- Fata impapuro uzishyire mu mazi
- Fata ikintu runaka ukereke abana bitewe n'icyo ushaka gukora. Urugero: igitoki, urunyanya, puwavuro
- Fata icyo wahisemo gukora hanyuma ucyomekeho urupapuro ukoreshheje ubujeni
- Mu gihe urangije gishyire ku zuba cyume.
- Iyo kimaze kuma uvanamo cya gikoresho wakoreshheje mu buryo bwiza usatura neza warangiza ugafunga aho wasatuye ukoreshheje udupapuro dutoya ndetse n'ubujeni (glue)
- Iyo igikoresho washakaga kubumba kibonetse noneho ushobora gusiga amabara warangiza ukanika bikuma.

### **Uko bikoreshwa**



- Umurezi ashobora gukoresha ibikoresho impapuro mu gukora ikintu mugendeye ku nsanganyamatsiko mufite. Urugero: imbuto, imboga, igikombe, inyamaswa runaka cyangwa abantu
- Abana bashobora gukoresha impapuro zikanjakanjwe mu gukora ikintu runaka bo ubwabo, abantu, inyamaswa n'ibindi.

## **Uko bifasha mu myigire, mu byigwa, mu ngingo nsanganyamasomo n'ubushoboz bw'ibanze.**

- Bifasha abana kwigana ishusho y'ikintu runaka bagendeye ku nsanganyamatsiko.
- Bifasha abana kumva ibidukikije n'ibindi bikoresho bitandukanye.
- Bifasha abana gukuza imiyego minini n'imito
- Bifasha abana kugira amahirwe yo kongera kwibuka igihe kirekire.
- Bifasha abana guhangha no kuvumbura udushya.



### **Izindi nama**

Impapuro zikanjakanjwe cyangwa zifunyanze ushobora kuzikoresha ukora ibikoresho by'umuziki cyangwa ingofero ukoresheje uburyo bwavuzwe hejuru.

## **Aho bibonekera mu nteganyanyigisho y'amashuri y'inshuke**

Umwaka wa 1,2, n' uwa 3: Umutwe wa 1 : Guhangha amashusho

### **5.4. Komeka udupapuro dufatira mu mashusho , mu miterere cyangwa mu iforomo y' ikintu**

## **Komeka udupapuro ukurikije uko ikintu giteye cyangwa iforomo yacyo (imyaka 1 kugera 4)**



## **Komeka impapuro zifatira ugakora ishusho y' ikintu ( imyaka 5 kugera kuri 6)**



### Ibikoresho bikenewe:

Ibihishwa by'igi, urupapuro rufatira, imigozi y'ibijumba, umutura w'ikirayi, marikeri n'amakaramu y'amabara , ubujeni.

#### Uko bikorwa



- Shushanya ishusho iri ku rugero rw'abana , urugero : izuba, ukwezi, mpandeshatu,...
- Kata udupapuro duto dufatira uduhe abana batwomeke muri ya shusho washushanyije bakurikije iforomo yacyo
- Abana bamenyereye bikatira izo mpapuro zifatira bakazomeka ku rupapuro runini bagakora ishusho y' ikintu bihitiyemo

#### Uko bikoreshwwa



- Shushanya ishusho y'ikintu ugiye kwigisha mu bice byinshi
- Hereza abana amashusho washushanyije n'urupapuro rushushanyijeho uko izo shusho ziteye
- Abana bomeka impapuro zifatira muri ayo mashusho wabahaye bakurikije uko ishusho ishushanyije ku rupapuro ndetse bakurikije imiterere yayo
- Ibyo bometse bishobora kwifashishwa mu bidukikije aho abana bigira insanganyamatsiko zitandukanye.

### **Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.**

- Abana bafata vuba ishusho bari komeka
- Bifasha abana kuzamura ubushobozi bwo kwiga unakora.
- Bifasha abana kwibuka icyo bakoze igihe kirekire.

### **Aho bibonekera mu nteganyanyigisho y'amashuri y'inshuke**

Umwaka wa 1,2,n' uwa 3: Umutwe wa 1 : Guhangamashusho

## 5.5. Gutera irangi

### 5.5.1. Gutera irangi ukoresheje ikiganza (imyaka 0-3)




### 5.5.2. Gutera irangi ukoresheje ikimera ( imyaka 4-6)





### 5.5.3. Gutera irangi ukoresheje iforomo cyangwa ibinyampande (Imyaka 5-6)



#### Ibikoresho bikenewe:

- Irangi, umufuka, urupapuro, ikaramu yigit, ikaramu z'amabara. Caroti, amazi yo gukaraba, icyuma.

## Uko bikorwa



- Suka irangi ku mufuka hanyuma urambikemo ikiganza gifate irangi
- Rambika cya kiganza cyagiyeo irangi ku rupapuro, kirahita kishushanyaho
- Niba ushaka gutereshaa ikimera, kata karoti mu buryo ushaka hanyuma uyikoze mu irangi ugende uyikoza ku mpapuro cyangwa mubundi buryo bukurikira:
- Kata beterave cyangwa ikinyomoro
- Shushanya ishusho ushaka ku rupapuro; urugero: uruziga, urukiramende, inyenyeri...
- Genda womeka mu ishusho washushanyije ku rupapuro bya bice wakase bya beterave cyangwa by'ikinyomoro, ugendeye ku buryo ushaka gutaka iyo shusho.
- Ukoreshje andi makaramu y'amabara abana bashobora kongerera ubwiza iyo shusho

## Uko bikoreshwa



### Abana b' imyaka 1 kugera kuri 3



- Abana bakiri bato babikora nk' Umukino aho bashobora no gukoresha ibirenge byabo barangiza bakagende babikandagiza ahantu hatandukanye

### Abana b' imyaka 5 kugera kuri 6



- Abana bamenyereye batera irangi mu byo umurezi agambiriye kubigisha bakabikora neza
- Umurezi agenda abahindurira uburyo bwo gutera irangi akurikije insanganyamatsiko bari bagezeho

## **Uko bifasha mu myigire, mu byigwa, mu ngingo nsanganyamasomo n'ubushobozi bw'ibenze.**

- Bifasha abana kuzamura ubushobozi bwo gukoresha imiyego mito.
- Bifasha abana guteza imbere ubufatanye n'ibusabane n'abandi.



### Izindi nama

Ibindi bimera byakoreshwa bigatanga amabara ni nka karoti n'indabo.

## **Aho biboneka mu nteganyanyigisho y'amashuri y'inshuke**

Umwaka wa 1,2,n' uwa 3: Umutwe wa 1 : Guhangamashusho

### **5.6. Gutaka**

#### **5.6.1. Gutakisha amezi y'umwaka (imyaka 1 kugera kuri 6)**



### **Ibikoresho bikenewe:**


Igipapuro kinini kandi gikomeye cyo kwandikaho, amakaramu y'amabara, imakasi , impapuro z' amabara

### **Uko bikorwa**



- Shushanya ku gipapuro gikomeye amashusho ahwanye n'amezi cumi n'abiri y'icyo ukenewe kwandikaho amezi y'umwaka (urugero: urukwavy)
- Icyo gipapuro kinini gikatemo uduce duto ukurikije ya mashusho washushanyijeho.
- Andika amezi y'umwaka kuri utwo dushusho wakase.

## 5.6.2. Gutakisha amazina y'abana ( imyaka 1 kugera 6)



### Ibikoresho bikenewe:

Ibipapuro binini by'amabara, amakaramu y'amabara, umukasi

#### Uko bikorwa



- Kata igipapuro kinini mu buryo butandukanye ukoremo uduce twinshi kandi ugene umubare runaka w'udece tugomba kuba duteye kimwe.
- Andika amazina y'abana biga mu ishuri ryawe kuri twa duce wakase ukoreshheje amabara ari bugaragare bitewe n'ibara ry'urupapuro.
- Genda ushyira ku muronko utwo duce wanditseho amazina y'abana, ukurikije amashusho ateye kimwe

## 5.6.3. Gutaka inyuguti n' imibare ( imyaka 3 kugera 6)



## Ibikoresho bikenewe:

Impapuro z'amabara, amakaramu y'amabara, imakasi, imiyenzi cyangwa ikindi cyakoreshwa mu gufatisha izo nyuguti ahantu runaka, inyuguti z'amabara zanditse.

### Uko bikorwa



- Kata agace kamwe k'urupapuro rw'ibara ,ugahe ishusho y'uburyo ushaka gutakamo inyuguti.  
**Urugero:** uruziga, mpandenye, mpandeshatu cyangwa ishusho y'ikintu runaka
- Koresha ako gace k'urupapuro wakase ukagendereho ukata utundi tuce na two uduhe ishusho isa na ko.
- Andika kuri utwo duce wakase inyuguti cyangwa imibare kuri buri gace .
- Manika utwo duce tw'udupapuro wanditseho inyuguti cyangwa imibare, ku gikuta ukoreshheje imiyenzi, umutura w'ikirayi cyangwa sikoci.

### Uko biokoreshwwa



- Ibitatse ishuri, umurezi ashobora kubikoresha yigisha imibare cyangwa gusoma. Mu gihe cyo gutaka biba byiza kumanika uduce tw'udupapuro aho abana bashykira.
- Iyo wamanitse amazina y'abana cyangwa inyuguti bifasha abana kubimanya
- Kumanika amezi y'umwaka bifasha umwana kuyamenya vuba no kumenya uko akurikirana.
- Gutaka ku gikuta, ubikora ukurikije inguni z'ibyigwa cyangwa ugendeye ku byo abana bakeneye kubona buri munsi

## Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.

Gutaka bifasha abana kuzamura ubumenyi bwo kugereranya ibisa n'ingano yabyo,gushyira ku murongo no kumenya amabara n'ibintu bitandukanye.Bamenyera kandi gukora ibinogeye ijisho.

## Aho biboneka mu nteganyanyigisho y'amashuri y'inshuke

Umwaka wa 1,2,n' uwa 3: Umutwe wa 1 : Guhangamashusho

## 5.7. Gusiga amabara no gukata

### 5.7.1. Gusiga amabara (imyaka 1 kugera 5)



### 5.7.2. Gukata ishusho y' ikintu no kugisiga ibara risa n'uko gisanzwe gisa. (imyaka 4 kugera kuri 6)

Gukata mu rupapuro no gusigisha amabara ajyanye n' icyo wakase

**Urugero:** urunyanya rw' umutuku, urukweto rw' umweru



Gukata ikintu mu gikarito mu iforomo y' uko gisanzwe giteye



## Gukata mu mpapuro no gusiga amabara ajyanye n' indabo



### Ibikoresho bikenewe:

Impapuro nini z'amabara, impapuro zisanzwe, igikarito cyangwa umufuka, amakaramu y'amabara, imikasi,

#### Uko bikorwa



- Shushanya ishusho ushaka ukoreshheje ikaramu y'igit cyangwa amakaramu y'amabara
- Kata iyo shusho ugendeye ukurikije uko wagiye uyishushanya maze isigare iri yonyine.

#### Uko bikoreshwa



- Umurezi ashushanya ibintu bitewe n'insanganyamatsiko agaha abana umwanya bagasiga amabara ya mashusho yakase ari yonyine.
- Ku bana bamaze kubimenyera , basiga ibara risa neza n' uko icyo kintu gisanzwe gisa.Ni ukuvuga umwimerere w' ibara ryacyo
- Gukata no gusiga amabara bikoreshwa mu nguni y'ubugeni n'umuco. Umurezi ashobora no kugendera ku nsanganyamatsiko y' icyumweru.

### Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.

- Bifasha abana kuzamura ubushobozi bw'imiyego y' ingingo nto n' inini
- Bifasha abana kwishakamo ibisubizo,no gukorana ubushishozi
- Bifasha abana kuzamura ubushobozi kwaguka mu mitekerereze.

### Aho biboneka mu nteganyanyigisho y'amashuri y'inshuke

Umwaka wa 1, 2,n' uwa 3: Umutwe wa 1 : Guhangamashusho

## 5.8. Ibikoresho biva mu bukorikori

### 5.8.1. Umupira ubanze mu birere ( imyaka 0 kugera kuri 6)



#### Ibikoresho bikenewe:

Ibirere, imifuka, amazi yo kubobeza ibirere, imigozi yo kubangisha umupira

#### Uko bikorwa



- Fata ibirere ubisukeho amazi.
- Banga ibirere ubifunganye ukora umupira.
- Wuharage uzengurutsa umugozi uzirika ,kugira ngo ukomere udahambuka
- Kora umupira mwiza ukomeye.

#### Uko bikoreshwa



- Abana bakina umupira babanze.Bashobora gukina umupira w'amaguru, bawukina bakoresheje amaguru buri mwana akina ashaka gutsinda uwo bahanganye, cyangwa bagakinira mu matsinda.
- Umupira kandi ukinishwa n' amaboko.
- Umurezi ashobora gukoresha uyu mupira mu gihe ari kwigishiriza ku ruziga cyangwa mu ishuri ,akajya awuterera umwana ugiye gusubiza
- Gukina umupira w'amaguru ni umukino abana bakinira mu ishuri cyangwa hanze y'ishuri no mu bikorwa byo ku ishuri bitandukanye.

#### Uko bifasha mu myigire, mu byigwa, mu ngingo nsanganyamasomo n'ubushobozi bw'ibanke.

Kwibangira umupira bibafasha abana kuzamura ubushobozi bwo gukoresha imiyego, kuvumbura no guhangha udushya, gusabana hagati yabo bikanabafasha gukorera mu matsinda.

## Aho biboneka mu nteganyanyigisho y'amashuri y'inshuke

Umwaka wa 1,2, n' uwa 3; Umutwe wa 4: Guhangya ibikoresho biva mu bukorikori.

### 5.8.2. Umugozi wo gusimbuka ( imyaka 1 kugera kuri 6)



#### Ibikoresho bikenewe:

Ibirere cyangwa imigwegwe, amazi.

#### Uko bikorwa



- Bobeza ibirere nurangiza ubisatagure
- Boha umugozi w' inyabutatu ukoreshjeje bya birere wasataguye ,umugozi umwe ureshye byibura na metero ebyiri, uwo gusimbukira mu matsinda ushobora kureshyu byibura na metero enye.
- Boha byibura imigozi itanu yo gusimbuka
- Boha umugozi ugeze ku musozo.

#### Uko bikoreshwya



#### Abana b' myaka 0 kugera kuri 3:

- Umugozi kandi abana bawukoresha nk' ikiziriko, bagakina bigana uko bazirika amatungo
- Mu mikino yo mu irerero, umurezi ashira umugozi umwe cyangwa ibiri mu nguni y'ubugenii n'umuco yo kuza guhambiriza ibikinisho bari bukinishe bari mu nguni
- Abana bazunguza umugozi bashaka kuwusimbuka ariko ntibabibashe
- Abana babiri bafata umugozi bagakururana bakina, bumva ufite imbaraga muri bo

#### Abana b' imyaka 4 kugera kuri 6

- Abana bagerageza kwibohera imigozi bazajya basimbuka bagendeye ku rugero rw' umurezi
- Abana bahagarara barebana, umwe afashe ku mpera z' umugozi ,n' undi afashe kuyindi mpera y' umugozi, bakazunguza umugozi abari hagati bakajya basimbuka

- Gusimbuka umugozi, ni mukino ukinirwa mu mikino yo hanze ahantu hari ikibuga kinini, umurezi yigisha abana uko bawukina.
- Umurezi kandi ashobora no kubigisha indirimbo, imibare cyangwa se inyuguti bakoresha bari gukina.
- Umurezi ashobora kureka abana bakaboha imigozi yo gusimbuka bo ubwabo mu buryo bashaka, akajya atanga ubufasha mu gihe umwana abukeneye.

### **Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.**

- Abana bakuza imiyego y' ingingo into n' inini
- Abana barasabana, batera imbere mu mbamutima no mumibanire n' abandi,
- Abana bakura mu mitekerereze yimbitse



**Izindi nama**

Parasitike, ibishishwa by'ibiti, imigwegwe n'ibindi wakoresha uboga umugozi.

### **Aho biboneka mu nteganyanyigisho y'amashuri y'inshuke**

Umwaka wa 1,2 , n' uwa 3; Umutwe wa 4: Guhangga ibikoresho biva mu bukorikori

#### **5.8.3. Imisambi**



### **Ibikoresho bikenewe:**

Ibirere byumye, ibikangaga, imirarama, imishipiri, imbarasasu, imigwegwe

#### **Uko bikorwa**



- Ukusanya ibirere byumye cyangwa ibikangaga ukabitunganya, ukabyanika bigahonga.
- Uko ubyanika ugenda wibuka kubisukaho amazi kugira ngo bidahinamirana.
- Ushyiraho ingoyi ukaboha kugeza ku burebure bw'umusambi wifuza.



### Abana b' imyaka 0 kugera 3

- Abana bawicaraho , bashobora kuba bari kunya igikoma, cyangwa bari mu gukinisha imfashanyigisho
- Abana bakiri bato cyane iyo barwaye cyangwa basinzirira mu irerero bawuryamaho
- Ku marerero afite intebé zitari mu kigero cy' abana , yifashisha umusambi cyangwa umukeka mu gihe bafite amikoro

### Abana b' imyaka 1 kugera kuri 6



- Umusambi mu ishuri no hanze yaryo bawicaraho, bawukoresha mu byigwa byose, mu nguni zose,
- Abana bicaranye n' umurezi basoma inkuru cyangwa baganira bawicaraho bari mu byigwa bitandukanye cyangwa bari kunya igikoma.
- Umusambi nanone ushobora kuba wakoreshwa bawigiraho ariwo washyizeho imfanshanyigisho z'ibyigwa.

### Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.

- Ibikorwa by'ubugeni n'umuco bifasha abana kuzamura ubushobozi mu miyego mito n'imini, mu mitekerereze, mu rurimi, imbamutima no gusabana n'abandi kandi bizamura ubushobozi bwo kwiga unakora , gutekereza byagutse no kwishakamo ibisubizo.



### Izindi nama

Ushobora no gukoresha imigwegwe n'ibindi bikoresho bindi uzi wakoresha uboha umusambi.

### Aho biboneka mu nteganyanyigisho y'amashuri y'inshuke

Umwaka wa 1,2 , n' uwa 3; Umutwe wa 4: Guhangga ibikoresho biva mu bukorikori

### 5.8.4. Ibikinisho

#### Igipupe k'inyoni



#### Ibikoresho by'ibenze bikenewe:

- Ibitabu bito by' ibitenge, umukasi, urudodo, urushinge, ikaramu y' igiti



Hari uburyo bwinshi bwo gukora ibipupe

**Urugero:**

- Koresha ikiyiko cyo mu git, shushanya amaso amazuru n'umunwa ku kiyiko, koresha ibice by'igitenge waciye umeze nkukora ikanzu.
- Umurezi ashushanya ishusho y' ikintu ashaka gukorera igipupe ku gitabu k' igitenge
- Iyo amaze gushushanya igipupe kuri cya gitenge adoda ku musozo w'icyo gipupe washushanyije ugenda uhuza igice k'igitenge k'imbere n'ik'inyuma, ugasiga umwanya wo kuza gucoresha ucecenzezamo imyenda, impamba, imifuka cyangwa ikindi kintu washyiramo kugira ngo igipupe kibe kinini; hanyuma ukadoda uho wanyujije ibyo wacengejemo ukahafunga kugira ngo bidasosokamo.

**Abana b' imyaka 0 kugera 4**

Abana barabiheka , bakabikorera nk' ibyo babona bikorerwa abana mu muryango.Babikora bigana ibyo babonye. Abana bitwara nk' ababyeyi b' aba bana b' ibipupe

**Abana b' imyaka 5 kugera kuri 6**

- Ibipupe bikoreshwa mu kubwirana udukuru. Bikoreshwa kandi mu nguni yo kwigana; aho abana bakoresha ibipupe bigana ibyo babona mu rugo.

- Mu nguni y'ibitabo: abana basoma igitabo bakoresheje ibipupe, mu gusubiramo inkuru umwana abwira abandi bana bari mu nguni.
- Mu nguni yo kwigana: abana bigana ibyo babona mu miryango yabo
- Kubara inkuru: ukoresha igipupe ubara inkuru. Ushobora kuba uri kubara inkuru iri mu gitabo cyangwa inkuru wihibimiye.

### **Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.**

Bifasha abana kuzamura ubushobozi bwo kuvumbura no guhangga udushya, imbamutima no gusabana n'abandi kandi binazamura ubushobozi bwo gukoresha imiyego mito y' iningo nto n'inini


#### **Aho bibonekera mu mfashanyigisho y'amashuri y'inshuke:**

Umwaka wa 1, 2, n'uwa 3 :Umutwe wa 4: Kwihangira ibikinisho  
inyandiko

#### **5.9. Ibikoresho bya muzika:**

Ishabure, umugara, icumu, amayugi, imishanana, agaseke, ingoma, gitari, umuduri.

##### **5.9.1. Gitari**



## Ibikoresho bikenewe

Imbahao zoroshye, utujerekani cyangwa teripuregisi (triplex), amakaramu y' amabara, ikaramu y' igiti, icyuma

### Uko bikorwa



- Tegura teripuregisi (Triplex), uyishushanyeho gitari hanyuma ufate icyuma ukate ya gitari ukirikira uko wayishushanyije.
- Siga amabara asa na gitari mu ibice wakase maze ubiteranye ukore gitari yuzuye

### Uko bikoreshwa



#### Abana b' imyaka 0 kugera kuri 3:

- Abana bakina na gitari bakajya bacuranga bigana abantu bakuru babonye bayikoresha
- Abana kandi bacuranga baririmba n' uturirimbo bakunda bigishijwe n' umurezi cyangwa bumvanye abandi.

#### Abana b' imyaka 4 kugera kuri 6:

- Abana bacuranga gitari bagerageza kujyanisha n' injyana y' indirimbo bazi cyangwa bize.
- Abana bagerageza gukora gitari zabo bwite mu bikarito cyangwa mu bipapuro
- Abana bamenya buri gice gikoze gitari n' akamaro kacyo.
- Abana bacurangira bagenzi babo, hanyuma nabo bakabyina

### 5.9.2. Ishabure , umugara n' umwitero



## Ibikoresho bikenewe

Imifuka, ibirere cyangwa igitende

### Uko bikorwa



- **Ishabure** : kata umufuka uwukoremo ijipo kandi utaburemo uduce twinshi ku gice cyo hasi nkuko ubibona ku ishusho.
- **Umugara** : kata umufuka nkukora ingofero, dodora utudodo ku gice kimwe cyo hasi ukuramo indodo zitambika izindi zihagaze zisigare.
- **Ingoma**: kata igikoresho cya parasitike icyaricyo cyose gitanga amajwi , ushobora gukoresha ikibido, indobo cyangwa uducupa dutandukanye.
- **Imirishyo**: shaka aho uvuna ibiti ubishyire ku kigero kimwe nk'uko imirishyo iba ireshya.
- **Furari**: umufuka wukatemo ifurari, abana b'abahungu bayikoresha babyina.

### Uko bikoreshwa



#### Abana b' imyaka 0 kugera kuri 6



- Ubwira abana bazi kuvuza ingoma bakaza bakovicuza, abazi gokoma amashyi bakayakoma, hanyuma abandi bana bakabyina bakurikije uko bari kubavugiriza ingoma n'uko bari kubakomera amashyi.
- Reka abana bigane amajwi basanzwe bumva, bambaye n'imyambaro yo kubyinana.

## Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.

- Ibikoresho bya muzika bifasha abana kuzamura ubushobozi mu ibonezabuzima.
- Abana batera imbere mu bugeni n'umuco no kumenya umuco w'igihugu bakoresha ibikoresho gakondo.
- Bizamura ubushobozi bwo kwibuka, kwaguka mu mitekerereze, kuvumbura no guhangga udushya, gusabana n'abandi no gukorera mu matsinda.
- Abana bunguka amagambo menshi y' umuco wacu.

**Aho biboneka mu nteganyanyigisho y'amashuri y'inshuke:**

Umwaka wa 2 n'uwa 3; umutwe wa 5: Kuririmba no kubyina hubahirizwa injyana

Umwaka wa 2; umutwe wa 6: Inkomo y'amajwi

Umwaka wa 3; umutwe wa 6: Gukoresha ibikoresho bya muzika





## 6. IBONEZABUZIMA

Integanyanyigisho y'uburezi bw'insuke igaragaza ko abana bakwiye kwiga binyuze mu mikino. Gukina bifasha umwana gukura mu gihagararo, mu iterambere mbamutima n' imibanire n'abandi. Muri iki kigwa turareba ingero z'imfashanyigisho n'imikino umurezi yategura ndetse n'ibikoresho bikenewe n'uburyo bikoreshwa.

### 6.1. Gukina umupira w' amaguru ( Imyaka 0 kugera kuri 6)



**Ibikoresho bikenewe:** Umupira w'ibirere, ikibuga n'amazamu

#### Uko bikorwa



- Jyana abana mu kibuga kirimo umutekano.
- Shyira abana mu makipe abiri.
- Umurezi atanga amabwiriza agenga umukino akabereka uko umukino ukinwa.

#### Uko bikoreshwa



##### Mu mikino yo hanze:

- Jyana abana hanze mu kibuga kisanuye maze ubahe umupira n'umwanya uhagije bakine. Ibutsa abana ko bagomba guhererekanya umupira ku bakinnyi b'ikipe imwe.
- Abana bashobora gukina umukino ku bwabo cyangwa bayobowe n'umurezi wabo. Reka abana bakine bakoresheje amaguru cyangwa amaboko kandi ubabwire ko buri kipe igomba gutsinda.

##### Mu mikino yo mu ishuri:

- Hagarara ku ruziga hamwe n'abana maze uvuge izina ryawe, terera umupira ku wundi mwana umubwire avuge amazina ye, bwira uwo mwana na we aterere umupira kuri mugenzi we na we avuge amazina ye, gutyogutyo kugeza abana bose bavuze amazina yabo.

- Uyu ni umukino mwiza cyanecyane mu ntangiro y'umwaka w'amashuri igihe abana bari kwibwirana. Ushobora kwifashisha uyu mukino kandi mu gihe wigisha: Imibare, kuvuga imyaka, amabara, amashusho, inyamaswa, ibiribwa, ibinyobwa n'ibindi.

### **Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.**

- Abana batera imbere mu bumenyi, imitekerereze ndetse bagakuza imiyego y'ingingo nto n'inini
- Abana batera imbere mu kuvumbura no guhangga udushya.
- Abana batera imbere mu mbamutima n'imibanire n'abandi ndetse no gukorera hamwe.




#### **Izindi nama**

Umurezi ashobora kuzana ibirere by'insina mu ishuri, abana bakabanga imipira. Mu gihe harimo abana bafite ubumuga cyangwa undi ukeneye ubufasha umurezi ashobora kumufasha.

### **Aho biboneka munteganyanyigisho y'amashuri yinshuke:**

Umwaka wa 1, 2 n'uwa 3 ; Umutwe wa 1: Kwitoza imiyego itandukanye :

#### **6.2. Gusimbuka umugozi. ( imyaka 1 kugera kuri 6)**



Umukino abana bakina bonyine

#### **Ibikoresho bikenewe**

Umugozi uboshye mu birere

## Uko bikorwa



- Abana babiri bafata umugozi umwe ku mpera zombi, bakajya bawuzunguza, abandi bana bakawusimbuka.
- Mu gihe umukino uyobowe n'umurezi ashobora kubafasha kubara cyangwa kuvuga inyuguti.

## Uko bikoreshwu



- Umurezi afata umwanya akereka abana uko basimbuka umugozi.
- Umurezi ashobora kwigisha abana indirimbo baririmba mu gihe basimbuka umugozi.
- Umurezi kandi ashishikariza abana gufashanya, mu gihe hari umwana ubizi neza mubwire yerekere abandi uko bikorwa kandi ubareke bavumbure ubundi buryo basimbukamo umugozi.


### **Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.**

- Bifasha kwaguka mu mitekerereze n' iterambere mbamutima n'imibanire n'abandi.
- Byongerera abana ubushobozi bwo kuvumbura no guhangga udushya.
- Bifasha umwana gukoresha imiyego y'ingingo nini n'into.
- Byongerera abana ubushobozi bwo kumenya imibare no kubara.



## Izindi nama

- Kubana bato, umurezi abafasha gusimbuka umugozi
- Ku bana bamenyereye, umwana ashobora gufata umugozi agasimbuka wenyine



Umwana asimbuka umugozi wenyine.



Abana basimbuka bayobowe n'umurezi

### **Aho biboneka munteganyanyigisho y'amashurit yinshuke :**

Umwaka wa 1,2, n' uwa 3 : umutwe wa mbere : Kwitoza imiyego itandukanye

### 6.3. Gukina Agati ( imyaka 0 kugera kuri 6)



#### Ibikoresho bikenewe

Agate, ikibuga

Uko bikorwa



Abana bashyirwa mu matsinda abiri bagaharara ku mirongo iteganye.

#### Uburyo bikorwamo

Buri tsinda rihitamo ubanziriza abandi kwiruka. Hereza umwana agati yiruke akurikire mugenzi we wo mu rindi tsinda, agamije kumukozaho ka gati yahawe kugira ngo abe atsinze igitego. Abana bagenda baherezanya agati kugeza habonetse itsinda ritsinda igitego.

#### **Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.**

- Bifasha abana kwaguka mu mitekereze n'iterambere mbamutima n'imibanire n'abandi
- Bifasha umwana gukoresha imiyego y'ingingo nini n'into.
- Byongerera abana ubushobozi bwo kuvumbura no guhangga udushya.

#### **Aho biboneka mu nteganyanyigisho y'amashuri y'inshuke:**

Umwaka wa 1, uwa 2 n'uwa 3 w'amashuri y'inshuke; umutwe wa 1: Imiyego y'ingingo nini.

## 6.4. Imycungo ( imyaka 0 kugera kuri 6)



### Ibikoresho bikenewe

Ibiti, amapine, imigozi

**Uko bikorwa**



Umwana yicara ku ipine maze akicunda abifashijwemo na bagenzi be

### **Uburyo n'aho wakoreshwa:**

#### **Imyaka 0 kugera 3:**

Abana bafashijwe n' umurezi , abashyira ku mwicungo uru ku kigero cyabo kandi uri ahantu hatekanye , hanyuma akabafasha kwicunga

#### **Imyaka 4 kugera kuri 6**

Mu gihe k'imikino yo hanze ku bana bamenyereye bajya aho imycungo iri bakicunga bakajya basimburana kugira ngo bose bagerweho.

#### **Uko bifasha mu myigire, mu byigwa, mu ngingo nsanganyamasomo n'ubushobozibw'ibanze.**

Imycungo iteza imbere ibiyumviro by'umwana.

Imycungo ituma imiyego y' ingingo nto n' inini ikura.

#### **Aho biboneka mu nteganyanyigisho y'amashuri y'inshuke:**

Umwaka wa 1, uwa 2 n'uwa 3 ; umutwe wa mbere: Imiyego y'ingingo nini.

## 6.5. Umucanga ( imyaka 0 kugera kuri 6)



### Ibikoreho b'ibenze bikenwe

Umucanga, isanduka cyanwa ikindi gikoresho washyiramo umucanga

#### Uko bikorwa



- Fata umucanga uwushyire mu gikoresho cyabugenewe cyangwa hanze.
- Shaka ahantu hatekanye ku buryo abana bahakinira.

#### Uko bikoreshwa



### Imyaka 0 kugera 3:

- Abana bakiri bato bakinira mu mucanga bari kumwe n' umurezi wabo
- Abana basharabagamo, bakawurunda , bakawusanza , bakawigaraguramo, bagacukuramo cyangwa bagakoramo ibirundo

### Imyaka 4 kugera kuri 6

Kwandika mu mucanga ukoreshheje urutoki.



Umucanga ushobora gushyirwa mu ishuri abana bagakiniramo mu gihe uri mu gikoresho cyangwa bigakorerwa hanze mu byigwa byose.

- Abana bashobora kwandikisha urutoki bakandika inyuguti , imibare, amashusho
- Umurezi ashobora kuyobora abana icyo bari bukore agendeye ku nsanganyamatsiko igezweho


### **Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.**

- Byongerera abana ubushobozi bwo gutekereza no gukoresha imiyego y'ingingo nini n'into.
- Byongerera abana ubushobozi bwo kuvumbura no guhangga udushya, iterambere mbamutima n'imibanire n'abandi.

### **Aho biboneka mu nteganyanyigisho y'amashuri y'inshuke**

Umwaka wa 1, 2, n'uwa 3 ; umutwe wa 1: Imiyego y'ingingo nini

#### **6.6. Umucanga ( imyaka 0 kugera kuri 6)**



### **Ibikoresho bikenewe**

Uduti dutoya, impapuro, ikaramu y'igitu, amakaramu y'amabara, ubujeni

#### **Uko bikorwa**



- Fata Urupapuro urucemo mpande eshatu
- Shushanya ibikorwa bigaragarira abana kuri izo mpapuro waciye: Kwiruka , kwicara , gukoma amashyi,..
- Fata urupapuro rwawe urwomeke ku gati ukore ibendera.
- Siga amabara atandukanye ku mpapuro zawe wakoze nk'ibendera kugira ngo akurure abana.

## Uburyo bikoreshwa



- Fata abana bamwe ubahe uduti tubiri twometseho urupapuro rushushanyijeho ibikorwa bitandukanye. Urugero: gusimbuka, kwirukanka, gukoma amashyi, kunama, kwicara , kuryama.
- Hitamo umwana ayobore abandi. Mubwire azamure agati kariho urupapuro maze abandi bakore igikorwa cyanditse kuri urwo rupapuro. Nazamura akariho ishusho yerekana gusimbuka, abandi barasimbuka. Nazamura akariho ishusho yo kwirukanka, abandi bana barirukanka.

### **Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.**

- Byongererera abana ubushobozi bwo kwigirira ikizere no kumenya amagambo mashya
- Bifasha abana kwaguka mu mitekerereze no kumenya amagambo mashya.
- Bifasha abana kandi mu iterambere mbamutima n'imibanire n'abandi.
- Bifasha umwana gukoresha imiyego y'ingingo nini ndetse n'imiyego y' ingingo nto.

### **Aho biboneka mu nteganyanyigisho y'amashuri y'inshuke:**

- Umwaka wa 1, 2 n'uwa 3 ; umutwe wa mbere: lmiyego y'ingingo nini

### **6.7. Ibikoresho by'isuku (Imyaka 0 kugera kuri 6)**



### **Ibikoresho bikenewe**

Ibikoresho bitandukanye : amasahani, ibikombe, ibiyiko, isabune, amazi, ibase, ijerekani, ameza , intebé, ...



## 7. ITERAMBERE MU MBAMUTIMA NO MU MIBANIIRE N'ABANDI

### Uko bikorwa



- Kora ifoto yoroheje ugendeye ku byo abana bakunda n'ibyo banga, ibyo batinya, uko biyumva mu bikorwa bimwe na bimwe.
- Urugero: amabara, imyambaro, ubwoko bw'ibiribwa, ibinyobwa, inyamaswa, ibihingwa n'ibindi.
- Shushanya amafoto ku bikarito, imifuka, cyangwa ku mpapuro z'amabara zikomeye.
- Koresha marikeri, amabara n'amarangi kugira ngo bigaragare neza abana babibone uko bikwiye.
- Amabara n'amarangi bikoreshe kugira ngo bireshye abana kandi ukoreshhe ibara nyaryo ry'ikintu. Urugero: umuneke usigwe ibara ry'umuhondo.

### Uko bikoreshwa



- Hari uburyo bwinshi amafoto yakoreshwamo kugira ngo abana bagaragaze ibiyumviro byabo:
- Amafota ashobora gushyirwa ku meza areba hasi.
  - Buri mwana agatora ikarita akavuga uko ayumva
  - Abana bashobora kubwirwa bagahitamo amafoto abatera ubwoba; urugero: inzoka, intare cyangwa amafoto y'ibantu bakunda n'ibyo badakunda.
  - Abana bashobora kuvangura amafoto bitewe n'uko atuma bamererwa. Urugero: kwishima, kubabara, kugira ubwoba...
  - Amafota ashobora gukoreshwa mu nguni z'imikino, mu ndimi, ubumenyi bw'ibidukikije no mu bikorwa by'imibare.

### **Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.**

- Bifasha abana kumenya gutandukanya ibuntu runaka
- Bifasha abana kugira ubushishozi no kwitegerezza
- Bifasha abana gusobanukirwa n'ibyo batari bazi.
- Bifasha abana kumva no kuvuga.

## 7.1. Ibimenyetso by'amarangamutima.



### Ibikoresho bikenewe:

Impapuro, amashusho agaragaza amarangamutima cyangwa amashusho yavanywe mu binyamakuru agaragaza ibiyumviro bitandukanye, amakaramu y'amabara atandukanye.

#### Uko bikorwa



- Shushanya ibimenyetso by'amarangamutima n'ibirango ku rupapuro.
- Bisige amabara atandukanye.

#### Uburyo bikoreshwa



- Byereke abana ureke batandukanye ibishushanyo by'amarangamutima n'ibirango byayo.
- Baza abana kugaragaza ibiyumviro uko babona ibirango bavuge n'ibyo babonaho.
- Reka abana baganirire hamwe kugira ngo bagaragaze amarangamutima atandukanye bakoresha ibimenyetso byo ku mubiri cyangwa amarenga.
- Gabanya abana mu matsinda atandukanye aho bakina bagaragaza ibiyumviro byabo n'amarangamutima.
- Fasha abana gutandukanya uko abandi bameze, inshuti zabo, ababyeyi babo, umurezi agomba kuba yishimye abigaragaza mu maso he.
- Fasha abana kumva uburyo ubuzima babamo bwa buri munsi bugirana isano n'amarangamutima yabo.
- Bikoreshe ku ntangiro y'isomo kugira ngo urebe uburyo abana bameze uwo munsi cyangwa niba hari ikintu kitagenze neza mu gihe cyo gukina n'ibindi.

### **Ibimenyetso by' amarangamutima bikoreshwa:**

- Igihe icyo ari cyo cyose cy'umunsi kugira ngo asobanukirwe uko abanyeshuri bamerewe neza.
- Igihe icyo ari cyo cyose cy'umunsi kugira ngo ubaze niba abana bumva imikoro yabo.
- Ikaze ku ruziga y'ubumenyi bw'ibidukikije, mu nguni y'indimi n'inguni y'imikino yigana kugira ngo ufashe abana batekereze banaganire ku byiyumviro byabo. Mu gusoza ku ruziga mu gihe usuzuma uko umunsi wagenze ubihuze n'ibiyumviro byabo.

### **Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.**

- Mu nguni y'indimi:kwiga indimi bavuga ibiyumviro byabo
- Kumva ko kugira amarangamutima ari ibisanzwe kandi ko ari byiza kuyagaragaza.
- Kumvikana no gusabana n'abandi.
- Kwitegerezza amafoto atandukanye agaragaza ibikorwa biteza imbere ubuzima bwiza.



#### **Izindi nama**

- Aho gukoresha impapuro z'amabara, ibibabi cyangwa amakoma n'ibirere bishobora gukoreshwa.
- Igishushanyo kiri imbere mu ishuri gishobora gukoreshwa ku bana kugira ngo bagaragaze uburyo biyumva iyo bageze mu ishuri.


### **Aho biboneka mu nteganyanyigisho y'amashuri y'inshuke:**

- Umwaka wa 2 n' uwa 3; Umutwe wa 4: kwimenya no kwigenzura imbamutima
- Umutwe wa 1: lbyo dukunda n'uko tubyumva





## 8. GUTEGURA ISHURI



### Uko bitegurwa:

- Umurezi ategura zimwe mu mfashanyigisho zo kumanika mu ishuri, zigahoraho, kubera ko ibikorwa biba bigaragaraho aribyo abana bagenderaho iminsi yose baba bari ku ishuri.
- Umurezi azimanika ahantu haboneye kandi abana bashobora gushyikira
- Umurezi asobanurira abana kandi akabamenyereza kujya barebaho buri munsi

### Urugero:

**Ingengabihe y'ibikorwa bya buri munsi:** abana bamenyera uko ibikorwa by' umunsi bikurikirana

**Inguni :** Abana bamenyera aho buri nguni iherereye n' imfashanyigisho zibonekamo ku buryo watuma umwana igikoresho iki n' iki akamenya aho agisanga

**Abana bitabiriye ishuri rya buri munsi:** Abana barabimenyera ndetse bagashobora no kumenya umwana wasibye, abo baturanye bakaba bamenya n' ikibazo yagize. Umurezi nawe biramworohera mu kugenzura ishuri rye.

## 8.1. Ahagaragaza abana baje n'abasibye bakoresheje uburyo bw' umukino



### Ibikoresho bikenewe:

Imifuka, imishito yo mu duti cyangwa ibikenyeri by'amasaka, urupapuro rukomeye rw'ibara, marikeri n'amakaramu y'ambara.

#### Uko bikorwa



- Kata umufuka ku ruhande rumwe ku buryo ugira igipande kimwe kinini.
- Kata igice cy'umufuka nka cm 10 ku 10 noneho udodereho kuri wa mufuka munini.(reba ifoto hejuru).
- Kora amakarita ariho imibare 1-9, 0-9 ku bakobwa na 1- 9, 0-9 ku bahungu uyuzuze mu gafuka.
- Kata imishito uyigabanyemo kabiri ukoreshheje agakero gato.
- Siga ku mpera z'uduti ukoreshheje ambara atandukanye; abahungu ibara ryabo n'abakobwa ibara ryabo.
- Andikaho ibirango: umubare w'abitabiriye, abahungu n'abakobwa; nk'uko bigaragara ku gishushanyo.

#### Uko bikoreshwa



- Mu cyumweru cya mbere k'itangira ry'ishuri, abana bigishwa n'umurezi uko bakoresha ahandikwa abitabiriye, ijihe abanyeshuri binjiye mu ishuri, bafata ibara ry'agati nyako bakakajyana mu gafuka k'abakobwa n'abahungu.
- Igihe abana bose baje, umurezi afatanyije n'abana abara uduti tw'abahungu n'uduti tw'abakobwa, agasuzuma abanyeshuri baje.
- Umurezi agaragaza abahungu n'abakobwa baje akanagaragaza igiteranyo cy'abahari bose mu ishuri.
- Umurezi ashobora kuvuga niba abakobwa aribo baje ari benshi kurusha abahungu cyangwa se niba abahungu baruta abakobwa.

- Ashobora no kugaragaza niba abanyeshuri baje uyu munsi ari bo bake kuruta abaje ejo hashize.
- Uko abanyeshuri bagenda bamenya imibare neza mu mwaka wa 3, abana bashobora gukomeza kubara uduti ubwabo, bakareba umubare bijyanye.

### Igihe bikoreshwa.

- Ibi bimanikwa iruhande rw'urugi rw'ishuri kugira ngo abana babashe kubikoresha igihe binjiye mu ishuri bwa mbere.
- Umurezi abyifashisha kugira ngo yuzuze ibidanago by'abitabiriye ishuri. Igihe wamanitse ibi nta bwo ari ngombwa kongera kwandika umubare w'abaje n'abasibye ku kibaho.

### **Uko bifasha mu myigire, mu byigwa, mu ngingo nsanganyamasomo n'ubushoboz bw'ibanze.**

- Ibi bizafasha mu kuzuza neza ikidanago kigaragaza abitabiriye ishuri n'abasibye.
- Abana baziga kubara imibare bava ku mito bajya ku minini banige kuyibara bava ku minini bajya ku mito.
- Iterambere mu miyego: mu gufata uduti badushyira mu mwanya watwo wabugenewe bakanavangura imibare yanditse ku makarita.
- Abana bigiramo uburinganire bw'ibitsina byombi bagatangira gukoresha imvugo nyayo.

### **Aho biboneka mu nteganyanyigisho y'amashuri y'inshuke:**

Umwaka wa1, uwa 2 n'uwa 3; Umutwe wa 1: Imibare

### **8.2. Gahunda y'ibikorwa by'umunsi**

7:30 ikaze ku ruziga	8:00 Guteza imbere indimi	8:20 ubumenyi bw' ibidukikje	8:50 imikino yo mu nguni	9:00 gutunganya aho bakoreye	9:40 Akaruhuko gato	10:10 imikino yo hanze	10:40 kubwirana inkuru	11:00 imikino yo kubara	11:30 Gusezeranaho ku ruziga

### **Ibikoresho by'ibanze bikenewe:**

Umufuka, urupapuro rukomeye rw'ibara.

**Uko bikorwa** (Reba mu ishami ry'imibare.)



- Kata umufuka uwutunganye neza ku mpera zawo.
- Rambura umufuka hasi cyangwa ku meza noneho ushyireho ibishushanyo by'ibikorwa by'abana. Gabanyamo umwanya ungana kuri buri gikorwa.
- Shushanya ibishushanyo bya buri gikorwa. Ugenzure niba ishusho y'igikorwa ari ndende bihagije ku buryo abana bayibona neza. Shyiraho iyihe n'izina rya buri gikorwa.

### Igihe bikoreshwa:

- Bishobora gukoreshwa mu ntangiriro y'umunsi bigafasha abana kumenya ibikorwa by'umunsi, n'ibiru bukurikireho.
- Ku ntangiro ya buri gikorwa cyanecyane mu ntangiriro z'umwaka, umurezi agomba kwereka abana gahunda y'umunsi akerekana igikorwa kiba kigiye gukurikiraho.
- Gahunda y'umunsi ishobora nanone gukoreshwa nk'ishakiro ry'umurezi, bifasha kandi abana n'abashyitsi kumenya ibijyanye n'igikorwa kiri gukorwa mu ishuri ndetse n'igikurikiraho.

### **Uko bifasha mu myigire, mu byigwa, mu ngingo nsanganyamasomo n'ubushobozi bw'ibanze.**

- Ibi bizafasha umurezi n'abana gukurikiza igihe banumva neza ko ibikorwa baba bitandukanye muri gahunda y'umunsi.
- Abana batera imbere mu kumenya igihe no gukurikiza ibikorwa by'umunsi.



#### Izindi nama

- Imibare yo ku makarita ikoreshwa mu kugaragaza abitabiriye n'abasibye, ikoreshwa kandi mu bindi bikorwa no ku ruziga mu guteza imbere imibare.
- Amakarita agaragaza inguni agomba kugaragara amanitse mu ishuri ku nkuta.
- Imfashanyigisho zigomba kuba ziteguye muri izo nguni. (Urugero: mu nguni y'imibare hategurwa imfashanyigisho z'imibare, mu nguni y'indimi hategurwa imfashanyigisho z'indimi, n'izindi).



### Aho biboneka mu nteganyanyigisho y'amashuri y'inshuke:

Umwaka wa 3; umutwe wa 5: Ibikorwa by'umunsi n'iby'icyumeru.

Umwaka wa 1n'uwa 2; umutwe wa 4: Gahunda y'umunsi

## 9. Kubika neza imfashanyigisho.

### 9.1. Kuki ari ngombwa kubika neza imfashanyigisho?

Kubika neza imfashanyigisho ni ngombwa cyane kubera ko bifasha umurezi kuzigeraho ku buryo bworoshye igihe azikeneye mu kwigisha ikigwa runaka. Imfashanyigisho zishobora kubikwa hamwe mu kintu kimwe ugendeye ku byigwa cyangwa ku bwoko bwazo. Imfashanyigisho zibitse neza bifasha umurezi kuzibungabunga bityo akaba yamenya izangiritse akazisana cyangwa izabuze akazisimbuza izindi.

Kubika neza imfashanyigisho kandi byongera bikanakuza ubumenyi bwo gufata neza ibantu haba ku murezi ndetse no ku bana muri rusange.

## 8.2 Imfashanyigisho zabikwa hehe?

Imfashanyigisho zibikwa ahantu humutse kandi hatekanye kugira ngo zitangirika. Zigomba kubikwa aho abana bagera. Imfashanyigisho zabikwa nko mu isanduka, mu tubati, mu mifuka idoze neza yabugenewe, mu macupa mu tujerekani dukase, mu bikarito cyangwa mu ibahaha n'ahandi hatekanye.

### 8.2.1. Ububiko bw' imfashanyigisho

#### Ububiko bw' ibitabo bukoze mu gitambaro n' ubundi bukoze mu ibahaha



#### Ububiko bw' amakarita y' inyuguti, ay' imibare n' ay'amashusho mu tujerekani dukase



**Ububiko bw' imfashanyigisho zinyuranye bukoze mu bikarito, buri bwoko mu kazu kayo.**



**Ububiko bw' inyuguti bukozwe mu mu gafuka**



**Ububiko bukozwe mu bikombe**



Ububiko bukozwe mu bikombe: kubika imfashanyigisho mubikombe bikorwa hirindwako nyuma yokuzikoresha zazasandagurika. Umurezi asabwa gutoranya igikombe cyaba icya parasitiki cyangwa icy'icyuma ikindi kitabwaho nuko umurezi areba igikombe cyashizemo ibyo cyari gifunitse.

**Urugero rw' imfashanyigisho zabikwamo :** Amasaro, Udufukino twamanug.inyuguti n'imibare bikase nibindi.

**Ikitonderwa :** Ububiko bw' ibumba bugomba kuba bwhihariye. Ibumba ribikwa mu ishashi cyangwa mu gikombe gikonje kandi gifunze neza kugirango rituma.

## **10. Ibitabo byifashishijwe:**

- Integanyanyigisho y' uburezi bw' inshuke kuva ku myaka 3 kugeza ku myaka 6
- Igitabo k'ikinyarwanda ( amashuri y' inshuke mu Rwanda)
- Early childhood Development Kit ( a treasure box of activities)
- Igipimo ngenderwaho mu mashuri y' inshuke

